

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA 9. SJEDNICE GRADSKOG VIJEĆA TUZLA ODRŽANE 3. JULA 2025.
GODINE U POSLOVNOM OBJEKTU „GRAFIČAR“ SA POČETKOM U 12,00 SATI.**

- SJEDNICI PRISUSTVUJE 31 VIJEĆNIK.

U Tuzli, juli 2025. godine

ANA PEJIĆ – predsjedavajući Gradskog vijeća Tuzla

(Intoniranje himne Bosne i Hercegovine).

Poštovani vijećnici Gradskog vijeća Tuzla, gradonačelnice, predstavnici gradskih službi, predstavnici medija, gosti, otvaram 9. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 27 od ukupnog broja vijećnika, što je dovoljno za punovažan rad i odlučivanje. Za današnju sjednicu svoje kašnjenje su najavili: Jasmin Gavranović, Irma Mehmedović, Samir Mulaosmanović i Berisa Ahmetović.

U skladu sa članom 65. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24), kojim je propisano da „Predsjedavajući obavještava Gradsko vijeće ko je osim vijećnika pozvan da prisustvuje sjednici“, obavještavam vas da je poziv za današnju sjednicu Gradskog vijeća Tuzla upućen gradonačelniku Grada Tuzle i drugim ovlaštenim predlagateljima materijala, sekretaru organa državne službe, te svim obrađivačima, pomoćnicima gradonačelnika i rukovodiocima stručnih službi, Upravnoj organizaciji Zavod za urbanizam, Gradskom pravobranilaštvu Grada Tuzle, menadžmentima javnih preduzeća i javnih ustanova čiji izvještaj razmatraju na današnjoj sjednici Vijeća, Ministarstvu prostornog uređenja i zaštiti okoline Tuzlanskog kantona, kao i medijima. Evidencija prisutnih na današnjoj sjednici Gradskog vijeća je kod uposlenika Stručne službe Gradskog vijeća.

Podsjećam vijećnike da su, uz materijale za današnju sjednicu, dobili i zapisnik, a svaki klub vijećnika i stenogram sa sedme redovne sjednice Gradskog vijeća Tuzla, održane 27.05.2025. godine i sa četvrte vanredne sjednice Gradskog vijeća Tuzla, održane 11.06.2025. godine.

Zapisnik sa 8. redovne sjednice Gradskog vijeća Tuzla, bit će dostavljen na narednoj redovnoj sjednici Gradskog vijeća.

Da li ima primjedbi na zapisnik sa 7. redovne sjednice održane 27.05.2025. godine?

Ako nema, stavljam na izjašnjavanje zapisnik sa 7. redovne sjednice.

Glasanje je okončano.

Konstatujem da je zapisnik sa 7. redovne sjednice Gradskog vijeća Tuzla usvojen sa, 25 glasova za, nije bilo protiv i nije bilo suzdržanih.

Da li ima primjedbi na zapisnik sa 4. vanredne sjednice sjednice Gradskog vijeća Tuzla?

Stavljam na izjašnjavanje zapisnik sa 4. vanredne sjednice sjednice Gradskog vijeća.

Glasanje je okončano.

Konstatujem da je zapisnik sa 4. vanredne sjednice Gradskog vijeća Tuzla usvojen sa, 24 glasa za, nije bilo protiv i nije bilo suzdržanih.

Za današnju 9. redovnu sjednicu Gradskog vijeća Tuzla predlažem dnevni red koji ste dobili u materijalima za Vijeće.

Gradonačelnik Grada Tuzle je u poslovničkom roku, 26.06.2025. godine, dostavio prijedlog da se u dnevni red današnje 9. redovne sjednice Gradskog vijeća Tuzla uvrsti tačka pod nazivom **Razmatranje prijedloga Odluke o povjeravanju javnih ovlaštenja**.

Prijedlog Gradonačelnika ste dobili putem e-maila, kao i u materijalu podijeljenom pred sam početak današnje sjednice.

Da li se neko javlja za diskusiju? Niko.

Stavljam na izjašnjavanje prijedlog Gradonačelnika Grada Tuzle da se u dnevni red današnje 9. redovne sjednice Gradskog vijeća Tuzla uvrsti tačka pod nazivom „Razmatranje prijedloga Odluke o povjeravanju javnih ovlaštenja“, te vas molim da se izjasnite.

Glasanje je okončano.

Konstatujem da je prijedlog Gradonačelnika Grada Tuzle, da se u dnevni red današnje 9. redovne sjednice Gradskog vijeća Tuzla uvrsti tačka pod nazivom „Razmatranje prijedloga Odluke o povjeravanju javnih ovlaštenja“ usvojena sa,
25 glasova za, nije bilo protiv i nije bilo suzdržanih.

Predložena tačka se uvrštava u dnevni red kao tačka 5. dnevnog reda, dok se ostale tačke redoslijedom pomjeraju.

Gradonačelnik Grada Tuzle je u poslovničkom roku, 27.06.2025. godine, dostavio prijedlog da se u dnevni red današnje 9. redovne sjednice Gradskog vijeća Tuzla uvrsti tačka pod nazivom **Razmatranje prijedloga Odluke o utvrđivanju javnog interesa za izgradnju dionice Šićki Brod-Đurđevik na trasi ceste Tuzla-Sarajevo, poddionica 1 (LOT 1), od km 0+300 do km 5+400 L=5,10 km.**

Prijedlog Gradonačelnika ste dobili putem e-maila i u materijalu podijeljenom pred početak današnje sjednice.

Nakon toga, Gradonačelnik Grada Tuzle je 01.07.25-2 godine dostavio obavijest da ovu tačku povlači s dnevnog reda odnosno da povlači svoj prijedlog za dopunu dnevnog reda današnje 9. redovne sjednice Gradskog vijeća Tuzla.

Ovu obavijest Gradonačelnika ste dobili putem e-maila i u materijalu podijeljenom pred sam početak današnje sjednice, te konstatujem da je prijedlog za dopunu dnevnog reda tačkom pod nazivom „Razmatranje prijedloga Odluke o utvrđivanju javnog interesa za izgradnju dionice Šićki Brod-Đurđevik na trasi ceste Tuzla-Sarajevo, poddionica 1 (LOT 1), od km 0+300 do km 5+400 L=5,10 km“ povučena.

Gradonačelnik Grada Tuzle je u poslovničkom roku, 01.07.25-e, dostavio prijedlog da se u dnevni red današnje 9. redovne sjednice Gradskog vijeća Tuzla uvrsti tačka pod nazivom **Razmatranje prijedloga Odluke o izmjeni Odluke o postupku i uslovima za dodjelu sredstava za subvencioniranje troškova sanacije zajedničkih dijelova zgrada.**

Prijedlog Gradonačelnika ste dobili putem e-maila, kao i u materijalima podijeljenim pred sam početak sjednice.

Da li ima neko potrebe da se javi za raspravu? Nema.

Stavljam na izjašnjavanje prijedlog Gradonačelnika da se u dnevni red današnje sjednice Gradskog vijeća Tuzla uvrsti tačka pod nazivom „Razmatranje prijedloga Odluke o izmjeni Odluke o postupku i uslovima za dodjelu sredstava za subvencioniranje troškova sanacije zajedničkih dijelova zgrada“, te vas molim da se izjasnite.

Glasanje je okončano.

Konstatujem da je prijedlog Gradonačelnika Grada Tuzle da se u dnevni red današnje 9. redovne sjednice Gradskog vijeća Tuzla uvrsti tačka pod nazivom „Razmatranje prijedloga Odluke o izmjeni Odluke o postupku i uslovima za dodjelu sredstava za subvencioniranje troškova sanacije zajedničkih dijelova zgrada“ usvojen sa,

27 glasova za, nije bilo protiv i nije bilo suzdržanih.

Predložena tačka se uvrštava u dnevni red kao tačka 6. dnevnog reda, dok se ostale tačke redoslijedom pomjeraju.

Gradonačelnik Grada Tuzle je 01.07.2025. godine, dostavio obavijest Gradskom vijeću Tuzla da iz dnevnog reda današnje 9. sjednice Gradskog vijeća Tuzla povlači prijedlog:

a) Odluke o izmjenama i dopunama Odluke o zakupu stanova u vlasništvu Grada Tuzle i stanova na kojima Grad Tuzla ima pravo raspolaganja,

b) Odluke o dopunama Odluke o visini zakupnine za stanove u vlasništvu Grada Tuzle i stanove na kojima Grad Tuzla ima pravo raspolaganja.

Obavijest Gradonačelnika Grada Tuzle ste dobili putem e-maila i u materijalima podijeljenim pred sam početak današnje sjednice.

Imajući u vidu navedenu obavijest, konstatujem da je iz prijedloga dnevnog reda današnje 9. redovne sjednice Gradskog vijeća Tuzla, povučena tačka

5. Razmatranje i usvajanje:

a) Odluke o izmjenama i dopunama Odluke o zakupu stanova u vlasništvu Grada Tuzle i stanova na kojima Grad Tuzla ima pravo raspolaganja,

b) Odluke o dopunama Odluke o visini zakupnine za stanove u vlasništvu Grada Tuzle i stanove na kojima Grad Tuzla ima pravo raspolaganja,

te da se ostale tačke redoslijedom pomjeraju.

U vezi sa ovom tačkom dnevnog reda, dužna sam obavijestiti vijećnike da je Organizacija demobilisanih boraca Grada Tuzle dostavila zahtjev za korekciju bodovanja aplikanata, a da je vijećnik Omer Berbić blagovremeno podnio amandman na Odluku o zakupu stanova u vlasništvu Grada Tuzle i stanova na kojima Grad Tuzla ima pravo raspolaganja.

Imajući u vidu da je predlagач navedenu Odluku povukao iz dnevnog reda današnje sjednice Gradskog vijeća, zahtjev Organizacije demobilisanih boraca Grada Tuzle i amandman vijećnika Berbića su proslijeđeni na razmatranje gradonačelniku kao predlagачu i Službi za boračko-invalidsku zaštitu, stambene poslove i integraciju raseljenih lica kao i obrađivaču Odluke.

Sada stavljam na izjašnjavanje dnevni red u cjelini.

Glasanje je okončano.

Konstatujem da je dnevni red 7. redovne sjednice Gradskog vijeća Tuzla usvjen sa, 28 glasova za, nije bilo protiv i nije bilo suzdržanih.

USVOJENI DNEVNI RED 9. REDOVNE SJEDNICE GRADSKOG VIJEĆA TUZLA ODRŽANE 3.7.2025. GODINE (broj 01/04-A-9350-2025)

- Usvajanje Zapisnika sa sedme redovne sjednice Gradskog vijeća Tuzla, održane 27.5.2025. godine i Zapisnika sa četvrte vanredne sjednice Gradskog vijeća Tuzla, održane 11.6.2025. godine

1. Vijećnička pitanja i inicijative

2. Razmatranje i usvajanje:

a) Odluke o izmjenama i dopunama Budžeta Grada Tuzle za period 1.1.- 31.12.2025. godine

b) Odluke o izmjeni i dopunama Odluke o izvršavanju Budžeta Grada Tuzle za 2025. godinu

3. Razmatranje i usvajanje Odluke o institucionalnom obilježavanju 11. jula – Međunarodnog dana sjećanja i obilježavanja počinjenog genocida u Srebrenici 1995. godine

4. Razmatranje i usvajanje Odluke o razrješenju zamjenika Gradskog pravobranioca u Gradskom pravobranilaštvu Tuzla

5. Razmatranje i usvajanje Odluke o povjeravanju javnih ovlaštenja

6. Razmatranje i usvajanje Odluke o izmjeni Odluke o postupku i uslovima za dodjelu sredstava za subvencioniranje troškova sanacije zajedničkih dijelova zgrada

7. Razmatranje i usvajanje:

a) Odluke o davanju saglasnosti na zaključenje ugovora o zakupu poslovne prostorije sa Stari i tradicionalni obrt Zlatarska radnja „FILIGRAN“ vl. Berbić Sadik

b) Odluke o dodjeli u zakup poslovnih prostorija neposrednom pogodbom Udruženju „SUNCOKRET“ Tuzla

8. Razmatranje i usvajanje imovinsko-pravnih akata:

a) Odluka o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za dograđeni poslovno-proizvodni objekat u naselju Gornja Tuzla u Tuzli, broj: 01/07-27-172/2024

b) Rješenje o imenovanju Komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za dograđeni poslovno-proizvodni objekat u naselju Gornja Tuzla u Tuzli

c) Odluka o zamjeni nekretnina uz nadoknadu i davanje saglasnosti na zaključenje ugovora, broj: 01-07-27-3521/2025

9. Razmatranje i usvajanje Izvještaja o radu i poslovanju javnih i drugih preduzeća, čiji je osnivač ili suosnivač Grad Tuzla za 2023. i 2024. godinu

a) JKP Komunalac d.o.o. Tuzla za 2023. godinu

b) JKP Komunalac d.o.o. Tuzla za 2024. godinu

10. Razmatranje i usvajanje Izvještaja o radu i poslovanju javnih i drugih preduzeća, čiji je osnivač ili suosnivač Grad Tuzla za 2024. godinu

a) Centralno grijanje d.d. Tuzla

11. Razmatranje i usvajanje Izvještaja o radu javnih ustanova čiji je osnivač ili suosnivač Grad Tuzla za 2024. godinu

a) JU Centar za socijalni rad Tuzla

12. Razmatranje Informacije o realizaciji integrisane Strategije razvoja grada Tuzle do 2026. godine, revidirana Strategija razvoja grada Tuzle 2019. – 2021. godine, informativni period 2024. godina

13. Rasprava o Nacrtu Prostornog plana za područje Tuzlanskog kantona za period 2025-2045 godina

14. Razmatranje izvještaja Komisije za izbor i imenovanja

15. Tekuća pitanja:

a) Obavještenje „Tržnice-Pijace“ d.o.o. za usluge i trgovinu Tuzla o razlozima prolongiranja izrade izvještaja o radu i poslovanju za 2024. godinu

b) Obavještenje Službe za budžet i finansije o razlozima prolongiranja izrade:

-izvještaja o izvršenju Budžeta Grada Tuzle za period 1.1. - 30.6.2025. godine

-izvještaja o korištenju sredstava Tekuće rezerve za period 1.1. - 30.6.2025. godine

c) Obavještenje JKP Vodovod i kanalizacija Tuzla o razlozima prolongiranja izrade izvještaja o radu i poslovanju za 2024. godinu.

Prelazimo na realizaciju dnevnog reda današnje 9. redovne sjednice.

Prva tačka su:

VIJEĆNIKA PITANJA I VIJEĆNIKE INICIJATIVE

Vijećnička pitanja. Vijećnik Omer Berbić. Izvolite.

OMER BERBIĆ – vijećnik Naše stranke

Hvala ljepo. Ja ću priložit tri vijećnička pitanja i tri vijećničke inicijati i izvinut ću se kolegama. Moram ić za Sarajevo. Djevojka mi postaje doktorica medicine. Ima diplomski. (SENAD MEHMEDINOVIĆ – Čestitam). Fala ljepo. Tako da je ovaj, mislim, opravdan razlog. Fala ljepo.

ANA PEJIĆ

U redu. Nastavljamo sa radom. Vijećničko pitanje. Vijećnik Denis Bećirović. Izvolite.

DENIS BEĆIROVIĆ – vijećnik Demokratske fronte – DF

Hvala predsjedavajuća. Želim da pozdravim vas, dopredsjedavajućeg, kolegice, kolege, sekretara, predstavnike medija, sve prisutne.

Dakle, jedno vijećničko pitanje, ovaj, prilažem. Drugo ću samo iščitati. Dakle, odnosi se...odnosno ovo pitanje upućujem Federalnom ministarstvu energije, rudarstva i industrije. Predmet je dakle lokacija i sjedište berze električne energije Federacije Bosne i Hercegovine. U vezi sa informacijom da je prema prednacrtu Zakona o regulatoru električne energije prenosu i tržištu električne energije Federacije Bosne i Hercegovine predviđeno da berza električne energije Federacije BiH bude smještena u Mostaru, postavljam vijećničko pitanje:

Zašto nije razmatrano da sjedište berze električne energije Federacije Bosne i Hercegovine bude u Tuzli, s obzirom na sljedeće činjenice od strateškog značaja? Tuzla je najveći energetska centar u Federaciji BiH, budući da se na području grada nalazi Termoelektrana Tuzla koja sa svojim blokovima ostvaruje više od 50% ukupne proizvodnje električne energije. Zatim, Termoelektrana je temeljni stub elektroenergetskog bilansa Federacije Bosne i Hercegovine, naročito u zimskim mjesecima kada hidrološke prilike ograničavaju rad hidroelektrana. Osim proizvodnje električne energije govorimo o kogenerativnom sistemu, dakle, sistemu za proizvodnju toplotne energije za daljinsko grijanje i tako dalje. Termoelektrana Tuzla je u 2023. godini, dakle, proizvela tri hiljade gigavat sati električne energije, što čini više od 1/3 ukupne proizvedene električne energije u BiH, s tendencijom porasta i modernizacije.

Tuzla posjeduje razvijenu infrastrukturu, kadrove i institucije, uključujući Mašinski i Elektrotehnički fakultet, stručne i tehničke škole i kompanije, koji omogućavaju pouzdanu logistiku i ekspertsku podršku za rad energetske berze, te grad Tuzla nema niti jedno preduzeće na federalnom nivou javno, uprkos doprinosima koje ostvaruje za budžet Federacije BiH putem poreza, doprinosa i energenata. Smještanje sjedišta još jedne važne federalne institucije izvan Tuzle samo dodatno produbljuje regionalnu neravnotežu.

Dakle, splet vijećničkih pitanja koje upućujem evo i kolegi ministru koji dolazi iz Tuzle i nadam se da ću dobiti odgovor. Hvala.

ANA PEJIĆ

Zahvaljujem se. Sljedeća vijećnička pitanja. Vijećnik Mirza Malkočević. Izvolite. (MIRZA MALKOČEVIĆ – Hvala predsjedavajuća. Prilažem). U redu. Vijećnička pitanja. Vijećnik Emir Šahović. Izvolite. (EMIR ŠAHOVIĆ – Prilažem). U redu. Vijećnička pitanja. Vijećnik Dejan Kovačević. Izvolite.

**DEJAN KOVAČEVIĆ – vijećnik HDZ – BiH Hrvatske demokratske zajednice
Bosne i Hercegovine**

Hvala predsjedavajuća. Evo prije svega da pozdravim kolegice i kolege vijećnike, gradonačelnika, predstavnike službi, medije, sve prisutne goste.

Ja imam tri vijećnička pitanja. Neke ću pročitati. Nekima ću samo pročitati naslov.

Prvo vijećničko pitanje glasi, odnosi se za Služu za komunalne poslove, izgradnju i poslove mjesnih zajednica Grada Tuzla. I ono glasi: Da li će i kada biti sanirana podnica pješačkog mosta koju povezuje naselja Bulevar i Stupine? Već je zahtjev prema Službi za komunalne poslove upućen ispred Mjesne zajednice Novi Grad II. U obrazloženju je zbog šipanja dasaka podnice pješačkog mosta koji povezuje naselja Bulevar i Stupine i buke koje proizvode podnice prilikom prelaska preko istih, pritužbe građana koji prolaze predmetnim mostom i stanara koji žive u drugoj i trećoj elovci Vladimira Nazora od broja 8 do broja 16, čiji su prozori stanova okrenuti prema predmetnom mostu, sve su učestalije. Naime, uvidom u postojeće stanje pješačkog mosta da se zaključiti da su pomenute podnice pješačkog mosta koje su od drveta labave i dijelom svog tijela uvrnute, tako da prilikom prelaska preko istih proizvode ove zvukove i samim time pješaci, biciklisti i djeca osjećaju se nesigurno prilikom prolaska preko predmetnog mosta. Iskreno se nadam da će Služba prepoznati problem i uvažiti inicijativu, te pronaći...uvažavajući struku adekvatan način za sanaciju podnice predmetnog pješačkog mosta.

Druga je. Da li će i kada biti saniran poklopac šahta kod Odjeljenja za Zemljoknjižne poslove Općinskog suda u Tuzli? Naime, u ulici Maršala Tita ispred samog ulaza u Odjeljenje, što zovemo Gruntovnica ili ZK Ured nalazi se šaht koji je u dotrajalom stanju, pa evo pritužbe građana da se boje za svoju sigurnost, jer dotrajalost poklopca prijeti sigurnost i mogućem propadanju pješaka u šaht, čime bi se bila narušena sigurnost za zdravlje pješaka.

I treće pitanje. Da li će i kada biti upućeno prema Javnoj ustanovi Direkcija regionalnih cesta Tuzlanskog kantona i Ministarstva unutarnjih poslova Tuzlanskog kantona. Da li će i kada biti postavljene stacionarne kamere za brzinu kontrole u Mjesnoj zajednici Par Selo u gradu Tuzla, tj. na regionalnom putu R-470 koji vodi za Tuzla – Kalesija, tj. Živinice? Svjedoci smo da na tom putnom pravcu svakodnevno ima dosta prometnih nesreća koje nekad završe smrtnim ishodom, tako da, evo, znači, pored evo, prijedlog je ili usporovači brzine ili u ovom, u ovom vijećničkom pitanju, tj. inicijativi dal, onaj, treba postaviti stacionarne kamere. Toliko zasad. Hvala.

ANA PEJIĆ

Zahvaljujem se. Vijećničko pitanje. Vijećnik Mirnes Ajanović. Izvolite.

MIRNES AJANOVIĆ – vijećnik BOSS – Bosanske stranke

Hvala. Tri su. Dva su Mjesne zajednice Kreka, Centar i druge, gdje treba sanirati radove odnosno ceste nakon izvršenih radova Javnog preduzeća Vodovod i kanalizacija. Ima toga već stoji duže.

I jedno je da se dovrši, kada će biti dovršen posao postavljanje odvodnih cijevi u naselju Kužići, Kreka. Već se bilo uradilo određeno evo u trasi. 20 metara je ostalo. Sad već imaju probleme usljed izljevanja površinskih voda, oštećenja objekata. Zašto su radovi obustavljeni? Ko je donio odluku o prekidi? Da li postoji plan i rok za nastavak? Kad će mještani dobiti rješenje ovog problema? Toliko. Hvala. Dostavljeni su svi u prilogu tamo.

ANA PEJIĆ

U redu. Sljedeće vijećničko pitanje. Vijećnik Nedžad Jusić. Izvolite.

NEDŽAD JUSIĆ – nezavisni kandidat – nacionalna manjina

Hvala predsjedavajuća. Poštovana predsjedavajuća, kolege i kolegice, vijećnici i vijećnice, gradonačelnice i drugi.

Ja imam dva vijećnička pitanja. Iako na prošloj sjednici nešto nisam baš dobro zapazio u toku same sjednice, al nakon pregleda snimka, netko mi je rekao, u stvari kolega iz NL-a je rekao da ne postavljam više pitanja, al evo ja i dalje postavljam pitanja. Isto ću pitanje postaviti i dalje koji se tiče menadžera kvaliteta Doma zdravlja Tuzla, a to je obnovit ću to pitanje još jednom. Koje projekte je realizovo? Jel u opisu posla mu stoji da i realizuje i komunicira donatore? Koje projekte realizovo, napisao, dobio Dom zdravlja na osnovu zahvaljujući gospodinu Nedimu Osmanoviću? I da mi se dostavi konstrukcija tih troškova, jer to mu stoji u opisu posla i ja sam siguran u tome da ćemo dobiti izuzetno kvalitetan odgovor, jer ne znam dal se i to danas evo poslije ovog imamo i usvajanje i rebalansa budžeta gdje ćemo odvojiti 300.000 maraka za Dom zdravlja Tuzla, ne znam dal i to ulazi u njegov opis posla da izlobiraju i tih 300.000 za nabavku aparata? Al otom potom. To ćemo u rebalansu budžeta govoriti. To je jedno vijećničko pitanje.

Drugo vijećničko pitanje se odnosi za Komunalnu službu Grada Tuzla. Kada će se i konačno izvršiti rekonstrukcija, evo već počela je i prije izbora. Ima više od godinu dana, a počela je rekonstrukcija ulice Vikaljska, u Mjesnoj zajednici Mosnik. Kada će se već jednom završiti ta ulica, jel građani su jednostavno zabrinuti godinu dana već imaju problem sa prolazom. I evo molim između ostalog i Službu i izvođača radova da se ubrzaju ti radovi i da na kraj krajeva građani mogu slobodno se kretati tom ulicom? Hvala.

ANA PEJIĆ

Zahvaljujem se. Sljedeći se javio vijećnik Mensur Mujezinović. Izvolite.

MENSUR MUJEZINOVIĆ – vijećnik Nezavisne liste „Sloboda“

Samo da odgovorim kolegi, onaj, pošto me prozvo ponovo, onaj, ja ću uvijek stati (ANA PEJIĆ – Al, nema diskusije). Samo sekundu. Moram odgovorit. Znači, uvijek stat u odbranu zlatnog studenta, onaj, a vi dobro znate, onaj, zašto sam vam ja reko i zamolio sam vas, evo nemojte više, ne želim ja da slušam neke ružne stvari u kojem ste vi učestvovali. Znae vi šta je bilo o tom svemu. I, onaj, prozovite koga trebate, a ne Nedima.

ANA PEJIĆ

U redu. Sljedeća se javila vijećnica Dragana Berberović Gagro. Izvolite.

DRAGANA BERBEROVIĆ GAGRO – vijećnik Naše stranke

Lijep pozdrav za sve prisutne. Evo ovako. Ja bih postavila dva pitanja.

Prvo pitanje glasi znači bilo je u skladu sa dnevnim redom, ali ovaj ja ću ga postaviti, jer će mi informacija svakako trebati.

Poštovani, molim da mi se dostave...da mi dostavite informacije o ukupnom tačnom broju gradskih stanova u vlasništvu Grada Tuzle, uključujući njihove adrese, te da li su korisnici tih stanova iz kategorija predviđenih važećom Gradskom uredbom?

I sljedeće vijećničko pitanje naravno upućujem ponovo Javnom poduzeću Pannonica Tuzla. S obzirom da nisam prošli put bila prisutna, evo, a opet kažem, s obzirom da poznajem tematiku i oblast upućujem ponovo pitanje Javnom poduzeću Pannonica i želim da mi se odgovori na sva pitanja koja sam dosad postavila a nisam dobila odgovor. Molim vas da mi dostavite pojedinačni fiskalni izvještaj za svaki održani koncert i manifestaciju na Pannonici, po razredu cijene ulaznica, kao i odgovore na prethodna pitanja koja sam uputila a niste mi dostavili? Želim samo da kažem da vrlo dobro poznajem ovu oblast i da 15.000 maraka od manifestacija koje je iskazano, koje su iskazane znači kao prihod je vrijeđanje intelegencije. Možda moje kolege nisu upoznate s materijom, al ja veoma dobro jesam i ovo što se radi je nedopustivo. Ukoliko ne dobijem informacije, svakako uzet ću sebi za pravo i mogućnost da iskoristim druge organe koji su dužni da postupe po prijavama. Hvala.

ANA PEJIĆ

Zahvaljujem se. Sljedeći se javio vijećnik Senad Mehmedinović. Izvolite. Možete samo mikrofona Dragana isključiti? Izvolite Senade.

SENAD MEHMEDINOVIĆ – vijećnik Nezavisne liste „Sloboda“

Ja ću samo pročitati naslove vijećničkih pitanja, a dostavit ću putem e-maila, obzirom da sam zaboravio, pa izvinjavam se.

E samo da vidim. Prvo vijećničko pitanje Službi za geodetsko – imovinsko pravne odnose. Upit o imovinsko pravnom statusu i održavanju zelene površine ispred zgrade Stupine B-11.

Drugo vijećničko pitanje Uredu gradonačelnika. To sam prije isto postavljao, al evo sad opet. Da li planirate inicirati održavanje zajedničkog sastanka sa gradonačelnicima Živinica i Lukavca na temu razvoja i uređenja područja oko jezera Modrac?

I treće pitanje Službi za komunalne poslove, izgradnju i poslove mjesnih zajednica. To sam isto postavljao, a nisam dobio nikad odgovor. Koliki je omjer prigradskih i gradskih mjesnih zajednica koje su uz učešće građana u iznosu od 20% učestvovala u finansiranju asfaltiranja puteva? Hvala.

ANA PEJIĆ

Zahvaljujem se. Da li još neko ima vijećničkih pitanja? Nema.

Prelazimo na VIJEĆNIČKE INICIJATIVE

Vijećnička inicijativa. Vijećnici Zlatan Mehmedović i Jasmin Gavranović, ispred Kluba vijećnika SDP-a. Izvolite.

**JASMIN GAVRANOVIĆ – vijećnik SDP – Socijaldemokratske partije
Bosne i Hercegovine**

Hvala predsjedavajuća. Pozdravljam sve prisutne. Samo ću pročitati naziv inicijative. Odnosi se za postavljanje dodatnih i sanaciju postojećih parkirališta za bicikla na području grada Tuzle (ANA PEJIĆ – To je to?). Drugu prilažemo. Da.

ANA PEJIĆ

U redu. Vijećnička inicijativa. Vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo danas u ime Kluba vijećnika Demokratske fronte, dakle, prva vijećnička inicijativa se odnosi prema Ministarstvu unutrašnjih poslova Tuzlanskog kantona, a odnosi se na postavljanje stacionarnog radara u naselju Dobrnja, na magistralnom putu M-1.8 Tuzla – Orašje. Dakle, zbog učestalih prekoračenja brzine na tom području i blizine osnovne škole, dvije stanice, dakle, sasvim je opravdano da na datom pravcu imamo i radar kako bi povećali bezbjednost svih učesnika u saobraćaju, ponajviše osnovaca koji žive na tom mjestu, ali i mještana.

Zatim, druga vijećnička inicijativa odnosi se prema Željeznicama Federacije Bosne i Hercegovine i zahtjev za rekonstrukciju i obilježavanje pružnog prijelaza u naselju Mramor, obzirom da je taj pružni prelaz frekventan, a da je to i direktno ulaz u naselje Mramor. Nemamo dakle ni svjetlosne ni saobraćajne infrastrukture na tom dijelu i mislim zbog svih učesnika trebamo, trebamo spriječiti fatalne, fatalne posljedice.

I treća vijećnička inicijativa, dakle, Službi za komunalne poslove, izgradnju i poslove mjesnih zajednica. Asvaltiranje pristupnog seoskog puta u naselju Lovrići, Mjesna zajednica Kiseljak, selo Breze. Dakle, u obrazloženju sam naveo o kojim dionicama se radi, tako da to ne bih iščitivao, dobit će napismeno sve. Hvala.

ANA PEJIĆ

Zahvaljujem se. Vijećničke inicijative. Vijećnik Mirza Malkočević. Izvolite (MIRZA MALKOČEVIĆ – Prilažem). U redu. Vijećničke inicijative. Vijećnik Emir Šahović (EMIR ŠAHOVIĆ – Prilažem). U redu. Vijećnička inicijativa. Vijećnica Svjetlana Kakeš (SVJETLANA KAKEŠ – Prilažem). U redu. Vijećnička inicijativa. Vijećnik Dejan Kovačević. Izvolite.

DEJAN KOVAČEVIĆ

Hvala predsjedavajuća. Ja ovaj put imam tri vijećničke inicijative. Pokušat ću bit kratak da kolegama i kolegicama ne oduzimam dosta vremena, al evo smatram da su ove dvije jako ozbiljne koje treba razmatrat možda, jedno od ovih možda čak treba razmatrat kao točku dnevnog reda Gradskog vijeća. Al evo.

Prva vijećnička inicijativa je za pojačan nadzor nad vlasnicima pasa. Mi smo sa zapada usvojili trendove, evo jedan od takvih je da ovaj u stanovima i kolektivnim smještajima imamo kućne ljubimce i to, al evo, znači, nismo usvojili kulturu ponašanja. Pa evo u obrazloženju, s obzirom da sam u posljednje vrijeme dobio dosta pritužbi od građana, a i sam sam svjedok da vlasnici pasa ne vode računa o mjerama bezbjednosti prilikom izvođenja svojih ljubimaca u šetnju, odnosno izvođe ih bez povodca i brnjice i da ne mali broj vlasnika za svojim ljubimcima ne pakuje i neadekvatno ne zbrinu izmet sa javnih površina, a često su ona dječija igrališta, šetališta, zelene površine ispred stambenih zgrada, nakon što njihovi ljubimci izvrše veliku nuždu ili uriniraju. Zbog moguće pojave zaraznih bolesti usljed higijenski neadekvatnog ponašanja i nesavjesne brige vlasnika pasa i drugima, sve veći broj pritužbi zabrinutih građana kako za svoju tako i za bezbjednost svoje djece.

Zakon o javnom redu i miru Tuzlanskog kantona koji je objavljen u Službenim novinama 06.08.2021. godine, u članu 3. stav 1. tačke 29. i 30. propisuje se da će onaj ko drži

životinje mimo propisanih uslova, a koji mogu ugroziti sigurnost građana ili ih uznemirit, kazniti novčanom kaznom u iznosu od 100 maraka. A tačka 30. propisuje da će onaj koji na javnom mjestu izvodi psa bez povodca i brnjice, kazniti novčanom kaznom u iznosu od 100 do 1.000 Konvertibilnih maraka.

Shodno tome, podnosim vijećničku inicijativu za pojačan nadzor nad vlasnicima pasa od strane Komunalnih inspektora, tj. redara Službe za inspekcijske poslove Grada Tuzla i uposlenike Ministarstva unutarnjih poslova Tuzlanskog kantona i to pogotovo u rano jutarnjim i večernjim satima.

Druga vijećnička inicijativa se odnosi na formiranje tima Službe hitne medicinske pomoći Tuzla – Zapad sa sjedištem u Mjesnoj zajednici Bukinje. U skorije vrijeme taj tim Službe hitne medicinske pomoći je postojao zbog nedostatka kadra i finansijskih sredstava je ukinut. U obrazloženju navodim da Mjesna zajednica Bukinje i okolna naselja, njih 22, uključujući Šićkog Broda, Husina, Ljubača, Pasaca, pa da ne nabrajam sve, Gornje Lipnice, Trstja, preko Donje Obodnice, Avdibašića, već duži niz godina nemaju direktan i brz pristup Hitnoj medicinskoj pomoći. Najbliža ekipa Hitne medicinske pomoći koja je sa sjedištem u urbanom dijelu grada Tuzla se iznajmila u naselju Slatina, u zgradi Doma zdravlja Tuzla i koja je uglavnom na terenu zbog jako učestalih potreba stanovnika ne može brzo i adekvatno odgovoriti potrebama stanovnika gore pomenutih naselja, zbog nedostatka kadra, vozila i opreme, te veoma često mora dolaziti iz udaljenih dijelova grada i rubnih mjesnih zajednica, prolazeći kroz sve češću prometnu gužvu, što značajno produžava vrijeme reakcije i direktno ugrožava zdravlje i živote stanovnika ovih naselja. Povećan broj prometnih nesreća na magistralnim putevima M-1.8 i M-4 i lokalnim putevima kojim prolaze kroz pomenuta naselja, te veliki broj osoba treće životne dobi, hroničnih bolesnika, kao i oboljele djece u ovim naseljima, dodatno opravdava potrebu za formiranjem lokalno stacionarnog tima Službe hitne medicinske pomoći.

Osnivanje takvog tima doprinijet će bržu reakciju u hitnim slučajevima. Ravnomjerniju raspodjelu medicinskih resursa na području grada. Većem stepenu sigurnosti i povjerenju građana, te rasterećenju postojećih timova u centralnim dijelovima grada Tuzla.

Predlažem da se usvoji, da se usvoji predlo...onaj inc...da se predlažem da se usvoji predložena inicijativa i da nadležne službe Grada Tuzla, Ministarstva zdravlja Tuzlanskog kantona i Zavoda zdravstvenog osiguranja Tuzlanskog kantona iz svojih proračuna izdvoje odgovarajuća finansijska sredstva, da li putem rebalansa budžeta, projektima ili sufinansiranjem, te da zajedno sa nadležnom službom Doma zdravlja Tuzla izvrši potrebne analize i izradi plan i realizaciju uključujući kadrovske, tehničke i budžetske aspekte formiranje i postavljanje tima Službe hitne medicinske pomoći u prostoriji Područne ambulante u Mjesnoj zajednici Bukinje ili drugi adekvatan prostor u njenoj neposrednoj blizini.

I treća vijećnička inicijativa odnosi se na uvrštanje izvorišta Bašinci, u naselju Ljubače, Grad Tuzla u potencijalno dobro baštine upućeno prema Zavodu za zaštitu i korištenje kulturno historijskog i privremenog nasljeđa Tuzlanskog kantona. Naime, izvorište Bašinci se nalazi u naselju Ljubače unazad tristo, četrsto godina. Preživjelo je sve moguće imperatore od Osmanskog carstva, Austro – Ugarske, Kraljevine SHS-a, Kraljevine Jugoslavije, bivše Jugoslavije SFRJ, do unazad nekoliko decenija. To izvorište je zapušteno, a zbog očuvanja dobra kulturne baštine gore navedenog u inicijativi, iskreno se nadam da će se uvažiti predložena inicijativa i na predmetnoj lokaciji utvrditi opravdanost iste. Hvala.

ANA PEJIĆ

Zahvaljujem se. Sljedeća vijećnička inicijativa. Vijećnik Mirnes Ajanović. Izvolite.

MIRNES AJANOVIĆ

Hvala. Rješavanje problema kružnih tokova. Svugdje kružni tok služi za ubrzavanje saobraćaja, efikasan prolaz vozila, protočnost i slično. U Tuzli je i to problem, pogotovo kod MUP-a, Brčanska Malta, Slatina, više manje, tek će početi. Kako riješiti problem kružnog toka gdje je pješački prelaz neposredno u ulazu ili izlazu iz kružnog toka gdje vozila budu blokirana u kružnom toku i sve stoji. I to poprilično. Jednostavno. Semafor za pješake. Sad imamo stanje da pješaci non stop prelaze. Ne čekaju ni sekunde. Nije problem ni u pješacima. Romobili, biciklisti, samo prolete preko pješačkog. Vozač nema kad ni da vidi. Dolaze mu sa strane. Semafor za pješake bi doveo do prolaza pješaka u određenim terminima. Efikasnim. Sačeka se možda pola minuta i prelazi se. Svo ostalo vrijeme vozila prolaze. Ubrzava se protok. Nema zastoja. Nema rizika. Nema mogućnosti da vozač udari pješaka. Da pješak izleti da i ne gleda. Imamo recimo kružni tok kod MUP-a, gdje su još uvijek ostali tragovi bivšeg prelaza kroz direktno kružni tok. I vozač krene i pješak ide isto na vozilo. I sad gledaju se. Onaj pješak, što ćeš kaže na mene, vidi pješački. Dakle, mora biti semafor. Inicijativa da se postave semafori. Time bi mi riješili ove probleme. Kontrolisali pješake u vremenskim intervalima. Nema ugrožavanja njih. Povećanje bezbjednosti i pješaka i vozača. Smanjenje rizika u saobraćajnim nesreća. Ima ih i dešavaju se. Ova moja inicijativa je u stvari inicijativa jučerašnje sjednice Komisije za ljudska prava i slobode, po prijedlogu člana Komisije, Nedžada Durmića i mi smo analizirali da je bolje da to ide sada evo putem mene kao predsjednika Komisije i vijećničke inicijative da bi što prije se išlo ka realizaciji ovog problema i postavljanja semafora za pješake, posebno na ove tri lokacije Brčanska Malta, MUP i Slatina, a onda i ostale. Time bi riješili problem sigurnosti. Ubrzali bi promet. Nervoza bi bila mnogo manja i manje saobraćajnih nesreća. Usput bi trebalo biti i edukacija za prolazak kroz kružni tok. Dolazi do velikih problema kada vozač iz unutrašnjeg dijela, unutrašnje trake, treba nastaviti pravo, a drugi se kreće vanjskom. I tu je veliki broj udesa, al eto to je već druga inicijativa. Kasnije ćemo.

A sljedeća je, ukidanje višestrukih prekršajnih prijava za isti dan kretanja neregistrovanog vozila. Ko od vas tačno zna kad se u vozilu i u vozačkoj može evo dogoditi da istekne, vozačka dozvola, ona saobraćajna? Desi se. Zaboravi se. Za dan. Nekad vidite trčite taj dan. U Tuzli je veliki broj kamera koje snimaju vozila da li su registrovani. I šta se dešava? Vozač dakle kad je napravio prekršaj kriv je gotovo nema opravdanja. Dok prođe kroz Tuzlu može pokupit deset kazni. I šta rade? Za svaki prolazak bilo gdje kroz bilo koju lokaciju ide kazna. Sto maraka, jedan bod. I prođi deset puta. Gotovo, otišla vozačka. Još hiljadu maraka morate platiti. Nedaj Bože da odet još do Sarajeva taj dan. Skupit će te trideset, četrdeset kazni. U jednom danu. To je po zakonu produženi prekršaj. Plaća se jedna kazna. MUP to zna. To je sudska praksa. Oni moraju dostaviti samo jedan prekršajni nalog, jer se radi o produženom prekršaju. U Republici Srpskoj je regulisano tako. Ispade da su oni napredniji od nas. Tamo možete proć koliko god hoćete. Cijelu Republiku Srpsku. Pedeset takvih kamera. Plaćate za taj dan samo jedan prekršaj. Oni imaju evidenciju. I kod nas postoji evidencija. Nije moguće da MUP nema evidenciju elektronsku toga što se dešava kroz svakako snimljene te kamere. Same kamere i samim snimanjem daju evidenciju ko je šta prošao i gdje. Prijedlog i inicijativa MUP-u. Više je to obrazloženo. Ovo ja samo prepričavam. Da se ide ka tome da MUP sam, odnosno Policijska uprava, reducira te prijave, jer se evidentno vidi da su istog dana. I isti dan vi dobijete u sandučetu više tih prijava. Zavisi koliko ste puta prošli ako ste išli kroz grad. Dakle, nije ovo favoriziranje vožnje neregistrovanog vozila. Kažnjavanje će biti. Kazna je još jednom kažem sto maraka i jedan bod, ali ne može se produženi prekršaj zanemariti i plaćati za svaki prolazak po dodatna kazna. Ovo je prijedlog. Ako ne može iz bilo kojih razloga, iako ja znam imam praksu kao advokat da se radi o produženim prekršajima. Sudije to definišu i regulišu na način da plaćаш samo jednom. Al ako MUP kaže, mi ne možemo, nego mi moramo sve to sudijama poslat. Mi imamo potpuno opterećenje sudija, gdje oni dobijaju po deset prekršaja za isti dan,

za isto lice i dobije to tri il četiri sudije, koliko ih ima na Prekršajnom odjeljenju i onda oni se moraju uvezivati. Komplikovano. Pravi se problem svima. Dakle, inicijativa ide ka tome, da mi tražimo od MUP-a i da nas obavijesti o tome, ako to kroz propis ne može da MUP sam radi dostavljanje jedinstvenog prekršajnog naloga, kao produženog prekršaja, da se ide ka izmjeni propisa da MUP ima te ovlasti da se samo na takav način mogu dostavit takve prijave i nikako ubuduće da se dostavi više prijava za jedan prekršaj. Eto, to je otprilike ova inicijativa.

I još jedna. U prepričanom. Dužan sam. Ipak se radi o jednom od narodnih heroja. Jednom od devet. Evo imam ovdje inicijativu i traže završetak ulice Mehdiina Hodžića. Ružno je da ulica jednog od devet bosanskohercegovačkih narodnih heroja, ne asfaltirani dio ulice dužine oko 70 metara, da se asfaltira i bočni krak. Vodi do 11 domaćinstava. I to je 70 metara. To je ulica u Planama, Mjesna zajednica Šićki Brod. Da ne govorim o tome da je sramota da imamo ulicu narodnog heroja, a da je u ovakvom stanju. Pa evo inicijativa. Šire je obrazloženo da se to što prije realizuje. Hvala.

ANA PEJIĆ

Zahvaljujem se. Vijećnička inicijativa. Vijećnica Dragana Berberović Gagro. Izvolite.

DRAGANA BERBEROVIĆ GAGRO

Hvala predsjedavajuća. Evo ovako. Ja imam inicijativu, znači, za regulisanje kretanja električnih romobila u pješačkim zonama. S obzirom na sve češće i brže kretanje električnih romobila, posebno maloljetnika kroz pješačke zone u Tuzli, predlažem sljedeće:

Privremena zabrana kretanja električnih romobila u strogo pješačkim zonama, dok se ne uspostave pravila i infrastruktura. Postavljanje jasnih znakova zabrane i sprovođenje kontrole putem Komunalne policije, redara, inspekcije, evo šta već mi posjedujemo. Pokretanje javne rasprave. Izrada lokalnog Pravilnika o korištenju romobila i sličnih vozila u urbanim zonama.

Dugoročno rješenje koje bi moglo biti: Grad treba omogućiti siguran suživot pješaka, biciklista i vozača romobila kroz uređenje biciklističkih i višefunkcionalnih staza. Edukativne kampanje za vozače romobila i roditelje maloljetnika. Saradnja s višim nivoima vlasti radi definiranja zakonskog statusa ovih vozila. Problemi nastaju kada električni romobili nisu zakonski uređena kategorija, iako dostižu brzinu i do 30 km/h. Brze i nepredviđene vožnje ugrožavaju pješake, posebno djecu, starije i osobe s manje nepokretljivosti. Trenutno pravni okvir ne predviđa odgovornost korisnika niti mehanizme kontrole. Imamo veliki broj pritužbi građana koji se boje za svoju sigurnost dok šetaju ulicama grada. Molila bih da se ova inicijativa shvati ozbiljno i da se radi na njoj.

Sljedeća inicijativa je znači vijećnička inicijativa za održavanje javne rasprave o problemu parkinga u gradu soli. U gradu Tuzli. Na osnovu obraćanja gupe građana iz naselja Stupine koji su Gradskom vijeću uputili pismeni zahtjev u vezi sa dugotrajnim problemom nedostatka parking prostora ispred stambene zgrade, smatram nužnim postaviti sljedeće pitanje: Zašto se tema od evidentnog interesa za građane ne nalazi na dnevnom redu Vijeća? Ignornisanje zahtjeva našeg sugrađana bez obzira na to jesu li njihovi prigovori u potpunosti osnovani nije prihvatljivo niti odgovorno.

Zato kao vijećnica, podnosim inicijativu da se održi javna rasprava o pitanju parkinga u gradu soli. Pozovu predstavnici građana, stručna lica iz oblasti saobraćaja, urbanizma i komunalne infrastrukture. Uz uvažavanje svih strana iznađe realno, pravedno i održivo rješenje problema nedostatka parking prostora i svih ostalih problema. Grad u kojem se glas građana ne čuje, gubi povjerenje. Pozivam sve nadležne da prepoznaju hitnost ove teme i omoguće

transparentno i inkluzivno donošenje odluka u najboljem interesu svih stanovnika Tuzle. Hvala.

ANA PEJIĆ

Zahvaljujem se. Vijećnička inicijativa. Vijećnik Nedžad Jusić. Izvolite.

NEDŽAD JUSIĆ

E hvala. Ma htio bih prije neg što postavim vijećničku inicijativu, evo iako se u većini stvari ne slažem s nekima, al evo sad bih se složio sa kolegom Mensurom Mujezinovićem, kad kaže treba podržat zlatne studente, ja sam uvijek za to znanje, kvalitet, obrazovanje treba podržavati i jesam ja zato da se podrže svi oni zašto su kvalifikovani, da to i rade i ko da smo jučer sjedili zajedno između ostalog i dogovarali ovu moju inicijativu koju ću sada uputiti, a baš je zahvaljujući ovome i što ste i vi malo prije rekli, ipak jest gospodin Nedim Osmanović zlatni student i teba ga podržati i poh...sve pohvale što se toga tiče i treba da radi ono za što je kvalifikovan i obrazovan, tako da u skladu sa tim, s obzirom da sam dobio na prošloj sjednici opis poslova menadžera kvaliteta u Javno Zdravstveno Nastavnoj Ustanovi Dom zdravlja Tuzla da radi sve poslove, kako sam ja to razumio i koji već neko drugi radi, između ostalog ako se ne varam, mi u Domu zdravlja Tuzla imamo tim za kvalitet usluga koji je formiran u skladu sa zakonom. I ne znam sad zašto će nam menadžer kvaliteta. Imamo organizaciju Javnu ustanovu Trag koji realizuje, apliciraju, pišu projekte kako za Gradsku upravu, tako i za javna preduzeća. U opisu posla menadžer kvaliteta stoji da on i to radi. Prema koeficijentu plata, plate koju dobija menadžer kvaliteta 5,8 koeficijent, svaka čast. To je u prosjeku negdje od 70 do 90.000 maraka. I u skladu s ovim svim pokrećem inicijativu menadžmentu Javne Zdravstvene Ustanove „Dr. Mustafa Šehović“ Tuzla da ovu poziciju ukine, jel ona nije potrebna za kvalitetan rad Doma zdravlja Tuzla, jel ta sredstva koja građani plaćaju od 70 do 90.000 maraka, za pomenuto radno mjesto, mislim da ne doprinosi ničemu, nego da gospodin Nedim Osmanović obavlja prvobitnu poziciju zašto je i primljen kao zlatni student, socijalni radnik u Domu zdravlja Tuzla. Mislim da će menadžment imati sluha da ovu inicijativu usvoji, jel jednostavno moramo štediti i čuvati budžetska sredstva, a ne trošiti onako kako se nama sviđa i davati plate zašta nisu potrebne. Hvala.

ANA PEJIĆ

Poslovnička. Vijećnik Šefik Husić. Izvolite.

ŠEFIK HUSIĆ – vijećnik SDA – Stranke demokratske akcije

Ja vas sve pozdravljam, znači, kolege, predsjedavajuća i evo ovom prilikom vas molim ako može vezano za ovu temu il nek se zakaže neka vanredna sjednica, tačka dnevnog reda. Znači, izgubimo sat vremena zbog nekih očigledno privatnih antagonizama. Molim vas evo da tu presiječete.

ANA PEJIĆ

Ispravka krivog navoda. Vijećnik Nedžad Jusić, pa poslovnička vijećnik Mensur Alić. Izvolite.

NEDŽAD JUSIĆ

Samo ispravka krivog navoda. Nikakvih privatnih stvari nema. Ako su privatne stvari da građani grada Tuzle nemaju kvalitetno zdravstvo, onda to je nešto drugo. Znači, ovdje nema ništa privatno. Ovo je sve u interesu građana grada Tuzle. Hvala.

ANA PEJIĆ

Poslovnička. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa ja u potpunosti podržavam Šefika Husića. Mislim da, mi ćemo imati u avgustu mjesecu izvještaj Doma zdravlja na kojem možemo sve istaći i nepravilnosti i dobre stvari. Mislim da je to prilika da sve kad je u pitanju Dom zdravlja, da se o tome raspravlja kad je izvještaj, pa makar ga i oborili ako treba ako nije dobro. Upravo gubeći vrijeme na svakom Vijeću za diskusiju, za inicijativu vijećničku ili pitanje vijećničko samo zbog jednog čovjeka, mislim da to bi trebali malo zaustavit i sačekat kad bude izvještaj Doma zdravlja. Hvala.

ANA PEJIĆ

Poslov...(NEDŽAD JUSIĆ – Ispravka krivog navoda). Izvolite.

NEDŽAD JUSIĆ

Kolega Mensure, mi ovdje ne gubimo vrijeme iznoseći argumente. Mi ovdje diskutujemo i skladu sa našim ovlaštenjima koje imamo, mi se tako i ponašamo. Hvala.

ANA PEJIĆ

Poslovnička. Vijećnik Mensur Mujezinović. Izvolite. U redu. Povlačite. Nastavljamo dalje. Evo, ispravka krivog navoda. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ja koliko znam po Poslovniku da vijećničke inicijative traju sat vremena. Pola sata. 30 minuta. Evo pogledajte sad koliko su već. Zbog toga govorim. A naravno da svaki vijećnik ima ovaj pravo da postavi i inicijativu i vijećničko pitanje, al da samo to malo skratimo, da bi bili što efikasniji. Na to sam mislio. Hvala.

ANA PEJIĆ

Zahvaljujem se. Idemo dalje. Vijećničke inicijative. Vijećnik Admir Hasanbašić. Izvolite.

ADMIR HASANBAŠIĆ – vijećnik Tuzlanske alternative

Hvala predsjedavajuća. Neću priložiti. Sad ću i ja da iskoristim svoje vrijeme. Al evo bit ću vrlo kratak. Naime, evo podnosim inicijativu za saniranje udarne rupe na tek asvalitaranom putu u naselju Paša Bunar, a koja je nastala nakon iskopa koju su obavili uposlenici Javnog komunalnog preduzeća Vodovod i kanalizacija. Hvala.

ANA PEJIĆ

Zahvaljujem se. Vijećničke inicijative. Vijećnik Senad Mehmedinović. Izvolite. (SENAD MEHMEDINOVIĆ – Priložit ću). U redu. Da li se još neko javlja? Vijećnica Nataša Perić. Izvolite. Nema ovdje (MENSUR ALIĆ – Nisi predala).

NATAŠA PERIĆ – vijećnik SDP – Socijaldemokratske partije Bosne i Hercegovine

Jesam. Predala sam. Al nema veze. Možda se usput zagubilo. Uglavnom vijećnik, kolega Zlatan Mehmedović i ja isto prilažemo jednu vijećničku inicijativu. Evo priložit ćemo sad.

ANA PEJIĆ

Hajd priložite, jer...Dal se još neko javlja za vijećničke inicijative? Nema. Evo, vijećnik...U stvari, gradonačelnik Zijad Lugavić. Izvolite. Vi ste se javili za riječ. Izvinjavam se.

ZIJAD LUGAVIĆ – gradonačelnik Grada Tuzla

Samo jedna informacija kada smo govorili o javnim parkiralištima, radi javnosti želim da kažem da ni u jednom dijelu grada neće biti izgrađeno ni jedno javno parkiralište, niti će biti bilo šta biti promijenjeno, bez da se napravi projekat, sa potrebnim elaboratima protivpožarne zaštite i svim drugim elaboratima koji regulišu i sigurnost saobraćaja i u kretanju i u mirovanju i protivpožarne zaštite, te će se prezentovati dakle u mjesnim zajednicama svim građanima, dakle, građani će bit obaviješteni, a ne vijećnici, jel oni treba da budu obaviješteni koji žive tu u okviru mjesnih zajednica i nakon rasprave i dogovora sa građanima, krenut će se u realizaciju. E samo evo informacija.

ANA PEJIĆ

Zahvaljujem se. Prelazimo na drugu tačku dnevnog reda...A i vi imate jel? Poslovnička. Vijećnik Mensur Alić. Izvolite.

MENSUR ALIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Ja bi zamolio vijećnice i vijećnike da na današnjoj sjednici skratimo svoje diskusije onoliko koliko možemo, zbog vremenskih neprilika, mogu reć, ovaj, vani, tako da pokušamo da ovo Vijeće završimo što ranije i da bude što efikasnije. Ne oduzimam nikom pravo da ovaj diskutuje duže, ali evo zamolio bi ako postoji mogućnost, mislim da je i Mirnes na tom fonu. Hvala lijepo.

ANA PEJIĆ

Zahvaljujem se. Poslovnička. Vijećnik Šefik Husić. Izvolite.

ŠEFIK HUSIĆ

Ja želim samo da kažem da se slažem sa kolegom Mensurom Alićem. Puna podrška.

ANA PEJIĆ

U redu.

Prelazimo na tačku dva:

RAZMATRANJE I USVAJANJE:

a) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1.- 31.12.2025. GODINE

b) ODLUKE O IZMJENI I DOPUNAMA ODLUKE O IZVRŠAVANJU BUDŽETA GRADA TUZLE ZA 2025. GODINU

Predlagač: gradonačelnik Grada Tuzla

Obrađivač: Služba za budžet i finansije

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport i klubovi vijećnika.

Podsjećam vijećnike da su u dopuni materijala dobili i Mišljenje Ministarstva finansija Tuzlanskog kantona, broj 07/1-11-019803-1/25 od 30.06.2025. godine, o usklađenosti planiranih prihoda i primitaka i planiranog tekućeg bilansa iskazanih u prijedlogu izmjena i dopuna Budžeta Grada Tuzle za 2025. godinu sa članom 33. stav 2. i članom 43. stav 1. Zakona o budžetima u Federaciji Bosne i Hercegovine kojim je propisano da su *"općinske i gradske službe za finansije, prije dostavljanja nacрта odnosno prijedloga budžeta, općinskom odnosno gradskom vijeću, obavezne pribaviti mišljenje Kantonalnog ministarstva finansija u vezi sa planiranim prihodima i primicima i primjene fiskalnog pravila iz člana 43. ovog Zakona"*.

Da li ima potrebe za uvodnim izlaganjem? (Nema).

Gradonačelnik Grada Tuzle je kao predlagač je podnio amandmane na odluku. Amandmane predlagača ste dobili putem e-maila i u materijalu podijeljenom pred sam početak sjednice. Podsjećam da amandmani predlagača postaju sastavni dio odluke i o njima se ne glasa.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Vijećnik Senad Mehmedinović. Izvolite.

SENAD MEHMEDINOVIĆ

Vodićemo se ovim Mensurovim, tako da skratit će se diskusija, kao što se skratila na vijećničkim pitanjima i inicijativama.

Dakle, imamo rebalans budžeta i želim samo da kažem nekoliko stvari. Naravno da je jedan od najbitnijih dokumenata za bitnost ovog našeg grada i treba se prokomentarisat, naročito zato što mi, ja mislim evo da je drugi rebalans, ako se ne varam, da ovim drugim rebalansom i amandmanom, da se prepoznalo da ne treba doći do poskupljenja usluga Obdaništa „Naše dijete“ i to kao Klub vijećnika Nezavisne liste „Sloboda“ pozdravljamo i vjerujemo da smo našim diskusijama doprinijeli tome. Iz rebalansa možemo vidjeti da smo blizu 100.000.000 Konvertibilnih maraka i da je došlo do povećanja budžetskih sredstava za 7,55% u odnosu na planirane prihode i primitke. Iz rebalansa možemo vidjeti da su najveći prihodi po osnovu direktnih i indirektnih poreza Ministarstva finansija Tuzlanskog kantona, al ono što mene raduje, uvijek kada vidim projekte koji su prošli, što u stvari govori nam da se radi u Gradskoj upravi i da se radi o ovom novom formiranom preduzeću Agenciji Trag. U opštem fondu prihodi se uvećavaju po osnovu sredstava dodijeljenih od Federalnog ministarstva kulture i sporta u iznosu od 1.100.000 Konvertibilnih maraka za četiri kandidovana projekta. Naravno ovo mi je izuzetno drago, naročito što se radi o Narodnom pozorištu Tuzla i evo društvo Hrvatski dom u Tuzli, izgradnja Astronomskog opservatorija Polaris i sanacija dijela Kuglane u Mejdanu u kojem se dugo vremena pričalo. Takođe, 500.000 Konvertibilnih maraka nije malo i dodijeljena su za finansiranje, rekonstrukcije i sanacije pomoćnog terena Gradskog stadiona „Tušnja“. Ono što se može vidjeti iz ovog rebalansa su dvije stvari, a to su takozvana prihodovna strana i rashodovana strana. Na prihodovnoj strani možemo vidjeti sljedeće stvari, a što je dobro, da je došlo do transfera sa većih nivoa vlasti. Naravno, da to može da bude puno više, da se Tuzla, Grad Tuzla ne zadovolji samo sa par miliona, dok tamo imamo u drugim kantonima da idu desetine miliona se investiraju, vjerovatno zbog čuvanja većine u Federalnom parlamentu, a znamo bogami da ima ljudi iz Tuzle u Federalnom parlamentu.

Takođe, ponovo ponavljam i podržavam ovo što su usmjerena u projekte, kao što su adaptacija Narodnog pozorišta, izgradnja opservatorija Polaris, a kada su u pitanju budžetske promjene, možemo vidjeti da je došlo do povećanja sredstava Mejdanu, Obdaništu „Naše dijete“, što je stvarno za svaku pohvalu i što se na kraju krajeva čuo glas roditelja djece koja idu u vrtić „Naše dijete“. Evo opet imamo tu Apoteku o kojoj ja mislim da bi trebala bit posebna sjednica da se razgovara o Gradskim apotekama, da vidimo šta se tu dešava. Neke promjene trebaju definitivno da se uradi. Meni niko ne može objasniti da kada svi profitiraju, koji se bave tom djelatnošću, da Gradske apoteke idu nizbrdo. Nešto znači ne funkcioniše dobro. Nabavka opreme vozila. Vidimo i ovo mi je izuzetno drago, evo pošto kolega Jusić govori za zdravstvo, nabavka RTG aparata za Dom zdravlja i to je izdvojena su određena sredstva, ako se ne varam da je to iznos oko 300.000 Konvertibilnih maraka. Dakle, što se tiče Kluba vijećnika NL „Sloboda“ mi ćemo podržat rebalans budžeta, a naročito ćemo ga podržat i u onom dijelu zato što je ispoštovan zaključak Gradskog vijeća da ona sredstva koja smo na prvom rebalansu skinuli, sad smo na ovom drugom rebalansu vratili. Dakle, tačno je da se izgleda presluša ono što Gradski vijećnici pričaju i da se to na kraju krajeva usvoji.

Ono s čime nisam zadovoljan, a to smo pričali o tim stvarima, da se na rebalansu budžeta i to će se sjetiti i gradonačelnik, da idemo podrškom Centru za djecu sa višestrukim smetnjama „Koracima nade“ da iznos bude u konačnici na 50.000 Konvertibilnih maraka i da Grad Tuzla zaokruži tu priču kada je u pitanju podrška ovoj nevladinoj organizaciji koja se na bavi humanitarnim radom. To je veoma bitna stvar, koja se bavi pružanjem tretmana djeci različite vrste stepena invalidnosti. Hvala lijepo.

ANA PEJIĆ

Zahvaljujem se. Sljedeći za riječ je vijećnik Mirnes Ajanović. Izvolite.

MIRNES AJANOVIĆ

Po preporuci zamjenika predsjedavajuće Mensura Alića, moja diskusija jeste da se pridružujem diskusiji Senada.

ANA PEJIĆ

U redu. Zahvaljujem se. Sljedeća za riječ se javila vijećnica Nataša Perić. Izvolite. Može samo mikrofoni? E, u redu.

NATAŠA PERIĆ

Hvala predsjedavajuća. Evo i ja ću ukratko, ovaj, obzirom da je kolega Mensur Alić sugerisao da budemo danas kratki. Uglavnom što se tiče ove Odluke o izmjenama i dopunama budžeta, Klub vijećnika je razmatrao ovu odluku i mi smo, evo želimo da se zahvalimo i gradonačelniku i Službi za budžet i finansije, što su nastojali da kroz ovaj rebalans pokriju sve segmente koji su bitni za dalji razvoj i funkcionisanje lokalne zajednice.

Kolega Senad je već rekao, ovaj, koja sredstva su...za koji...po službama izdvojena, pa evo i ja ću samo, želim da istaknem ovo vezano prvo evo kad je u pitanju Služba za ekonomski razvoj, za javna preduzeća i apoteke, a posebno nas evo raduje ispred Kluba što je za Obdanište, obzirom da je i proteklih dana i proteklih mjeseci se vodila da kažem i polemika i borba, na koji način da se pomogne Obdaništu, dal kroz povećanje usluga ili kroz ovaj budžet, što je gradonačelnik između ostalog i na osnovu zaključaka koji su proistekli iz prethodnih diskusija, al evo i na inicijativu Kluba SDP-a i na prijedlog u stvari našeg predsjednika Kluba Zlatana Mehmedovića uvrstio 200.000 nedostajućih sredstava za rad ove Javne ustanove, tako da evo izražavamo veliko zadovoljstvo. Takođe želim kroz komunalnu infrastrukturu da kažem da Grad i dalje nastavlja sa tim da se održava higijena grada, zelene površine i evo kroz neke prethodne diskusije na prethodnim sjednicama, Grad je zaista daje podršku i čini sve za rješavanje javnog linijskog prevoza. I evo imamo ovdje dodatna sredstva od 680.000 Konvertibilnih maraka. Takođe, izdvojila bih ovdje adaptaciju Doma književnosti, adaptaciju Pozorišta. Zatim, što se tiče Civilne zaštite, ovaj kapitalni grant za sufinansiranje nužnih popravki na zajedničkim dijelovima i uređajima zgrade u iznosu od 200.000 Konvertibilnih maraka. Kada je u pitanju Služba za kulturu i sport, naravno Grad daje stalnu podršku i izdvojila bih između ostalog, dakle, Sportski savez gdje su povećana sredstva, a pored toga kada je u pitanju ova socijalna zaštita pozdravljamo podršku u iznosu od 8.000 Konvertibilnih maraka kada je u pitanju Tuđa njega i gdje Grad učestvuje u sufinansiranju projekta koji se zove Zapošljavanje certificiranih gerontodomaćica za pružanje usluga starijim i nemoćnim osobama u Federaciji Bosne i Hercegovine, jer to je problem koji je aktuelan i koji će nažalost u narednom periodu biti sve izraženiji i evo i ja ću evo ovim zaključiti. Dakle, Klub vijećnika podržava rebalans budžeta.

ANA PEJIĆ

Zahvaljujem se. Sljedeći za riječ javio se vijećnik Mirza Malkočević. Izvolite.

MIRZA MALKOČEVIĆ – vijećnik Naroda i pravde (NIP)

Hvala predsjedavajuća. Evo i ja ću pokušat da budem kratak zbog našeg kolege Mensura, ovaj, al ne mogu da se ne osvrnem na neke stvari pošto vidim da Tuzla ima toliko spasitelja pogotovo kada je riječ o povlačenju tačke s dnevnog reda o poskupljenju, pa se očito

poslije toga, neke su, niko ne izlazi javno ni stvarno koji su učestvovali bili ti koji su se zalagali za povlačenje i nismo bili za poskupljenje, osim ako to poskupljenje neće ići direktno na povećanje plata odgajateljicama, al evo po ovom sad kako vidim, mislim da odgajateljice neće dobiti veću platu sa ovim rebalansom. Nadam se evo i slažem se sa svim kolegama, ali da ćemo u narednom periodu razmišljat možda da napravimo još jedan rebalans, pa da nađemo tu još 10% sredstava, jer znamo da 99 odgajateljica ili 95 nose cijelo „Naše dijete“ i tako smatram da ako već pričamo i dogovarali smo se. Nas ubjeđivali u jedno, ali evo sad je drugačije. Hvala Bogu opet evo našli smo sredstva iz budžeta, al mogli smo onda još bar naći i to 10% da i naše odgajateljice dobiju plate ili kao što kažu da će poslije Nove Godine doći do nekog poskupljenja, pa možda evo to poskupljenje da bude usmjereno samo na naše odgajateljice i na platu odgajateljicama. Hvala.

ANA PEJIĆ

Zahvaljujem se. Sljedeći za riječ javio se vijećnik Admir Hasanbašić. Izvolite Admire.

ADMIR HASANBAŠIĆ

Hvala predsjedavajuća. Zaista evo ne bih da ponavljam diskusiju. Slažem se u potpunosti što je rekao kolega Senad, koleginica Nataša i evo ovu opasku koju je iznio naš kolega Mirza. Sve u svemu, Klub vijećnika Tuzlanske alternative će podržati ovaj rebalans budžeta. Hvala.

ANA PEJIĆ

U redu. Vijećnik Nedžad Jusić. Izvolite. Replika. Vijećnik Mirza Malkočević. Izvolite. Replika. Nema naknadnih replika, ovaj. Vijećnik Nedžad Jusić. Diskusija. Izvolite.

NEDŽAD JUSIĆ

Ok. Hvala. Ma ništa, evo i ja ću pokušat kolege i kolegice su dosta toga rekle vezano za rebalans budžeta. Ja ispred vijećnika ispred reda nacionalnih manjina ću normalno podržati ovaj rebalans, jel ide za dobrobit Grada Tuzle i građana Tuzle i evo iz prethodnih diskusija prije ove tačke dnevnog reda, želim ponovo da napomenem da ništa nije privatno. Evo i ovo ću podržat, ko što sam rekao 300.000 maraka se odvaja za Javno Zdrastveno Nastavnu Ustanovu Dom zdravlja Tuzla „Dr. Mustafa Šehović“ za nabavku rengen aparata, što je vrlo važno i potrebno za građane Tuzle i svi moramo raditi na tome da građani Tuzle vide korist i benefite od našeg rada i našeg truda, a ništa da se pretvori u neke druge stvari i zbog toga daću punu podršku za ovaj rebalans budžeta. A i ovo što je kolega Mirza govorio malo, skoro smo razgovarali o tome, ovaj, vezano za Javnu ustanovu „Naše dijete“. Ipak odgajateljice trebaju da imaju bolji status u Javnoj ustanovi, jel one nose stvarno ogroman dio posla i ja sam siguran u tome da će se prve prilike, ovaj pronaći finansijska sredstva, da se poboljšaju uslovi rada pomenutih osoba. Hvala.

ANA PEJIĆ

Zahvaljujem se. Sljedeći za riječ javio se vijećnik Emir Šahović. Izvolite Emire.

EMIR ŠAHOVIĆ – vijećnik Pokreta demokratske akcije - PDA

Hvala predsjedavajuća. Pa evo kako su svi rekli sve, onaj, se slažem. U potpunosti se slažem sa kolegom Mirzom Malkočevićem.

Kada je u pitanju ovo izdvajanje sredstava za Obdanište „Naše dijete“, evo hajde doveli smo se znači do tog da iz Grada, odnosno iz budžeta Grada nadomjestimo ta nedostajuća sredstva za funkcionisanje ovog, ove Javne ustanove. Međutim, ono što treba naglasiti da zaključno sa ovim rebalansom budžeta će Javna ustanova „Naše dijete“ dobiti oko 670.000 više u odnosu na 2024. godinu. 2024. godinu su završili u plusu sa 104.000 maraka, znači, i sada evo nam se ne obećava nikakva, nikakvo unapređenje ni usluga, ni uslova rada u Javnoj ustanovi, ali evo opet da pozovemo menadžment Javne ustanove da bar razmisle o ovoj Uredbi Vlade Federacije o neoporezivom dijelu plate do 450 maraka. Ne mora to bit 450 maraka, ali do Nove Godine da probaju naći neki model da isplate radnicima taj dio znači koji radnici zahtjevaju. Malo imam i kritiku kada je u pitanju Sindikalna organizacija u Javnoj ustanovi „Naše dijete“. Mi se ovdje bavimo sindikalnim, sindikalnom borbom na Gradskom vijeću, a to zapravo Sindikat Javne ustanove treba da onaj radi. Pozivam i rukovodstvo Sindikata koje je reprezentativno u toj Javnoj ustanovi da se malo probudi i da malo počne da se bavi sindikalnom borbom, da ne moramo mi ovdje iznositi probleme radnika koji zapravo stvarno jesu takvi kakvi jesu. Hvala.

ANA PEJIĆ

Replika. Vijećnik Mensur Alić. Izvolite.

MENSUR ALIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Samo da kažem da ovaj zakon kad je u pitanju oslobađanja poreza i doprinosa važi do 31.07. uvođenjem snižavanju doprinosa koji takođe, prema tome, taj, ovaj, neoporezivi dio se ukida i on će bit oporeziv po zakonu. Samo da objasnim da znate da se ne bi radovali tamo u dječijem obdaništu da će to biti snazi il neće.

ANA PEJIĆ

U redu. Replika. Vijećnik Emir Šahović. Izvolite.

EMIR ŠAHOVIĆ

Ne znam jel kolega Mensur misli na ovo oslobađanje od doprinosa? To je druga. Ovo je Uredba koje je Ekonomsko socijalno vijeće donijelo da mogu se znači isplatiti sredstva pomoći do 450 maraka koja su neoporeziva, znači, nema veze sa poreskim ovim oklakšicama doprinosa. To je drugo. (MENSUR ALIĆ – Do 31.07. samo važi). Produženo je juče. Juče, prekuče. (ANA PEJIĆ – Do januara 26-e). (MENSUR ALIĆ – E juče ako je...). (ANA PEJIĆ – Jest, jest, juče) Ja, ja. Do kraja godine. (MENSUR ALIĆ – Onda, ok).

ANA PEJIĆ

Zaključujem diskusiju klubova vijećnika.
Otvaram diskusiju vijećnika.

Da li se neko javlja?

Zaključujem diskusiju vijećnika, te stavljam na izjašnjavanje Odluku o izmjenama i dopunama Budžeta Grada Tuzle za period 1.1.- 31.12.2025. godine, uz amandmane predlagača koji su postali sastavni dio Odluke, te vas molim da se izjasnite.

Glasanje je okončano.

Konstatujem da je Odluka uz amandmane predlagača koji su postali sastavni dio Odluke, pa evo zamolit ću sekretara da pročita il...usvojeni sa,
30 glasova za, nije bilo protiv i nije bilo suzdržanih.

Zamolit ću samo sekretara da pročita amandmane koji su postali sastavni dio Odluke.

SLADANA KRAJINA – sekretar Gradskog vijeća Tuzla

Moramo zbog stenograma.

Amandmani na prijedlog Odluke o izmjenama i dopunama Budžeta Grada Tuzle za period 1.1.- 31.12.2025. godine:

AMANDMAN 1

Amandman 1 se odnosi na član 3. Prijedloga Odluke o izmjenama i dopunama Budžeta Grada Tuzle za period 01.01. do 31.12.2025. godine, u dijelu B.RASHODI, II POSEBAN DIO u okviru organizacione jedinice Službe za ekonomski razvoj, poduzetništvo i poljoprivredu, alineje 1. i 7. se mijenjaju i iste treba da glase:

„- Ekonomski kod „614329-11-Transfer za rad – Javna ustanova Obdanište „Naše dijete Tuzla“, u koloni 10. iznos od 2.900.000,00 KM zamjenjuje se iznosom od 3.100.000,00 KM.

- U redu „SLUŽBA ZA EKONOMSKI RAZVOJ, PODUZETNIŠTVO I POLJOPRIVREDU“, koloni 10. iznos od 8.509.238,80 KM zamjenjuje se iznosom od 8.709.238,80 KM, u koloni 12. iznos od 9.209.238,80 KM zamjenjuje se iznosom od 9.409.238,80 KM.“

Dodatna sredstava će se obezbijediti na način da se u Budžetu Grada Tuzle u dijelu B.RASHODI, II POSEBAN DIO u okviru organizacione jedinice Službe za komunalne poslove izgradnju i poslove mjesnih zajednica, Odjeljenja za komunalnu infrastrukturu, izvrši izmjena alineja 1., 2. i 15. koje trebaju da glase:

„- Ekonomski kod „613324-1-Izdaci za održavanje higijene grada“, u koloni 10. iznos od 1.650.000,00 KM zamjenjuje se iznosom od 1.600.000,00 KM.

„- Ekonomski kod „613324-2 - Izdaci za održavanje zelenih površina“, u koloni 10. iznos od 1.500.000,00 KM zamjenjuje se iznosom od 1.350.000,00 KM.

U redu „ODJELJENJE ZA KOMUNALNU INFRASTRUKTURU“, u koloni 10. iznos od 13.330.742,56 KM zamjenjuje se iznosom od 13.130.742,56 KM, u koloni 12. iznos od 14.188.209,56 KM zamjenjuje se iznosom od 13.988.209,56 KM.”

Iza naslova „Služba za komunalne poslove izgradnju i poslove mjesnih zajednica - Izdaci fonda namjenskih sredstava za puteve“ vrši se izmjena alineje 3. koja treba da glasi:

U redu "UKUPNO SLUŽBA ZA KOMUNALNE POSLOVE, IZGRADNJU I POSLOVE MJESNIH ZAJEDNICA", u koloni 10. iznos od 38.068.536,87 KM zamjenjuje se iznosom od 37.868.536,87 KM, u koloni 12. iznos od 44.230.023,02 KM zamjenjuje se iznosom od 44.030.023,02 KM."

AMANDMAN 2

Amandman 2 se odnosi na član 3. Prijedloga Odluke o izmjenama i dopunama Budžeta Grada Tuzle za period 01.01. do 31.12.2025. godine, u dijelu B.RASHODI, II POSEBAN DIO u okviru organizacione jedinice Službe za komunalne poslove izgradnju i poslove mjesnih zajednica, Odjeljenja za komunalnu infrastrukturu, dodaje se nova alineja koja glasi:

„- Dodaje se novi ekonomski kod „821213-20 – Izgradnja Muzičkog paviljona“, u koloni 10. u iznosu od 50.000,00 KM.”

Dodatna Sredstava će obezbijediti na način da se u Budžetu Grada Tuzle u dijelu B.RASHODI, II POSEBAN DIO u okviru organizacione jedinice Službe za komunalne poslove izgradnju i poslove mjesnih zajednica, Odjeljenja za komunalnu infrastrukturu, prije posljednje alineje dodaju dvije nove alineje koje glase:

„-Ekonomski kod „613727-7- Izdaci za tekuće održavanje Urbanog mobilijara“, u koloni 10. iznos od 453.746,14 KM zamjenjuje se iznosom od 429.746,14 KM.

„-Ekonomski kod „613727-21 –Tekuće održavanje sportskih terena i igrališta“, u koloni 10. iznos od 100.000,00 KM zamjenjuje se iznosom od 74.000,00 KM.”

AMANDMAN 3

Amandman 3 se odnosi na član 3. Prijedloga Odluke o izmjenama i dopunama Budžeta Grada Tuzle za period 01.01. do 31.12.2025. godine, u dijelu B.RASHODI, II POSEBAN DIO u okviru organizacione jedinice Služba za kulturu, sport, mlade i socijalnu zaštitu alineje 2. i 6. se mijenjaju i iste treba da glase:

„ - Ekonomski kod „614311-18-Grant neprofitnoj organizaciji-RSD Sloboda Tuzla“, u koloni 10. iznos od 1.112.000,00 KM zamjenjuje se iznosom od 1.162.000,00 KM.

U redu „UKUPNO SLUŽBA ZA KULTURU, SPORT, MLADE I SOCIJALNU ZAŠTITU“, u koloni 10. iznos od 5.417.908,00 KM zamjenjuje se iznosom od 5.467.908,00 KM.“

Dodatna sredstava će se obezbijediti na način da se u Budžetu Grada Tuzle u dijelu B.RASHODI, II POSEBAN DIO u okviru organizacione jedinice Službe za komunalne poslove izgradnju i poslove mjesnih zajednica, Odjeljenja za komunalnu infrastrukturu, izvrši izmjena alineja 8., 13. i 15. koje trebaju da glase:

„ -Ekonomski kod „613725-2-Izdaci za tekuće održavanje oborinske kanalizacije“, u koloni 10. iznos od 320.000,00 KM zamjenjuje se iznosom od 300.000,00 KM.

„-Dodaje se novi ekonomski kod „821628-1-Investiciono održavanje vodovodne i kanizacione mreže i objekata vodosnabdjevanja“, u koloni 10. u iznosu od 230.000,00 KM.“

- U redu „ODJELJENJE ZA KOMUNALNU INFRASTRUKTURU“, u koloni 10. iznos od 13.130.742,56 KM zamjenjuje se iznosom od 13.090.742,56 KM, u koloni 12. iznos od 13.988.209,56 KM zamjenjuje se iznosom od 13.948.209,56 KM.”

U okviru organizacione jedinice Službe za komunalne poslove izgradnju i poslove mjesnih zajednica, Odjeljenja za poslove mjesnih zajednica, iza alineje 4. dodaje se nova alineja koja glasi:

„ -Ekonomski kod „821614-5-Rekonstrukcija i investiciono održavanje prostorija mjesnih zajednica“, u koloni 10. iznos od 20.000,00 KM zamjenjuje se iznosom od 10.000,00 KM.“

Alineja 5. postaje alineja 6. ista se mijenja i treba da glasi:

- U redu „ODJELJENJE ZA POSLOVE MZ-a“, u koloni 10. iznos od 1.940.140,32 KM zamjenjuje se iznosom od 1.930.140,32 KM, a u koloni 12. iznos od 2.032.018,16 KM zamjenjuje se iznosom od 2.022.018,16 KM.“

Iza naslova „Služba za komunalne poslove izgradnju i poslove mjesnih zajednica - Izdaci fonda namjenskih sredstava za puteve“ vrši se izmjena alineje 3. koja treba da glasi:

- U redu „UKUPNO SLUŽBA ZA KOMUNALNE POSLOVE, IZGRADNJU I POSLOVE MJESNIH ZAJEDNICA“, u koloni 10. iznos od 37.868.536,87 KM zamjenjuje se iznosom od 37.818.536,87 KM, u koloni 12. iznos od 44.030.023,02 KM zamjenjuje se iznosom od 43.980.023,02 KM”.

ANA PEJIĆ

Zahvaljujem se.

Sada stavljam na izjašnjavanje Odluku o izmjeni i dopunama Odluke o izvršavanju Budžeta Grada Tuzle za 2025. godinu.

Glasanje je okončano.

Konsatutjem da je Odluka o izmjeni i dopunama Odluke o izvršavanju Budžeta Grada Tuzle za 2025. godinu usvojena sa,

28 glasova za, nije bilo protiv i nije bilo suzdržanih.

Prelazimo na tačku tri:

RAZMATRANJE I USVAJANJE ODLUKE O INSTITUCIONALNOM OBILJEŽAVANJU 11. JULA – MEĐUNARODNOG DANA SJEĆANJA I OBILJEŽAVANJA POČINJENOG GENOCIDA U SREBRENICI 1995. GODINE

Predlagač: gradonačelnik Grada Tuzla na inicijativu Berise Ahmetović, vijećnice Stranke demokratske akcije

Obrađivač: Stručna služba Gradskog vijeća

Materijal su razmatrali: Komisija za statutarna pitanja i propise i klubovi vijećnika.

Da li ima potrebe za uvodnim izlaganjem? (Nema). Nema.

Da li ima potrebe da se pročitaju izvještaji komisija? Nema. Otva...(vijećnik Mirnes Ajanović govori bez uključenog mikrofona op.a.). Komisija. Koja komisija? (MIRNES AJANović – Za statuarne pitanja). Za statutarna pitanja. Može. Evo pročitat će sekretar, gospođa Slađana Krajina.

SLADANA KRAJINA – sekretar Gradskog vijeća Tuzla

Komisija za statutarne pitanja i propise je razmatrala Odluku o institucionalnom obilježavanju 11. jula Međunarodnog dana sjećanja i obilježavanja počinjenog genocida u Srebrenici 1995. godine, te usvojila sljedeće zaključke:

-Komisija za statutarne pitanja i propise je razmatrala i prihvata Odluku o institucionalnom obilježavanju 11. jula Međunarodnog dana sjećanja i obilježavanja počinjenog genocida u Srebrenici 1995. godine, te istu upućuje Gradskom vijeću Tuzla na razmatranje i izjašnjavanje.

-Komisija za statutarne pitanja i propise podsjeća da je Grad Tuzla i u prethodnom periodu na prikladan način učestvovao u obilježavanju godišnjice počinjenog genocida u Srebrenici, te pružao moralnu i finansijsku podršku, kako žrtvama genocida u Srebrenici i udruženjima porodica žrtava genocida u Srebrenici, tako i Memorijalnom centru Potočari.

ANA PEJIĆ

Zahvaljujem se.

Otvaram raspravu klubova vijećnika.

Vijećnica Svjetlana Kakeš, pa vijećnica Berisa Ahmetović. Izvolite.

SVJETLANA KAKEŠ – vijećnik SDP – Socijaldemokratske partije Bosne i Hercegovine

Hvala predsjedavajuća. Iako je kroz više presuda Međunarodnog krivičnog suda za bivšu Jugoslaviju utvrđeno da je u Srebrenici, u julu 95-e godine počinjen genocid, u kojem je ubijeno najmanje 8.372 muškaraca i dječaka. Iako je ovaj Sud zbog genocida i drugih zločina u Srebrenici osudio 18 osoba, kojima je izrečeno 5 doživotnih kazni i 219 godina zatvora. Iako je Sud Bosne i Hercegovine za genocid u Srebrenici osudio 14 osoba na ukupno 243 godine zatvora, dok su za druge zločine počinjene u Srebrenici osudili još 14 osoba na 223 godine zatvora. Takođe, u Srbiji je na ukupno 68 godina zatvora za zločine u Srebrenici osuđeno 5 osoba, od kojih su četvorica bivši pripadnici Jedinice Škorpioni, zbog ubistva Srebreničana u Trnovu. Takođe su donesene brojne presude i utvrđen nebrojen broj činjenica o počinjenom genocidu u Srebrenici. Iako su sve to nepobitne činjenice, negiranje genocida je nastavljeno u Bosni i Hercegovini, susjednoj Srbiji i nekim drugim zemljama. Gotovo svakodnevno se suočavamo sa jednako organiziranim projektom, projektom negiranja i relativizacije genocida, koju smatram jednako opasnom i uvredljivom za sve žrtve porodice i za sve nas koji stojimo na strani istine i pravde.

Usvajanjem Rezolucije UN-a o Međunarodnom danu sjećanja obilježavanja genocida u Srebrenici 95-e, prošle godine 23. maja 2024., učinjen je važan civilizacijski iskorak u borbi za istinu i pravdu, a ujedno to jedna od najvažnijih diplomatskih političkih pobjeda Bosne i Hercegovine u 21. stoljeću.

Naravno govoreći u genocidu u Srebrenici i posljedicama tog strašnog zločina, neophodno je iskazat posebno poštovanje prema majkama Srebrenice. One su istinske heroine našeg vremena. Njihova hrabrost, nepokolebljiva borba su isitinski svjetionik savjesti i odgovornosti. Prenosile su riječi istine i pravde kad su mnogi šutjeli. Bile su glas onih kojima je oduzeto pravo da govore i istrajale u borbi protiv minimiziranja i negiranja počinjenog genocida i najzaslužnije su za čuvanje sjećanja i borbu za pravdu i istinu, što je u konačnici i dovelo do usvajanja Rezolucije UN-a.

Svi građani Tuzle, Srebrenice, Bosne i Hercegovine, ali i međunarodne zajednice, znaju da je grad Tuzla uvijek od prvih dana agresije na našu zemlju bio uz Srebrenicu, kao i da se sa pijetetom svih ovih godina sjeća žrtava genocida i pokazuje solidarnost sa preživjelim.

Grad Tuzla kontinuirano njeguje kulturu sjećanja, dostojanstveno obilježavajući dan sjećanja na genocid 11. juli, pružajući podršku Memorijalnom centru Potočari i drugim institucijama, organizacijama i udruženjima koji njeguju kulturu sjećanja, brane istinu i bore se za pravdu i ljudsko dostojanstvo.

U obrazloženju Odluke o institucionalnom, prijedloga Odluke o institucionalnom obilježavanju Međunarodnog dana sjećanja na žrtve genocida, navedene su neke od najznačajnijih aktivnosti, koje Grad Tuzla u kontinuitetu provodi, pa ih ja naravno ovdje neću ponavljat. Samo bih napomenula da su mnoge aktivnosti posvećene sjećanju na žrtve genocida u Srebrenici, nisu bile isključivo vezane samo za 11. juli, nego su se odvijale tokom cijele godine, jer nedopustivo je da se o genocidu u Srebrenici govori samo 11. jula i zbog toga je važna Rezolucija UN-a, koja ukazuje na opasnost negiranja relativizacije, ali obavezuje države članice da očuvaju utvrđene činjenice i da, citiram, razvijaju odgovarajuće programe u znak sjećanja u cilju sprečavanja, poricanja, iskrivljavanja činjenica, te pojave genocida u budućnosti.

Polazeći od toga, s razlogom nam je kolegica Ahmetović ukazala na potrebu da i mi u našem gradu uredimo odgovarajući program, tj. da u jednom ovakvom aktu institucionaliziramo i formalizujemo sve naše dosadašnje i buduće aktivnosti, kako bismo osigurali kontinuitet i blagovremeno i obavezujuće planiranje odgovarajućih programa.

Istina o genocidu i sjećanje na genocid u Srebrenici se ne smije podrazumijevati i ne smije zavisiti od političkih volja i drugih faktora, jer je to činjenica potvrđena pravosnažnim sudskim odlukama najviših međunarodnih i nacionalnih sudova i zbog toga će Klub SDP-a podržati donošenje ove Odluke.

ANA PEJIĆ

Zahvaljujem se. Sljedeća za riječ javila se vijećnica Berisa Ahmetović. Izvolite.

BERISA AHMETOVIĆ – vijećnik SDA –Stranke demokratske akcije

Zahvaljujem. Lijep pozdrav svima. Evo, obzirom da se prvi put danas javljam, ja neću plaho dužiti. Zahvaljujem se prije svega kolegici Svjetlani. Neke stvari koje sam namjerovala reći ona je istaknula i zaista veliko hvala. Sve činjenice su istaknute i mislim da, onaj, nemamo nešto posebno ni da govorimo o ovoj temi. Sve je ionako ispričano, ali ono što je bio cilj jeste da se to institucionalizira, da se stavi u jedan pravni okvir i u tom smislu danas pred nama imamo, znači, prijedlog Odluke o institucionalnom obilježavanju 11. jula, kao Međunarodnog dana sjećanja i obilježavanja počinjenog genocida u Srebrenici.

Ovaj prijedlog sam podnijela iz uvjerenja da mi imamo moralnu, ljudsku, ali evo i obzirom gdje se nalazimo institucionalnu obavezu da svake godine na jedan dostojanstven način odamo počast žrtvama genocida u Srebrenici i da pošaljemo jasnu poruku solidarnosti preživjelim. Da negujemo kulturu sjećanja istine kako se ovaj zločin nikada i nikome ne bi ponovio. Tuzla je to radila. Vjerujem i da će nastaviti da radi. U to nema sumnje.

Cilj i svrha ove odluke nisu zaista samo protokolarni. Institucionalno obilježavanje, znači, da kao Gradsko vijeće i Grad Tuzla pokazujemo odgovornost prema historiji, pokazujemo odgovornost prema žrtvama, ali i našim budućim generacijama. To znači da mi nismo samo nijemi posmatrači, već da smo mi ovdje glas istine.

Zahvaljujem se zaista što je prijedlog uvršten u današnji dnevni red i što smo prepoznali važnost ove teme. Ne želim isticati uopšte inicijatora, jer ova odluka nadilazi sve naše zaista stranačke i političke razlike. Bitno je da danas zajedno pošaljemo poruku da Grad Tuzla stoji na strani istine, pravde i poštovanja žrtava genocida u Srebrenici. Hvala.

ANA PEJIĆ

Zahvaljujem se. Sljedeći za riječ javio se vijećnik Senad Mehmedinović. Izvolite.

SENAD MEHMEDINOVIĆ

Ma evo ja baš želim da čestitam inicijatoru na ovoj inicijativi, odnosno Berisi Ahmetović. Dobro je da se institucionalno obilježava Međunarodni dan sjećanja za genocid u Srebrenici. Drugačije je to kad ima iza sebe nešto što se naziva institucija, a mislim kad ima institucija da onda ne bi trebalo da bude to samo protokolarno. Dakle, kultura sjećanja treba da bude ta da mi moramo da promijenimo percepciju da te stvari nisu protokolarnog karaktera. I evo danas što mi usvajamo i što vjerujem da će svi podržati je važan akt, bogami i političkog i pravnog, ali i moralnog karaktera. Ali ono što je bitno jest da s ovim grad Tuzla potvrđuje dugogodišnju predanost borbi protiv zaborava, negiranja zločina i nekažnjivosti. Mislim, možda je, hajde sad da poredim nešto, ali danas u svijetu što se dešava jeste Srebrenica u Palestini. I mislim da ova Odluka danas dobija i dodatnu težinu u svjetlu usvojene Deklaracije osudi nasilja nad civilima i Gazi. Zašto? Zato što mi s ovim danas, a i sa usvojenom Deklaracijom osudi nasilja u Gazi potvrđujemo da smo protiv svih oblika nasilja, masovnih zločina i kršenja međunarodnog humanitarnog prava bez obzira gdje se dešavaju.

Još jednom, čestitam kolegici na inicijativi. Čestitam Klubu vijećnika Stranke demokratske akcije i dobro je što ćemo ovo danas akobogda izglasati. Hvala ljepo.

ANA PEJIĆ

Zahvaljujem se. Sljedeći za riječ javio se vijećnik Mirnes Ajanović. Izvolite.

MIRNES AJANOVIĆ

Kako je predlagač inicijative naveo da se pošalje jasna poruka iz Tuzle u vezi ovog institucionalnog obilježavanja 11. jula. I dobro je da je imamo, ali samo da ne bi bilo od nekoga, namjerno, slučajno ili iz nepoznavanja pogrešno shvaćeno i u ovoj samoj inicijativi navodi se između ostalog recimo da i u narednim godinama kontinuirano učestvuje i tako dalje grad Tuzla, što podrazumijeva da smo svih ovih dosadašnjih 30 godina aktivno učestvovali. Sam sam sudionik toga već. Dvadeset godina sam vijećnik. Organizovano smo dolazili u Potočare. Grad je sve što je sa svoje strane mogao, pa čak i dodjeljivao novčana sredstva, pomoć Srebrenici, Memorijalnom centru, tako da ova Odluka ima snagu kontinuiteta svega što smo do sada radili u gradu Tuzla, odnosno kao Gradsko vijeće, pa i Gradska uprava i gradonačelnik. Samo iz tog razloga je ova moja diskusija, jer o ovome se može diskutovati danima, mjesecima ili odšutiti na sve ono što se dogodilo, što se događa i dan danas, pa i prijeti da će se ponoviti. Zato podrška ovome. Hvala.

ANA PEJIĆ

Zahvaljujem se.

Zaključujem diskusiju klubova vijećnika.

Otvaram diskusiju vijećnika.

Da li se neko javlja?

Zaključujem diskusiju vijećnika, te stavljam na izjašnjavanje Odluku o institucionalnom obilježavanju 11. jula Međunarodnog dana sjećanja i obilježavanja počinjenog genocida u Srebrenici 1995. godine, te vas molim da se izjasnite.

Glasanje je okončano.

Konstatujem da je Odluka o institucionalnom obilježavanju 11. jula Međunarodnog dana sjećanja i obilježavanja počinjenog genocida u Srebrenici 1995. godine usvojena sa, 23 glasa za, nije bilo protiv i nije bilo suzdržanih.

Prelazimo na tačku četiri:

RAZMATRANJE I USVAJANJE ODLUKE O RAZRJEŠENJU ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA

Predlađač: gradonačelnik Grada Tuzla

Obrađivač: Stručna služba Gradskog vijeća

Materijal su razmatrali: Komisija za statutarne pitanja i propise, Komisija za izbor i imenovanja i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu... Vijećnik Mirnes Ajanović. Izvolite.

MIRNES AJANOVIĆ

Ja sam protiv ovoga da usvojimo. Ne u suštinskom smislu nego radi se o kolegi koji je dugo vremena u ovim poslovima. Korektno je odradio sve što je trebalo da odradi. Bili smo, ja s jedne strane kao advokat, on s druge strane kao pravobranilac. Korektan. Osoba koja hoće razgovarati i pomoći. Ne bih predugo o njemu. Dovoljno je. Evo ipak da se kaže tih nekoliko par riječi da se radi o osobi koja zaslužuje i evo taj govor o svemu što je u svom radnom vijeku odradio i kažem protiv sam iz razloga što bih volio da je još uvijek tu. Ali jasno je. Penzija. I želim mu dugo uživanje u penziji.

ANA PEJIĆ

Zahvaljujem se.

Da li se još neko javlja ispred klubova vijećnika?

Zaključujem raspravu klubova vijećnika.

Otvaram raspravu vijećnika.

Zaključujem raspravu vijećnika i dajem pauzu od pet minuta. (Pauza).

Nastavljamo sa radom sjednice. Sada stavljam na izjašnjavanje Odluku o...u stvari, gdje mi je onaj...Stavljam na izja...a nije ovo je pravobranilac...Šta je ovo?

Nastavljamo sa radom.

Stavljam na izjašnjavanje Odluku o razrješenju zamjenika Gradskog pravobranioца u Gradskom pravobranilaštvu Tuzla, te vas molim da se izjasnite.

Glasanje je okončano.

Konstatujem da je Odluka o razrješenju zamjenika Gradskog pravobranioца u Gradskom pravobranilaštvu Tuzla usvojena sa,

26 glasova za, nije bilo protiv i nije bilo suzdržanih.

Prelazimo na tačku pet:

RAZMATRANJE I USVAJANJE ODLUKE O POVJERAVANJU JAVNIH OVLAŠTENJA

Predlagač: gradonačelnik Grada Tuzla

Obrađivač: Služba za komunalne poslove, izgradnju i poslove mjesnih zajednica

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalna pitanja i pitanja mjesnih zajednica i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o povjeravanju javnih ovlaštenja, te vas molim da se izjasnite.

Glasanje je okončano.

Konstatujem da je Odluku o povjeravanju javnih ovlaštenja usvojena sa,

24 glasa za, nije bilo protiv i 1 suzdržan.

Prelazimo na tačku šest:

RAZMATRANJE I USVAJANJE ODLUKE O IZMJENI ODLUKE O POSTUPKU I USLOVIMA ZA DODJELU SREDSTAVA ZA SUBVENCIONIRANJE TROŠKOVA SANACIJE ZAJEDNIČKIH DIJELOVA ZGRADA

Predlagač: gradonačelnik Grada Tuzla

Obrađivač: Služba civilne zaštite

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (vijećnik Mirnes Ajanović govori bez uključenog mikrofona op.a.). Može. Izvještaj Statutarne komisije (MIRNES AJANOVIĆ - Jeste. Samo da uvodno izlaganje komisije). Može. Hoćete li vi? (MIRNES AJANOVIĆ – Ja ću). Može. Izvolite. Vijećnik Mirnes Ajanović. Izvolite.

MIRNES AJANOVIĆ

Kao zamjenik predsjednika Statutarne komisije. Kratko. Samo informaciju. Ovdje se radi o ukidanju nenamjerne diskriminacije određenog broja građana koji su imali priliku ući u projekat za subvencioniranje za sanaciju zajedničkih dijelova zgrada, ali nisu realizovali taj projekat, ne svojom krivnjom, investitor neki ili ko god, izvođač radova nije uspio to uraditi. I onda kada su već izgubili ta sredstva nisu ih mogli dobiti u narednom konkursu ili prijavi, nisu se mogli prijaviti, jer su već navodno bili prije. I time su došli u poziciju da ne mogu svoja prava da ostvare i mi smo evo u saradnji sa gradonačelnikom i Gradskom upravom kao Komisija za ljudska prava, da preciziram, pošto je Statutarna raspravljala o tome, ali i kao predsjednik Komisije za ljudska prava i slobode, inicirali ovu izmjenу. Kolegij je prihvatio i evo na kraju rezultiralo da imamo i Odluku koja reguliše puna prava svih. Problem jeste u finansijama, ali bar niko nije diskriminiran. Hvala.

ANA PEJIĆ

Zahvaljujem se.

Evo otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika, te stavljam na izjašnjavanje Odluku o izmjeni Odluke o postupku i uslovima za dodjelu sredstava za subvencioniranje troškova sanacije zajedničkih dijelova zgrada, te vas molim da se izjasnite.

Glasanje je okončano.

Konstatujem da je Odluka o izmjeni Odluke o postupku i uslovima za dodjelu sredstava za subvencioniranje troškova sanacije zajedničkih dijelova zgrada usvojena sa,

25 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

RAZMATRANJE I USVAJANJE:

a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA STARI I TRADICIONALNI OBRT ZLATARSKA RADNJA „FILIGRAN“ VL. BERBIĆ SADIK

b) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM UDRUŽENJU „SUNCOKRET“ TUZLA

Predlagač: gradonačelnik Grada Tuzla

Obrađivač: Služba za ekonomski razvoj, poduzetništvo i poljoprivredu

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Da li ste za to da glasamo u paketu za obje odluke?

Stavljam na izjašnjavanje pod:

a) Odluke o davanju saglasnosti na zaključenje ugovora o zakupu poslovne prostorije sa Stari i tradicionalni obrt Zlatarska radnja „FILIGRAN“ vl. Berbić Sadik

b) Odluke o dodjeli u zakup poslovnih prostorija neposrednom pogodbom Udruženju „SUNCOKRET“ Tuzla, te vas molim da se izjasnite.

Glasanje je okončano.

Konstatujem da su pročitane odluke usvojene sa,

25 glasova za, nije bilo protiv i nije bilo suzdržanih.

Sljedeća tačka dnevnog reda:

RAZMATRANJE I USVAJANJE IMOVINSKO - PRAVNIH AKATA:

a) ODLUKA O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA DOGRAĐENI POSLOVNO-PROIZVODNI OBJEKAT U NASELJU GORNJA TUZLA U TUZLI, BROJ: 01/07-27-172/2024

b) RJEŠENJE O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA DOGRAĐENI POSLOVNO-PROIZVODNI OBJEKAT U NASELJU GORNJA TUZLA U TUZLI

c) ODLUKA O ZAMJENI NEKRETNINA UZ NADOKNADU I DAVANJE SAGLASNOSTI NA ZAKLJUČENJE UGOVORA, BROJ: 01-07-27-3521/2025

Predlagač: gradonačelnik Grada Tuzla

Obrađivač: Služba za geodetske i imovinsko-pravne poslove

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za izbor i imenovanja (pod b) i klubovi vijećnika.

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija? (Nema).

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika, te stavljam na izjašnjavanje imovinsko – pravne akte.

Da li ste za to da u paketu glasamo?

Pod: a) Odluka o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za dograđeni poslovno-proizvodni objekat u naselju Gornja Tuzla u Tuzli, broj: 01/07-27-172/2024

b) Rješenje o imenovanju Komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za dograđeni poslovno-proizvodni objekat u naselju Gornja Tuzla u Tuzli

c) Odluka o zamjeni nekretnina uz nadoknadu i davanje saglasnosti na zaključenje ugovora, broj: 01-07-27-3521/2025, te vas molim da se izjasnite.

Glasanje je okončano.

Konstatujem da su pročitane odluke i rješenje usvojeni sa,
26 glasova za, nije bilo protiv i nije bilo suzdržanih.

Dajem pauzu od 30 minuta. (Pauza).

Tačka devet:

RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2023. I 2024. GODINU

a) JKP KOMUNALAC D.O.O. TUZLA ZA 2023. GODINU

b) JKP KOMUNALAC D.O.O. TUZLA ZA 2024. GODINU

Predlagač: skupština preduzeća

Obrađivač: menadžment preduzeća

Materijal su razmatrali: Komisija za ekonomske odnose, Komisija za poduzetništvo, Komisija za komunalne poslove, izgradnju i poslove mjesnih zajednica i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Mirnes Ajanović. Izvolite.

MIRNES AJANOVIĆ

Hvala. Nema, mi smo svi postali sad timovi. U jednom timu (ANA PEJIĆ – Tim jedan počinje). U interesu građana. Dobro je ovo Vijeće.

Oba. Ja ću raspravljat o ovom zadnjem. Onaj prošli je prošao svakako glasamo za njega i hajde. Nekoliko evo mojih zapažanja, prijedloga, s ciljem jačanja kvaliteta ovih usluga, transparentnosti rada, naravno od opšteg interesa.

Prvo je pozitivan aspekt. Funkcionalnost, pokrivenost. Vidi se da je ipak 43.744 domaćinstva. 2.119 pravnih lica. Puno je to. Valja to sve stić, obić, dostavit. Na kraju račune kad se samo dostave. Ništa više. Napredak u projektima primarne selekcije otpada, kao i saradnja sa obra...ustanovama za reciklažu dvorišta. Pod dva. Zapažanje o kapacitetima organizacije rada. Radne jedinice su maksimalno iskoristile postojeće kapacitete, ali se u dijelu izvještaja navodi da je broj radnika u nekim sektorima ispod planiranog. Na primjer, parkovi su 71, ostvareno 62. Može to uticati na obilnu uslugu, ali znamo novac određuje i tu okolnost. Plate su vrlo bitne svima. Značajan dio posla i dalje se oslanja na ručni rad, naročito higijene grada, koliko može biti automatizacije, modernizacije, mehanizacije, opet je sve do novca. Evo budžet Grada ide ka nekih 100 miliona. Rekord. Pa vidićemo. Nešto se u zadnje vrijeme kad je trebalo, počele pojavljivat pare. Ovo isto kao prije kad je bilo, kaže, počni gradit kuću i samo nešto od sebe dolazi, ide to, kad krene nafaka ide. Pa i s tom nafakom od 100 miliona će vjerovatno dio ić u ove dijelove ovamo da dobijemo modernizaciju da grad može bit još bolji, čišći i efikasnije uređen.

Jedna stvar, naumpade mi sad, evo, nek to uđe, ne mora u zaključak, nek čuje direktor. Čut će. Oni kad ono kose travu sa onim kosilicama, plastičnim što se vrte, primijetio sam na velikom broju mladica drveća i slično, kako idu, mlate onu travu i omlate to drveće. Kora spadne. Oguli se i suši se drvo. Eto, molba da ne bude naredba da direktor prenese molbu tim koji to rade. Znam, teško je to cijeli dan valja zujat s onim, ali kad naiđu na drvo, da ga pokušaju da ga pokušaju obić. Pa nek stoji radije ona trava oko njega, oko tog drveta, nego da idu do drveta i onda i dole ode kora i više nema kontakta kore sa korjenjem. Dol je već oštećeno i primijetio sam dosta tih mladih, a ima ih mladica odnosno drveća, osuše se radi toga. Evo jedna molba direktoru. Nekako i to je živo. I to je, nije ko mi biće, ali je živo. Drvo. Što bi trebalo umrijet zato što neko radi dodatno da uljepša grad. Prijedlog: Ostavite oko drveća da se vidi malo one trave. Dakle, to je znak da nije išlo do kore, do drveta, do stabla. I neka malo izgleda onako ono, hajd, zanimljivo. Dobro. I ovo.

Finansijski aspekt. Potraživanje i rashodi. Svega ima. Prisutni su rashodi po osnovu amortizacije nabavki, ali otom potom. Hajd, ok. Upravljanje deponijom. Sad je već to problem. Održivost. Proširenje. Imamo i nekakav poziv građana. Hoće da se ide dole, da se evo gleda da građani Mjesne zajednice već traže rješenje za deponiju, kako je moguće to uraditi, morat će dati odgovor, dakle, i preduzeće, a očito ćemo na kraju i mi morati svi kao Grad, Gradsko vijeće, Uprava i mi vijećnici. Postrojenje za selekciju otpada rade od desete godine. Kapaciteti su ograničeni. Desetine ove. Postavlja se pitanje kakav je sredoročni, dugoročni plan, alternativne lokacije, proširenja tehnologije, reciklaže, Dimnjačarska služba? Evo kad je bio izvještaj dali smo određene zaključke faktički isti ti su zaključci i ovdje. Ono što sam predložio, malo ko je diskutovao, a trebalo je, jer i to je taj dio bitan. Ne bih sad ponavljao sve ono. Možemo mi staviti dio zaključaka, odnosno na ovo koji se već donio od strane Vijeća po tački dnevnog reda kada sam raspravljao o ovoj Službi da bude i sad, al mislim da ne treba ić direktno zaključcima. Direktor ovdje sluša. Čuje. I samo ova okolnost i ostali su tu naravno. Ne moramo mi sve zaključivati i donositi zvanične zaključke. Čuli su, pa neka uzmu i realizuju. Regres. Topli obrok i druge naknade. Evo vidi se da imaju određen regres. Malo su problem plate, ali evo zaključno, izvještaj sveobuhvatan. Stabilno je poslovanje, ali bi moglo se nešto poduzeti u smjeru digitalizacije. Ne pretjerano. Koliko je moguće. Racionalizaciju operativnih troškova.

Više transparentnosti i učešća u obavješćavanju putem digitalnih alata i moramo dobiti plan za budući kapacitet i održivost deponije, odnosno, uklanjanje, sklanjanje, da ne smeta građanima Moluha. Oni traže. Neće, a mi zasad nemamo nikakav plan kako da im šta damo i odgovorimo. Ovo je sad evo uskoro je ovaj zakazan sastanak u Mjesnoj zajednici, pa predlažem da se pripremi od strane direktora i menadžmenta adekvatan odgovor građanima u vezi ovog sastanka koji će bit u Mjesnoj zajednici Solana, odnosno Moluhe, u vezi svega ovoga što se događa sa deponijom. Toliko. Podrška svakako za oba izvještaja.

ANA PEJIĆ

Zahvaljujem se. Sljedeći za riječ se javio vijećnik Senad Mehmedinović. Izvolite.

SENAD MEHMEDINOVIĆ

Hvala lijepo. Pa ono šta je plastični hirurg u medicini, to je i Komunalac za grad Tuzlu. Dakle, ima ključnu ulogu očuvanju javne higijene. Estetskog izgleda grada, sigurnosti i funkcionalnosti gradske infrastrukture. Za one možda koji ne znaju odavdje, ja sam inače rodod s Kiseljaka. Možda neki ne znaju. E dobro. Onaj, i dok sam živio na Kiseljaku, budile su me domaće životinje. A sad dok sam ovdje u gradu, bude me trimeri, što znači da stvarno Komunalac za svaku pohvalu u smislu rada, održavanje higijene grada i to je za svaku pohvalu.

Ja bi volio i to smo mi pričali na Kolegiju da se više ne dovodimo u situaciju, mi kao vijećnici. Ozbiljni su uvijek izvještaji o radu i dobro se treba posvetiti da se iščitaju, oni naročito dio izvještaja koji je Times New Roman, osmica ono što je, onaj, slabo napisano, odnosno malo. Da više se ne dovodimo u situaciju da usvajamo dva izvještaja evo ko što je ovdje za 2023. i 2024. godinu, nego da se usvaja izvještaj godinu za godinu kako to treba da ide, jer imamo izvještaj Centralnog grijanja, imamo izvještaj i Centra za socijalni rad. To sve kad se sastavi, ima popriličan broj listova koji se treba pročitati. Oni koji čitaju, ja vjerujem da neki samo pročitaju bilješke o piscu.

Kada je riječ o 2023. godini, pohvalno je stvarno. Mi znamo da je vrijeme inflacije i to je ja mislim jedan kontinuitet. Znači, non stop cijene rastu i non stop se cijene dižu, a ovdje možemo da vidimo da su ukupni prihodi iznosili preko 12 miliona Konvertibilnih maraka i bila je dobit kakva god da je. Dobit je. Bez obzira dakle što je došlo do inflacije. Iz izvještaja se može vidjeti da su iako je bilo vrijeme inflacije da je Komunalac nabavilo četiri vozila, dok je jedno vozilo nabavljeno iz dijela sredstava od Ministarstva prostornog uređenja, zaštite okoline i ja u svakom izvještaju, u sklopu izvještaja kad vidim da se radi sa apliciranjem projekata, meni je to izuzetno drago, zato što znam da to javno preduzeće ili javna ustanova, sve zavisi o čemu pričamo su proaktivni, ne očekuju samo da se pune njihovi budžeti od strane Gradske uprave, odnosno, da mi moramo da radimo na rebalansu. Kada je u pitanju procenat naplativosti od domaćinstava za izvršene usluge prikupljanja odvoza smeća, vidimo da je to procenat 78,70% i tuženo je 6.480 fizičkih lica i 140 pravnih lica.

U 2024. godini imamo nešto veće prihode koji su 13.500.000 i kada je u pitanju ovaj procenat naplativosti, ne znam kako to može da se riješi u budućnosti, al evo direktor je ovdje, vjerovatno zna kako to sve funkcioniše. Opet je 78,70% naplativost. Dakle, nije se moglo prebaciti određeni procenat da se naplate ovi dugovi. Međutim, vidimo da je smanjen broj tuženih ovih fizičkih lica na 5.250, ali se određeni broj povećao kod pravnih lica i on iznosi 145.

Pazite, u 2024. godini, govorim opet, sve su to inflacije, onaj, dolazi do povećanja cijena roba i svega drugo. Preduzeće je nabavilo dvanaest vozila za potrebe preduzeća i sva vozila su finansirana iz vlastitih sredstava. Opet imamo u 2024. godini da je realizovan projekat proširenje postojeće primarne selekcije u gradu Tuzla, podjela kanti za miješani i ambalažni

otpad, dakle, što je za svaku pohvalu. I ovo je Komunalac, hajd sad da kažem pod navodnim znacima, nije zaplakao kada se moglo, kad se trebalo da se izjednače ove minimalne plate, odnosno da se povećaju na iznos od 1.000 Konvertibilnih maraka, a koliko sam mogo da vidim ovdje u izvještaju, najveći broj zaposlenih je onih koji su imali plate ispod 1.000 Konvertibilnih maraka, 800, 850, dakle, poprilična sredstva je trebalo da se izdvoje da bi se ova situacija riješila, tako da čestitam direktoru na tome. Ne znam šta će bit u narednom periodu. Da li će doć do nekih povećanja cijena usluga, al ovo što se može vidjet iz 2023. i 2024. godine je da se radilo. Ko god šeta, hoda gradom Tuzle, ne može da ne primijeti da stalno se nešto radi i da se stalno nešto uređuju. Evo imamo ove kružne tokove koji se stvarno uljepšavaju. Cisterne naveče, onaj, budu. Ujutru se kosi trava, tako da što se tiče toga, ocjena pet i kada je u pitanju izvještaj i za 2023. i 2024. godinu, Klub vijećnika NL „Sloboda“ će podržati. Hvala.

ANA PEJIĆ

Zahvaljujem se. Sljedeći za riječ javio se vijećnik Zlatan Mehmedović. Izvolite.

ZLATAN MEHMEDOVIĆ – vijećnik SDP – Socijaldemokratske partije Bosne i Hercegovine

Uvažena predsjedavajuća, zamjenici, kolege vijećnici, predstavnici gradskih službi i medija, sve vas srdačno pozdravljam.

U ime Kluba Socijaldemokratske partije, želim da naglasim da ćemo mi svakako podržati ovaj izvještaj preduzeća i za 2023. i za 2024. godinu, jer se radi o godinama sa pozitivnim poslovanjem. To svakako potvrđuje i efikasno upravljanje i stabilnost ovog preduzeća. Želim da pohvalim i menadžment i vrijedne radnike koji su pokazali jel kako se u stvari služi svom gradu, a zaista i gradonačelnika koji poprilično motivirajuće djeluje na cijelo ovo preduzeće i mislim da im je i on uvijek, ovaj, i u svemu na maksimalnom raspolaganju.

Posebno jel želim da pohvalim menadžment za obezbjeđenje i unapređenje opreme i voznog parka. To su prije svega nabavka vozila za higijenu grada, zimsku službu i specijalizovana vozila za dimnjačare i takođe kao što su moji prethodnici rekli, povećanja plata radnicima i posebno za niže platne kategorije, što potvrđuje brigu o ljudskom faktoru, a što će u konačnici omogućiti zadržavanje radne snage.

Ono što sam ja posebno zaljubljenik, to je primarna selekcija otpada i evo možda jedna od važnijih tema koja mene okupira u mom mandatu i evo kad bi imali veliku pokrivenost u našem gradu, ja bi bio posebno zadovoljan. Moram istać da je Tuzla najbolje organiziran grad kad je u pitanju mreža primarne selekcije otpada, koja obuhvata sa, preko 5.500 domaćinstava i 60 tipskih objekata. Mislim da je to zaista vitalna obaveza prema budućim generacijama i cijelom gradu Tuzli, neophodno za očuvanje okoliša, javnog zdravlja, smanjenje deponijskog opterećenja i izgradnju uopšte održivog društva. Grad može postati primjer kako se odgovorno ponašati prema budućim generacijama i ono možda na čemu bi mi svi ovaj mogli poraditi više je edukacija stanovništva o važnosti primarne selekcije otpada, pa evo možda predlažem jedan zaključak gdje Gradsko vijeće Tuzla poziva i Javno preduzeće Komunalac, pa i Centar za ekologiju i energiju Tuzla (ANA PEJIĆ – Samo malo sporije da može Slađana ubacit). Dobro. Gradsko vijeće Tuzla poziva Javno preduzeće Komunalac, Centar za ekologiju i energiju Tuzla, ali i mjesne zajednice, da snažno intenziviraju edukativne aktivnosti po pitanju primarne selekcije otpada, posebno u kvartovima i kolektivnim objektima gdje primarna selekcija otpada još uvijek nije u potpunosti prihvaćena.

Svakako da nastavak edukacije i kampanje su nužnost, škole, mjesne zajednice, mediji, kampanje putem predstavnika, možda jako su bitne i u etažnih vlasnika u kolektivnim, ovaj, objektima, da se i na to obrati pažnja.

S tim u vezi imam dva pitanja evo za menadžment: Kako i koji je plan osiguranja i širenja jel ovog pilot projekta na preostala domaćinstva u budućem periodu? I koji su evo planovi Komunalca za edukaciju stanovništva u područjima sa niskom primarnom selekcijom?

SDP daje snažnu podršku u postignućima Javnog preduzeća Komunalac i evo podržavamo nastavak ulagaja u infrastrukturu, opremu i ljude. Hvala.

ANA PEJIĆ

Samo da vas pitam hoćete li u pismenoj formi ili usmeno da vam odmah na sjednici odgovori? (ZLATAN MEHMEDOVIĆ - Pa evo, može i u pismenoj). Pismeno, znači. Ok. U redu. Sljedeći za riječ se javio vijećnik Emir Šahović. Izvolite.

EMIR ŠAHOVIĆ

Hvala predsjedavajuća. Teško je nešto novo reći nakon mojih prethodnika, ali u istom smjeru idemo, onaj, kada je u pitanju generalno rad menadžmenta Komunalca, kao i rad svih uposlenika Javnog komunalnog preduzeća Komunalac, Pokret demokratske akcije apsolutno podržava sav rad.

Kada su u pitanju izvještaji za 2023. i 2024. godinu, haj malo više ću se osvrnuti na ovu 2024. godinu. Opet evo ponavljam se 9% imamo veće prihode u odnosu na 2023. godinu. Neto dobit je znači toliko koliko jeste, ali treba i bitno je naglasiti, znači, da se na investicije u 2024. godini potrošilo 935.514 KM.

Ono što mi je također posebno bitno je ono što ću se definitivno zalagati kada su u pitanju sva ova javna preduzeća i javne ustanove, to je status radnika u tim javnim preduzećima i ustanovama i što moram naglasiti ovdje da od ovih 13.500.000 koliko je prihod Javnog komunalnog preduzeća Komunalac Tuzla skoro 10.000.000 ide na trošak koji ide radnicima. Znači, bruto plate, topli obroci, regres, naknada za prevoz i što je posebno pohvalno 470.000 maraka u 2024. godini je isplaćeno one pomoći po Uredbi Vlade Federacije. I naravno, velika pohvala i za menadžment i za radnike i definitivno kao što su moji prethodnici rekli, znači, vidimo neke parcele zadnjih godina koje u životu nismo vidjeli da su pokošene i da su uređene i grad treba da bude u najboljem svjetlu prikazan i Komunalac najbolje radi to. Definitivno mislim da i menadžment ima viziju kako u narednim godinama poboljšati još više tu uslugu i podrška od Kluba PDA. Hvala.

ANA PEJIĆ

Zahvaljujem se. Sljedeći za riječ javio se vijećnik Nedžad Jusić. Izvolite.

NEDŽAD JUSIĆ

Hvala predsjedavajuća. Pa razmišljo sam dal u stvari da se javim ili ne vezano po ovoj tački dnevnog reda, ali obavezu osjećam da svaki menadžment, svako javno preduzeće, kao i javnu ustanovu pohvalim ukoliko dobro rade, odnosno da dam svoje mišljenje ukoliko smatram da ima određenih poteškoća.

Kolege i kolegice su dosta toga rekli. Ne bi mnogo komentarisao vezano za Javno komunalno preduzeće Komunalac Tuzla. Sve pohvale i to se vidi na kraj krajeva sa golim okom u našem gradu i zamoljen sam između ostalog od mojih prijatelja koji su došli iz Sarajeva i iz Beograda. Imali smo tu neke konferencije, pa smo prošli gradom i ovaj jedan kolega on radi u Sarajevu, u državnim institucijama i rekao: „Molim te Nedžade kad budete imali sjednicu Gradskog vijeća, pohvali menadžment Komunalca na kvalitetnim uslugama koji pružaju

građanima grada Tuzle, jer ovakav čist grad nisam vidio, ovaj, nadugo a pogotovo u Sarajevo“, kao i kolege iz Beograda su takođe isto rekli, da pohvalimo ovaj što se tiče menadžment Komunalca. I evo ovu priliku i ja koristim da se stvarno iskreno zahvalim prvenstveno radnicima koji kvalitetno rade svoj posao, al normalno, ne bi ni radili da nemaju kvalitetan menadž...da nemaju kvalitetnog menadžara koji to upravlja i ljudi koji upravljaju na kraj krajeva u Javnom komunalnom preduzeću Komunalac.

Ja ću normalno dati punu podršku. Ne bi oko ovim pojedinostima govorio kao što su naše kolege. Samo možda, nije reprika, al evo nisam htio repriku, nego u diskusiji, želim da kažem kolega Senad je dobro konstatovao da ne trebamo usvajati izvještaje niti jednog preduzeća, niti javnih ustanova na jednoj sjednici za dvije godine, a mislim kolega Senade u prošlom sastavu smo bili obojica, da smo mi imali na sjednici izvještaj za 2023. godinu i da smo tada mi dogovorili zajedno dal na Kolegiju, dal na Vijeću da ovaj izvještaj prebacimo za neki naredni period i da ćemo zajedno ga usvajati sa izvještajem za 2024. godinu, jer nije bilo određenih poteškoća, problema. Znači, mi smo to dogovorili. Znači, to je bilo na sjednici dnevnog reda i mislim evo za kraj, normalno da ću podržati ovaj izvještaj i puna podrška menadžmentu i radu Javnog komunalnog preduzeća Komunalac za naredni period.

ANA PEJIĆ

Zahvaljujem se. Sljedeći za riječ javio se vijećnik Admir Hasanbašić. Izvolite.

ADMIR HASANBAŠIĆ

Hvala predsjedavajuća. Šta reći, zaista kolege i kolegice sve su rekli. Ja ću pokušat jednu stvar da kažem koja je jako bitna, a to je da 2008. godine na mjesto direktora Komunalca je došao gospodin Admir Bećirević i koji je zaista od tada napravio renesansu i kompletan razvoj ovog Javnog preduzeća koji je danas upravo na ovom levelu, odnosno na ovom nivou o kome su kolege rekle. Od tada do danas je izvršena velika modernizacija svih komunalnih uređaja, mašina. Stalno se vrši unapređivanje otkupa, odnosno selekcije otpada. A ono što želim istaći, a druge kolege nisu rekle, a to je da je realizovan veliki broj projekata i to sa visokim finansiranjem iz fonda Evropske Unije, što zaista predstavlja i budućnost razvoja svih naših javnih preduzeća, a samim tim i Komunalca i siguran sam da će direktor i u narednom periodu dati akcenat upravo na proširenju i razvoju ovoga tima koji će da dobavi sredstva koja nisu iz budžeta, nego upravo iz ostalih fondova.

I zaista ono što je fascinantno. To je rekao kolega Senad, ali moram ponoviti. Minimalac povećan na 1.000 Konvertibilnih maraka. Komunalac je u najtežoj situaciji bio u tom segmentu, jer ima najveći broj uposlenika koji su bili ispod tog iznosa kada je u pitanju plata, nije bilo prijedloga o povećanju usluga našim građanima od strane menadžmenta. Svaka vam čast. Iznašli ste rješenje da se ne poveća cijena usluga, a svi uposlenici su dobili minimalni iznos plata kako ih sljedeće po zakonu.

Želim istaći još jednom zasluge direktora, menadžmenta, nadzornog odbora, svakako svih uposlenika koji evo na ovim vrelinama, hajd da kažem, rade, al sad sam razgovarao sa direktorom, pustio ih je malo ranije da se sklone u hladovinu, što je vrlo bitno, jer misli o zdravlju svojih uposlenika, a dok pojedina javna preduzeća koja nisu na nivou grada, ovaj, upravo baš i ne vode tolku, tolku, ne vode računa o zdravlju uposlenika koje je jako, jako bitno.

Svakako, što se tiče Kluba vijećnika Tuzlanske alternative mi ćemo podržati izvještaj poslovanja i za 2023. i 2024. godinu i svakako zahvalio bih se i kolegama vijećnicima i vijećnicama koje svake godine kad razmatramo izvještaje, damo odgovorajuće zaključke koji budu konstruktivni i zaista svaki direktor te zaključke usvoji, odnosno pokuša, ukoliko je to u mogućnosti da realizuje. Hvala.

ANA PEJIĆ

Zahvaljujem se. Sljedeći za riječ javio se vijećnik Dejan Kovačević. Izvolite.

DEJAN KOVAČEVIĆ

Hvala predsjedavajuća. Evo ja se neću ponavljat za kolegama. Ja ću govorit u malo drugačijem kontekstu, jer uvijek zaboravljamo šta u stvari Javno komunalno poduzeće Komunalac znači za ovaj grad.

Prije par godina šetam se sa svojim sinovima i jedan od njih kaže, naišlo ovaj vozilo Komunalca i istresa smeće iz kontejnera i kaže: „Tata, vidi smećari“. Ja mu kažem, sine nisu to smećari, to su čistači. Mi smo smećari. Al kaže: „Moj drug Nedim kaže da su to smećari“. Ne, ne sine. Mi smo smećari. Te čike su čistači. Zašto ovo govorim? Možda je malo smiješno. Inače kod nas je pogrešan narativ. Kad kažeš komunalac, svi razmišljaju o kontejneru, o smeću i o kantama. Međutim, Javno komunalno preduzeće je preduzeće sa najvećim opsegom djelovanja od svih preduzeća koje je osnivač Grad Tuzla. Pored odvoza evo otpada, oni su zaduženi za košenje i za pranje ulica i za uređivanje parkova i za sijanje cvijeća i svega mogućeg. Kad neko sa strane, evo reko je i kolega Nedžad. Kad nam dođu gosti u Tuzlu, pored lijepih ovih zgrada, infrastruktura, što privatnih, što državnih, ono ljudi što primijete da je grad čist.

Grad Tuzla je jedan od najčišćih gradova u Bosni i Hercegovini, a mogu slobodno reći i u regiji. I to treba pohvalit. Treba promijenit narativ prema Komunalcu. Prema Javnom komunalnom poduzeću Komunalac. A mi građani grada Tuzle da li urbanog ili ruralnog dijela, nimalo tim uposlenicima ne pomažemo. Zašto ovo govorim? Evo apeliram javnost. Sjednice se snimaju i javne su. Apeliram javnost. Prolazim neki dan i onako jedna fina gospođa prolazi pored kontejnera i onako samo baci kesu pored. Pa imaš kontejner čovječe, baci je u kontejner. Ne pored. Nije smiješno Senade, možda malo da trebamo promijenit, ovaj, kulturu življenja i običaj. Malo svijest. Onaj čik kroz prozor što bacimo iz auta. Onu žvaku što zalijepimo na ovom lijepom našem Trgu. Malo moramo se mi kulturno mijenjat. Evo krenut ću ja od sebe, pa svi mi. Nimalo ne pomažemo uposlenicima Javnog komunalnog preduzeća Komunalac, jer ćemo svi oko sebe razbacivat. Pa evo i ova dijaspora koja dođe. U nekim evropskim zemljama za bacanje čika il žvake na pod dobijaju 50 Eura kaznu. Kod nas čim pređe granicu na Orašju kesu sa bananama i jogurtom baca kroz prozor. E takvi smo i mi ovdje. Znači, mi moramo promijenit ponašanje i kulturu življenja da bi nam bilo čisto. Ne mogu oni očistit kolko mi možemo nabacat. U tome je problem. Do nas samih.

Ja neću se osvrtnat na ekonomska izvješća Komunalca za 23-u i 24-u godinu. Pozitivno su poslovali i sve moguće hvale evo da se ne ponavaljam za kolegama. Al ono što hoću reći da su kako direktor, menadžment i radnici Komunalca uvijek na raspolaganju svakom građaninu. Od tog dal mu treba dovuć cisternu vode, odvuć smeće, dovuć peku, očistit snijeg ispred vrata zgrade. Pa čitam zimus, evo bio je Badnjak i Božić. Meni je Badnjak i Božić prošlo u lopatanju snijega. Ok. Takvo je vrijeme. Dvanaesti mjesec. Ne znam što se ljudi čude. Onda čitam na komentarima raznim, komentare na raznim portalima, jedan gospodin iz jednog elitnog dijela grada govori i ruži Komunalac što mu nije došao očistit snijeg ispred ulaza. Nije ni dužan. Nek uzme Zakon o komunalnim poslovima i zakon o svemu, javnom redu i miru, nije ni dužan da mu čisti. Nemamo razumijevanja niti prema uposlenicima, niti prema ovom poduzeću. Svojim ponašanjem i kulturom življenja moramo im pomoć. Mi se moramo kao građani grada Tuzle bili u ruralnom ili u urbanom dijelu, moramo se osvijestiti i pomoći ovim ljudima, jer mi kakvi smo, nama bi trebo još jedan Komunalac da za nama čisti i uređuje, jer svi bi mi na gotovo.

Evo ovim ću i završiti. Izrazita zahvalnost evo mene osobno i ispred Kluba HDZ-a Bosne i Hercegovine, gospodinu direktoru Admiru Bećireviću i menadžmentu Javnog komunalnog poduzeća Komunalac i pogotovo radnicima koji su svaki dan na terenu.

I na kraju pitanje jedno za sve nas ovdje prisutne, a evo i za javnost: Ko je od nas spreman na minus deset stat na stopu kamiona, u pola šest ujutro, hodat kroz grad ili kroz mjesne zajednice, ruralne mjesne zajednice i kupit naše otpatke? Samo to jedno pitanje za sve nas. Za sve one ubuduće koje bi kritikovali uposlenike Javnog komunalnog poduzeća Komunalac. Samo ovo pitanje: Ko je od nas spreman ujutru u pola šest ostavit kod kuće i majku i oca i djecu i suprugu i bilo koga na minus deset ili na plus četrdeset u toku dana i kupit za nekim drugim otpatke ili mu kosit ispred zgrade da mu bude lijepo?

Još jednom, iskrene zahvale i iskrene pohvale, kako direktoru, menadžmentu, tako i uposlenicima Komunalca. Hvala.

ANA PEJIĆ

Zahvaljujem se. Sljedeći za riječ javio se vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo ispred Kluba Demokratske fronte podržat ću ovu naravno, podržat ovaj izvještaj, ali evo i napomenut tu nesretnu 2022. godinu, nesretnu zbog fronta u Evropi, kada je jedan od osnovnih resursa koje Komunalac koristi, to je svakako gorivo za pokretanje mašina i mehanizacije i opreme, dakle, kada je gorivo sa nekih 2 Konvertibilne marke preko noći poskupilo na 3,80. Nije došlo do većih korekcija cijena i dakle stabilizacija, stabilizacija unutar preduzeća u principu značila stabilizaciju na tržištu i nisu građani osjetili taj udar. Dakle, to govori o predanosti menadžmenta i htijenju menadžmenta da u jednoj takvoj situaciji nađe način i apsorbuje udar mimo opterećenja građana. S druge strane evo svjedoci smo da se u nekim našim pa evo i u glavnom gradu Bosne i Hercegovine, koji se hvali tim nekim destinacijama i svim, pojavljuje jel ove Leptospiroze, pa maltene i Hantavirus zbog bacanja smeća, uglavnom radi neodgovornih pojedinaca koji neodgovornih pojedinaca, ali i komunalnih preduzeća koja na nivou svog zadatka ne obavljaju posao kako treba. Onda te stvari kad uporedimo možemo zaista biti ponosni što imamo naše kolege zaposlene u našem Javnom preduzeću, koji u ime nas održavaju čistoću grada i našem gradu, ali i nama svima osvjetljavaju obraz.

Jako je bitno, možda evo i medijima da iznesu ovo što je kolega Dejan rekao, da svako treba od nas da krene od sebe i za naše neke nedostatke da ne traži izgovor u zaposlenicima Komunalnog preduzeća. Dakle, nije dužan da ide po ovim divljim deponijama da rizikuje da ga nešto od glodara ili zmija ujede, ubode. Da mu napravi neki zdravstveni problem ne bi li pokupio ono što smo mi posijali. Dakle, evo ako mediji imaju mogućnost da prenesu poruku koju je kolega Dejan, odnosno niz poruka koje je kolega Dejan danas iznio. Dakle, da krenemo od kuće, od sebe, od svog kućnog vaspitanja. Ne može ni škola ispeglat kroz ove predmete, kultura življenja, domaćinstva il kako se već to zove, ako to u kući majka i otac ili staratelji nisu usadili u pojedinca. I dobro bi bilo da se ta poruka prenese i da danas usvojimo ovaj izvještaj o radu, pohvalimo na angažmanu, pohvalimo na svim ovim aktivnostima, ali i da pohvalimo kolege koji zaista vrijedno rade na terenu i možemo bit ponosni kad kažemo da smo iz jednog od najčistijih gradova, da smo iz Tuzle. Oni su ti koji osvjetljavaju sve ono čime se mi hvalimo. Hvala.

ANA PEJIĆ

Zahvaljujem se. Sljedeća za riječ javila se vijećnica Dragana Berberović Gagro. Izvolite Dragana.

DRAGANA BERBEROVIĆ GAGRO

E ovako. Ja ću se pridružiti mojim kolegama. Želim pohvaliti sve ovo što Komunalac radi i evidentno je u posljednje vrijeme da je stvarno grad čist i to nam je da kažemo obraz grada kada nam neko dođe sa strane.

Ono drugo što ja želim ovaj bez obzira na sve pohvale svakako sam ovaj oduševljena vašim radom. Ono što meni nije jasno kako uspije, sva javna poduzeća, kako uspijete tu dobit svake godine nekako natempirati u tu 1.000, 2.000 i to nekih 2-3% od kompletnog prometa. Eto to mi nije jasno. Voljela bih ovaj nekad evo da da mi neko od tih direktora objasni, ovaj, jer ja u svemu vidim posao i sasvim monopol i volila bi da taj rezultat finansijski bude malo i ovaj bolji na kraju. Možda sam u krivu. Nemam dovoljno informacija, al eto to mi nešto smeta, pa bi volila da dobijem objašnjenje. Nije nikakva kritika. I još jednom pohvale.

Moj kolega Omer Berbić nije trenutno tu prisutan, ali će dostaviti pitanja pismeno, pa bi molila da mu se odgovori iz Komunalca. Hvala vam.

ANA PEJIĆ

Zahvaljujem se. Replika. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa evo ja ću samo da pomognem Dragani kad je u pitanju izvještaj finansijski. Prije nekih 16 godina, ovaj, ja sam tražio upravo da se uvede uz sami izvještaj da mora bit bilans stanja i bilans uspjeha. To je ključno za svako preduzeće i daleko je lakše ovaj vijećnicima pratiti, znači, to je po zakonu koje treba uraditi. Tu mislim da ne može, ne mogu uštimat ništa, jer bilans stanja i uspjeha radi knjigovodstvo i ono ga mora raditi po zakonu. I od tada mi imamo uz svaki, uz svaki izvještaj imamo bilans stanja i uspjeha. Ja sam prve godine kad je prvi put počelo dolaziti na Vijeće bilans stanja i uspjeha, nisam se mnogo u to razumio, al sam dao svom knjigovođi sjeo sa knjigovođom svojim da mi objasni stavku po stavku. I objasnio mi je i ja sam bio saglasan s time da je to nešto što treba pratiti svaki izvještaj. Htio sam pomoć samo ne, nije replika negativna, nego samo jedna pomoć da evo malo radi javnosti da se zna, da smo to nekad prije petnest, šesnest godina uveli. Hvala.

ANA PEJIĆ

Zahvaljujem se. Replika. Vijećnik Denis Bećirović, pa vijećnica Dragana Berberović. Izvolite.

DENIS BEĆIROVIĆ

Hvala predsjedavajuća. Evo replika. Replika odgovor, hajde naveo sam ih ko repliku kolegici Dragani. Dakle, postoje javna preduzeća koja se bave na svim niovima vlasti, dakle, koja se bave uslužnim djelatnostima, kao što je i Komunalac i nije uvijek pravilo da ta javna

preduzeća posluju sa enormnim, onaj, plusom u konačnici. Dakle, dobro je da imaju određenu zalihu sredstava zbog svih stvari kod usvajanja budžeta, usvajanja plana rada, isplaćivanja plata doprinosa i održavanje mehanizacije u onoj godini, odnosno početkom svake radne godine i budžetske godine. Dakle, postoje javna preduzeća koja posluju tu blizu nule, ali zahvaljujući njihovim radom, posluje sve ostalo oko njih i doprinosi punjenju budžeta. Tako da mislim da enormni plus u ovakvom jednom preduzeću nije ni veliki uspjeh. Ono bi čak i moglo se reflektovat jednim manjkavosti uprave da obezbijedi možda novu da investira, investira, dakle, dobit. Mislim da ovi dobro balansiraju, al evo svakako i mi smo tu da ovaj budemon taj ako po potrebi budemo taj korektivni faktor, ali mi mislim da u ovom slučaju, mislim da u ovom slučaju nema, nema potrebe.

ANA PEJIĆ

Zahvaljujem se. Replika. Vijećnica Dragana Berberović. Izvolite.

DRAGANA BERBEROVIĆ GAGRO

Htjela bih samo napomenuti da sam tražila pojašnjenje i hvala vam što ste mi dali. Ja se vodim tim ako je promet bio 15 miliona, ove godine imali smo dobit 30.000, a sljedeće godine je bio promet opet 12 miliona, opet smo imali tih 30.000. Kako baš uvijek to bude tako oko tih nekih cifri? I hvala vam kolege na pojašnjenju (MENSUR ALIĆ – Knjigovodstvo). Da vam kažem jedno je knjigovodstvo, jedno je stvarnost (MENSUR ALIĆ – Finansije). Hvala vam. Dobro poznajem tu problematiku.

ANA PEJIĆ

Replika. Vijećnik Emir Šahović. Izvolite.

EMIR ŠAHOVIĆ

Pa ima nešto ko što je plan priliva prihoda i odmah menadžment može da procijeni u šta može investirat, zato što ovo preduzeće isključivo zbog javnog dobra, onaj, djeluje i onda kad vide ljudi otprilike koliko prihoda će imati za tu godinu, mogu se upustit u određene investicije, tako da bi onaj i zbog toga imamo 900.000 investicija u 2024. godini, onaj, da nisu kupovali ova vozila i to, imali bi ogroman onaj profit, ali evo investirali su u svoja postrojenja i ove male, male, ovaj, kako se zove...(vijećnica Dragana Berberović Gagro govori bez uključenog mikrofona op.a.). Pa dobro. Al ovo je evo konkretno.

ANA PEJIĆ

Zahvaljujem se. Sljedeća za riječ javila se vijećnica Berisa Ahmetović. Izvolite.

BERISA AHMETOVIĆ

Hvala predsjedavajuća. Neću ja dužit plaho. Ja nisam zaboravila ono što je nas kolega Mensur ovaj zamolio na samom početku. Neki očigledno jesu. U ovom drugom krugu.

Prije svega evo ispred Kluba SDA, svakako podrška za izvještaj Komunalca i za 2023. i za 2024. godinu. Mislim da je to kolega Senad, naravno sve diskusije podržavam prethodno, ovaj, rečeno. Međutim, mislim da je to kolega Senad sa nekog stručnog aspekta zaista pojasnio. Evo tako da je i meni bilo jasno i nemam potrebe da ulazim u te neke brojke.

Međutim ono što mi je onako ovaj, što smatram simptomatičnim reć u ovom kontekstu, evo ja sam neko koga i dalje za razliku od Senada bude te domaće životinje na Ceriku, ali hvala Bogu i budi me onaj Komunalac zaista, ovaj i sve pohvale za to. Trinaest godina koliko živim na Ceriku zaista samo jedanput Komunalac nije uspio da dođe u tu je li brdovitu zonu radi nekih vremenskih neprilika i ovaj smatram da je i ovo preduzeće, nije sve tako sjajno u ovom gradu kao što je ovo preduzeće, nije sve tako lijepo i čisto kao što je...Komunalac se potrudio da naš grad izgleda i ovo je preduzeće zaista koje hajde onako mogu reć simbolično, ne pravi diskriminaciju između grada i nas u prigradskim zonama. Sve pohvale zaista za rad, za menadžment, naravno i ove statistike oko plata, povećanja, svakako sve, ovaj pohale i možemo reć zaista da takvu uslugu za, dobivamo zaista za izuzetno nisku cijenu. Hvala puno.

ANA PEJIĆ

Zahvaljujem se.

Da li se još neko javlja ispred klubova vijećnika? Vijećnik...

Zaključujem raspravu klubova vijećnika.

Otvaram raspravu vijećnika.

Vijećnik Mirza Malkočević. Izvolite.

MIRZA MALKOČEVIĆ

Evo stigo sam na vrijeme. Ja se izvinjavam, ovaj, bit ću kratak zbog predsjednika, ovaj, prvo prije svega sve pohvale stvarno za i direktora i menadžment, što se tiče i saradnje sa vijećnicima i posla koji obavljaju i mi ćemo podržat naravno izvještaj.

ANA PEJIĆ

Zahvaljujem se.

Da li se još neko javlja ispred vijećnika?

Zaključujem raspravu vijećnika, te stavljam na izjašnjavanje Izvještaj o radu i poslovanju Javnog komunalnog preduzeća „Komunalac“ d.o.o. Tuzla za 2023. godinu.

Glasanje je okončano.

Konstatujem da je Izvještaj o radu i poslovanju Javnog komunalnog preduzeća „Komunalac“ d.o.o. Tuzla za 2023. godinu usvojen sa,

27 glasova za, nije bilo protiv i nije bilo suzdržanih.

Sada stavljam na izjašnjavanje Izvještaj o radu i poslovanju Javnog komunalnog preduzeća „Komunalac“ d.o.o. Tuzla za 2024. godinu, te vas molim da se izjasnite.

Glasanje je okončano.

Konstatujem da je Izvještaj o radu i poslovanju Javnog komunalnog preduzeća „Komunalac“ d.o.o. Tuzla za 2024. godinu usvojen sa,

27 glasova za, nije bilo protiv i nije bilo suzdržanih.

Zamolit ću sekretara samo da pročita zaključke koji su proizašli iz diskusije i da li ste za to da glasamo u paketu pošto nema puno? (Da). U redu.

SLADANA KRAJINA – sekretar Gradskog vijeća Tuzla

-Gradsko vijeće Tuzla poziva menadžment Javnog komunalnog preduzeća Komunalac d.o.o. Tuzla i Centar za ekologiju i energiju, ali i mjesne zajednice na području grada Tuzle, da

snažno intenziviraju edukativne aktivnosti po pitanju primarne selekcije otpada posebno u kvartovima i objektima gdje primarna selekcija otpada još nije prihvaćena.

-Gradsko vijeće Tuzla traži od direktora Javnog komunalnog preduzeća Komunalac d.o.o. Tuzla da najkasnije do avgustovske sjednice Gradskog vijeća dostavi odgovore na pitanja postavljena tokom rasprave o Izvještaju o radu i poslovanju ovog preduzeća.

ANA PEJIĆ

Molimo vas da se izjasnite o pročitanim zaključcima.

Glasanje je okončano.

Konstatujem da su pročitani zaključci dobili potrebnu većinu sa, 26 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2024. GODINU

a) CENTRALNO GRIJANJE D.D. TUZLA

Predlagač: skupština preduzeća

Obrađivač: menadžment preduzeća

Materijal su razmatrali: Komisija za ekonomske odnose, Komisija za poduzetništvo, Komisija za komunalne poslove, izgradnju i poslove mjesnih zajednica i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Mirnes Ajanović. Izvolite.

MIRNES AJANOVIĆ

Hvala. Centar za socijalni rad. Jel tako? (ANA PEJIĆ – Nije. Centralno grijanje). Ništa. Ništa. Samo se prebacim.

Centralno grijanje. Ja sam ovdje bio stavio za diskusiju, pa i ovaj recimo komentare koje smo imali i već što smo usvajali. Evo ovdje su objave recimo sa ovog Gradskog vijeća, pa i video prezentacija kada je bio problem sa ovim grijanjem, kad smo imali i sjednice mi, kad smo inicirali iz opozicije, pa et pozicija prihvatila, pa i subvencion...Mensure. Ne znam. Nešto radi. Inicijativa za obezbjeđenje isporuke energije, subvencioniranje, hitne mjere zbog kvarova, ali dobro sve je to u okviru ovog izvještaja. Već smo dakle dali te prijedloge i inicijative. Raspravljali smo. Ne bih sad o tome. Ova prošla sezona grijanja bila je obilježena tim nizom izazova, pa i poskupljenjem i onda baš se desilo to kad je došlo poskupljenje ode nafaka. Onda bi ono i kvarova i svega i svačega i neizvjesnosti hoćel se izdržati bez kvarova. Svi smo bili pod nekom tenzijom šta ako se pokvari? Šta ako to nešto ne radi nekoliko dana? Minus je brutalan. Nema druge alternative, pa smo dobijali informacije da je to zbog Termoelektrane, pa onda navodno Termoelektrana nema uglja, pa to dok oni ponovo raspale tu vatru, dok se to opet zagrije. Te traume ne bi smjelo biti. Mi kao grad nemamo alternativno zagrijavanje. Jedino ako ćemo staviti ono skladište plina ispod Tuzle, pa uzmi kolko ti treba jel. Mensur je pogotov gor u Gornjoj Tuzli. Kod vas bi bilo blizu ono skroz. Ja, dok ne bude varnica i eksplodira sve. Imali smo mi ovdje, Denis je to nama dao dobre prezentacije kako to u cijelom svijetu gdje je

bio Rudnik soli, pa ubace plin eksplodira. Dakle, neće bit toga. Ali ovo moramo riješiti. Mora se, ovo ću podržati izvještaj. Dakle, neću raspravljati o tome, nego usput.

Imam određene zaključke. Dakle, ne mora pisati se. Poslat ću. Uvesti...Šta je problem? Da objasnimo. Sad je vrelo napolju. Pa sad pričat o tome malo kao apsurdno, ali kad dođe pred sezonu znalo je biti i mjesec dana pred sezonu zima. Brutalna zima. Hladno. Ustanove, škole, stanovi. I onda smo išli, bavili se da ne bi bilo poreza i svega, kaže, probno zagrijavanje. Pa i poslije tog kad prestane sezona znalo je bit po mjesec dana nakon sezone zima. Uđemo u maj, juni. Ledeno. Dakle, ne možemo sad bit sigurni kakva će bit temperatura. Vidimo ova sezona čim je prestala i sutradan oni su već raskopali. Gotovo. Nema više da probno grijanje. Gotovo. Raskopan sistem. Vjerovatno je trebalo. Ne kažem da nije. Al šta ako treba grijat? Treba uzet u obzir i tu okolnost prilagodit sve tome da grijanja bude. I ovi zaključci su sad, da ja njih ne čitam. Pročitat će svakako Slađa, radi zaštite penzionera, djece, učenika, nas, svih, mora postojat obaveza, bilo je to i prije i ovo je Vijeće to već usvajalo. Opet su to bili moji prijedlozi, al hajde, a i sad. Mora biti prije sezone. Čim dođe do hladnoće obezbjeđenje toplotne probe bez plaćanja. Tako je bilo i tako mora biti. Po završetku, nek opet smisle nekakvu probu u smislu da vide jel sistem dobro radio i tako dalje. Dakle, mora biti pokriveno. Ne smijemo i raspravljati o tome, zavisnost dakle od okolnosti temperature i svega ostalog. Inicirati, moramo zajednički sastanak. Ja ne znam jel bio. Evo, nemamo informaciju a pravili smo zaključke o tome Centralnog grijanja Grada Tuzle, Termoelektrane, zašto dolazi do prekida? Ni danas nemamo informaciju. Izvještaj jeste o prošloj godini, al i prošla godina je imala problem sa zagrijavanjem. Mi dakle i ovdje nemamo informaciju zašto je dolazilo do prekida na način da znamo, jel to Termoelektrana, je li sistem podkapacitet? Evo sad očito da rade nešto u smislu da će biti veći kapacitet. Dal će sad ovih višak zgrada što će bit pogotovo recimo na Stupinama rezultirati manjim zagrijavanjem? Logika stvari i energija je u jednom kapacitetu. Ne možete od nje napraviti deset puta više. Toliko je koliko ima. Ako napravite deset zgrada više, deset zgrada dijele tu jednu količinu energije i odmah je to znači za svih deset manje. Ako je jedna prije primala tu recimo vrstu, količinu energije. To su zaključci ostali. Dakle, kakvi su operativni dogovori i definisani rokovi i kako možemo biti sigurni da ne poture da rješavaju problem alternativnim gorivom, pa da ono spaljivanje otpada modernizovanog, nekakvog usitnjenog, gdje može biti svega i svačega, pa su htjeli ovi sto tona u dva dana da spale, pa smo zaustavili. Dal može u okviru ove tačke i to da se nešto napravi? Ali mo smo to uspjeli zaustaviti. Kolegij je reagovao. Možda opreza radi u okviru ove tačke dnevnog reda da aktualiziramo zaključke Kolegija u vezi namjere spaljivanja stotinu tona otpada koje je trebalo da se desi u dva dana kao eksperimentalna proba. Nije bilo dovoljno reć eksperiment. Nego proba. I dobio sam informaciju. Bio sam prije nekoliko dana, pola sata smo raspravljali o tome, pa i novinari, pa i BHT i FTV i svega, da to nije otkazano. Ministrica Nasiha Podzer, Pozder, il kako se već zove, nije ni bitno, preziva, iz one „njihove“ stranke, Naša stranka, ministrica okoliša federacije. Ona je dala saglasnost da se u Tuzli spali eksperimentalno sto tona otpada u Termoelektrani. I insistira i dalje da se to spali. Direktor je zaustavio spaljivanje onaj dan kad smo mi reagovali kao Kolegij, ali kasnije je išla informacija, nismo se mi nikog prepali, mi smo iz tehničkih razloga to zaustavili. Dakle, hoće. Hoćel večeras to pustiti? Možda nas više neće ni obavijestiti. Treba dakle biti zaključak aktualiziran Kolegija sa ove tačke u okviru ove, jer svakako se govori o Centralnom grijanju, Termoelektrani. To je sistem dakle ovog Centralnog grijanja, da nam se ne desi da nam poture sto tona u dva dana. Ako je nešto u Evropi kako oni kažu već primjenjivo. Što je to onda kod nas eksperiment? Očito da imamo problem. Drugo. I ako bi to bilo funkcionalno u Evropi, uz sve njihove propise, građani mogu biti zaštićeni. To sigurno nije u gradu, kao što je kod nas Termoelektrana, gotovo u pola grada. Naši propisi su takvi kada bi to i prošlo kako oni mjere, pa rekli, dobro je to, nije to puno opasno, da bi kasnije nam mogli poturiti šta hoće. Mi bi postali evropska spalionica otpada ako to pustimo. I još jednom. Ako su to oni nazvali da će oni napraviti eksperiment i probu šta će bit

kad spale stotinu tona? Šta ako eksperiment pokaže rezultate? Imali ste, vidjeli ste tamo mi smo napisali da je to karcenogeno, raznih produkta svega i svačega. Ako treba ponovo te zaključke, nešto sam ja to pravio, dal ima Slađa to sve gdje je pisano, evidentirano i sve u vezi (Slađana Krajina - govori bez uključenog mikrofona op.a.)...Ima toga. Ima. Dakle, jel treba da pošaljemo? Ako ima, znam da sam napravio specifikaciju svega koliko je to štetno. Eto to bih ja da mi u okviru ove tačke iskoristimo mogućnost, onda ovu mogućnost subvencioniranja računa za električnu energiju, tamo gdje su penzioneri izrazito, dakle, u teškom stanju s malim primanjima. Redovno, javno, transparentno izvještavanje građana o svemu, o prituzbama, uzročno – posljedičnim analizama. Evo to je otprilike ono što ću ja poslat sad kao zaključci što će se nešto pročitati, ali ovo mi je vrlo bitno oko ovih 100 tona otpada, jer ako ovo prođe, onda će izgleda biti svaki dan 50 tona otpada. Najbitnije, još jednom samo da kažemo kakvog, oni to zovu nešto ko RDF otpad, il tako. To će kolega Denis sigurno bolje (DENIS BEĆIROVIĆ – Spremio sam ja)... I on je spremio za to. To se melje. To je malo, sitno. Mi više ne znamo šta je unutra. Svašta može bit unutra. Šta god hoće iz Evrope da se rješavaju, oni mogu sad to paliti, ispaliti u Tuzli. Ovo govorim, vezano je kaže, a u vezi tačke, jeste, jer mogu to reć, fali nam ugalj, pa da bi mi mogli grijat grad, mi vama moramo poturit otpad i da nas poguše još dodatno. E pa neće nas više gušiti. Dosta ovo što smo već dosad preživjeli i živimo, pa i živjećemo. E nećemo još više. Hvala. Toliko.

ANA PEJIĆ

Zahvaljujem se. Sljedeći za riječ javio se vijećnik Senad Mehmedinović. Izvolite.

SENAD MEHMEDINOVIĆ

E hvala vam. Ma ne znam, neko gore gdje se donose odluke u Sarajevu želi da Tuzla bude eksperimentalna. Zaustavio se ovaj otpad. Zaustavilo se skladištenje plina i ko god krene na Tuzlu, mi ćemo se suprostavit. Ima Gradsko vijeće. Imaju građani. Mi nećemo dozvoliti da se bilo ko sa Tuzlom igra. Ako ne znaju, nek pitaju. Može se uvijek naučit.

Kada je riječ o ovom izvještaju Centralnog grijanja, može se vidjeti da je ovo direktorica dobro spremila. Tehnički je izuzetno korektan. Stručno je napisan. I sad u smislu ovog izvještaja on obuhvata ključne segmente poslovanja, počev tamo od finansija, investicija, ljudskih resursa, infrastrukture i tako dalje. I prati zakonsku strukturu izvještavanja, što u stvari prate svi izvještaji koji mi ovdje stavljamo na glasanje i usvajamo ili ne.

Dakle, tehnički korektno, ali sad kad sam čitao, komunikacijski je preopširno i meni je zbunjujuće veliki broj ovde podataka koji sam se morao na jednu stranicu, pa gledat. Naravno nisam iz ove domene, ali onoliko koliko sam mogao to da razumijem. U izvještaju ima previše podataka i ono što je meni interesantno, ovde se spominju određeni iznosi, al možda nisam vidio. Ne postoji posebno poglavlje o javnim nabavkama. Ja ga bar nisam vidio. Ne sadrži strukturu javnih nabavki, po vrstama postupaka onakvi kakvi mogu bit, pa evo „Naše dijete“ je napisalo da su sprovedeni postupci javnih nabavki i direktnim sporazumima je bilo 160.000 Konvertibilnih maraka, al da se ne vraćam sad na „Naše dijete“ i ono šta su, šta su radili.

U izvještaju postoji indirektno pominjanje investicija, zamjena podstanica, rekonstrukcija cjevovoda, pa imamo ovaj Scada sistem, ali se ne navodi da su ovi projekti provedeni kroz postupke javnih nabavki, u kojim rokovima, iz kojih sredstava i ko su izvođači i po kojim cijenama.

Kada se dalje uđe u izvještaj o poslovanju Centralnog grijanja, pazite, analiza troškova reprezentacije 26.000 Konvertibilnih maraka, dakle, mjesečno nekako oko 2.000 Konvertibilnih maraka. Trošak je kao dio poslovnih rashoda, ali nema obrazloženja šta tačno obuhvata. Broj događaja, svrhu, partneri, učestalost. Mislim da je iznos od 26.000

Konvertibilnih maraka iznad uobičajenih troškova reprezentacije za javna preduzeća ove veličine. I bez dodatnog obrazloženja sad ja kada sam čitao ovo, ja mogu imati samo negativnu percepciju o tome gdje su ova sredstva utrošena.

Preporuka. Da se ubuduće, ne samo za Centralno grijanje i za sve izvještaje kada je riječ o troškova reprezentacije, mada ja sad prvi put vidim u jednom preduzeću da postoji troškovi reprezentacije da se dostavi specifikacija reprezentacije. Na primjer, troškovi po vrstama ugostiteljstva, pokloni, protokol, prijem, uz navođenje svrhe i rezultata. Dakle, ovdje je samo utrošeno 26.000 maraka, za koje mi trebamo glasat. Pojma mi nemamo gdje je to utrošeno.

Dakle, izuzetno interesantna stavka, a nisu izbori bili. Troškovi reklame i sponzorstva 56.000 Konvertibilnih maraka. Dakle, iskazan je zbirno bez razdvajanja koliko otpada na reklamu a koliko na sponzorstva. Koje su tačno medijske kampanje provedene? Koji su subjekti, nevladine organizacije, pojedinci sponzorisani? I da li je postojao plan promocije i evaluacije učinka? Iznos koji je potrošen nije praćen detaljno specifikacijom niti obrazloženjem i za javno preduzeće ovakvi izvori moraju biti opravdani, naročito kad govorimo o desetine hiljada Konvertibilnih maraka bez obzira jel to nekom bilo puno ili malo, ali to treba da piše u izvještaju. Mi to trebamo da znamo zato što glasamo za to.

Centralno grijanje kad govorimo na djelatnost i za sponzorstva i ovo, znači, nije preduzeće koje posluje u konkurentnom okruženju. Znači ima stabilnu korisničku bazu i možemo slobodno reć ima monopolsku uslugu. Znači, postavljam pitanje zašto su potrebni visoki troškovi reklame i koji je cilj? Promocija, imidž, ili evo da kažem pod navodnim znacima, latentna politička vidljivost. Sponzorstva. Kome i zašto? Ok. Podržavam da treba sponzorirati, al mora se u izvještaju pisat kome je to dodjeljeno.

Zato zaključak tražim da mi se pismenim putem dostavi informacija koji su mediji ili manifestacije finansirani iz ovih sredstava i koja je svrha i efekat tih ulaganja? Pa da mi se dostavi to pismeno.

Takođe Slađana imam prijedlog zaključka da Centralno grijanje donese Pravilnik trošenja na promociju i sponzorstva, sa jasnim kriterijem za dodjelu sredstava. Na primjer, prioritetne oblasti. Jel to obrazovanje, ekologija, socijalna podrška i tako dalje? I da postoji javna objava iznosa i korisnika. Ne treba ništa krit. Treba sve da bude transparentno i da mi vidimo ko ta sredstva dobi.

Ostale usluge. Ja se bavim pisanjem projektnih prijedloga, pa stavim ono pod ostalo i bismilah. Evo ovdje je to 16.000 Konvertibilnih maraka. Mali su to iznosi možda nekom, a kad pitate običnog građanina 16.000 Konvertibilnih maraka, to je ogromno u nečijim očima, bez obzira što govorimo o ovolikim sredstvima kojima rapolaže Centralno grijanje. Dakle, ostale usluge. Šta su ostale usluge? Iznos je iskazan samo zbirno opet bez dodatnog pojašnjenja u izvještaju o kojim se konkretnim uslugama radi. Ko su pružaoci tih usluga? I koji je njihov doprinos poslovanju? Mislim da kroz ove ostale usluge je naj ne transparentnija budžetska kategorija, jer nije definisano tačno šta obuhvata. Šesnest hilj...bar u izvještaju ja nisam vidio. 16.000 je potrošeno. Mi ne vidimo gdje je to.

Preporuke. Zahtjevati ubuduće da bude detaljna specifikacija i izbjegavati zbirne formulacije poput ostale usluge, pa bez pojašnjenja.

Prijedlog zaključka. Gradsko vijeće preporučuje da se u narednim izvještajima o poslovanju javnih preduzeća i ustanova, evo sad je to Centralno grijanje, da se ne misli da je nešto lično, dakle da se izvještajima o poslovanju izbjegava upotreba zbirnih i nepreciznih formulacija, te da se svi rashodi koji nisu direktno vezani za osnovnu djelatnost obrazlažu posebno, u cilju osiguranja veće transparentnosti i odgovornosti u trošenju javnih sredstava.

Klub vijećnika NL „Sloboda“ nije podržao povećanje cijene grijanja. Nismo podržali kada je bilo imenovanje direktora, zato što konkurs nije mogla ni da pronađe vještača

inteligencija i na osnovu ovog izvještaja koji je tehnički korektan, a zbog ovih stvari koji sam sada rekao i zbog onog što nismo prije podržali, mi nećemo podržati ovaj izvještaj. Hvala.

ANA PEJIĆ

Zahvaljujem se. Sljedeći za riječ javio se vijećnik Denis Bećirović. Izvolite Denise.

DENIS BEĆIROVIĆ

Hvala predsjedavajuća. Dakle, Klub Demokratske fronte se usprotivio povećanjem cijene grijanja na način na koji se uradio i na čitav taj meritum ali evo ono što je mene lično i posebno iz mjesta odakle dolazim, a radi se o Planama od Šićke petlje dakle, ja sam skoro postavio pitanje ovaj, prema centralnom grijanju i dobio odgovor da od 2002. godine više ništa nije rađeno po pitanju grijanja u Planama dakle, Panel glavni projekat i dakle, samim tim i nemogućnost, nemogućnost izrade vrelovodne mreže u naselju iz koga dolazim.

Dakle, ne bih tu ništa sporno bilo da u tom odgovoru ni-sam dobio jel navode da je to zbog smanjenog kapaciteta. Međutim, taj smanjeni kapacitet ni-je bio od 2002. godine. Mislim, direktorica je tu i drago mi je da je tu i ako misli da ima neke druge podatke ja bih volio da izađe i da mi kaže da nisam u pravu.

Dakle, kapacitet svih zgrada koje su 2002. godine nikle na području grada Tuzla je mnogostruko veći nego što je trebao kapacitet da se uspostavi daljinski sistem grijanja na području naselja Pla-ne. Ali ono što je simptomatično dakle, nemam stvarno ništa protiv sistema grijanja u zgradama, ali simptomatično je da je šljakište i odlagalište smješteno u Planama. Da je dole na Divkovićima dakle, ali evo dole istinu za volju je prošlo grijanje i pohvale za to. Grijanje je prošlo i do Šićkog Broda i tu se stalo već godinama.

Prvi zaključak će se dakle, odnositi na izradu glavnog projekta vrelovodne mreže u naselju Plane. To se nije radilo nikako dakle, za najkasnije u prijedlogu plana rada za narednu godinu dakle, da se nađe glavni projekat za izradu vrelovodne mreže u naselju Plane.

Zatim, ono što nam treba, 26 hiljada ljudi mislim da se grije sistemom daljinskog upravljanja dakle, da je spojeno tako reći na centralno grijanje. Mi nemamo odgovora kao Vijeće šta ako termo blokovi u Termoelektrani stanu? Ti su termo blokovi izrađeni 76-te zadnji je pušten 78-me godine dakle, oni su imali radni vijek tridesetak, 35 do 50 godina i to je davno prošlo dakle, to je sad sve na, na mišiće nema čak više ni opreme da se nabavi.

Dakle, da nam u narednom periodu menadžment izradi Elaborat za grijanje grada u slučaju zastoja termo blokova. Dakle, ovo što je se koristilo na medijsko oglašavanje mislim da se urednom preraspodjelom sredstava može doći do jednog ovakvog Elaborata, ali ne da ga rade centralno grijanje kao centralno grijanje nego da nađu nekog eksperta, ekspertne, eksterne timove koji mogu odgovoriti. Mi imamo tu naše fakultete, imamo, imamo projektne kuće koje se bave tim.

Zatim, izradu Elaborata u upotrebi alternativnih goriva. To je treći zaključak i ovo što se odnosi taj dio.

Upotreba alternativnih goriva neće substituirat upotrebu uglja. I tu ako menadžment centralnog grijanja može da iznese nešto drugo bujrum evo prilike. Ali ja stojim pri ovom mišljenju. Dakle, upotreba uglja trenutno je primarni izvor zagrijavanja stanovništva grada Tuzla i mislim da je najveća greška je miniranje termo bloka 7 koji je trebao da bude 50% efikasniji, 50 procenata efikasniji od ovih termo blokova dok su oni bili na početku.

Obzirom da je i kolega Mirnes spomenuo upotrebu ovog RDF-a. Ako dopuštate predsjedavajuća da isčitam ovo sad ili da se javim kada budu, bude otvorena diskusija za vijećnike pošto sam uradio jedno istraživanje? (ANA PEJIĆ – Nema veze pročitajte onda sad pa da ne morate se ponovo...) Ali uradio sam jedan zadatak koji ću isto tako ovaj, sa konkretnim

ciframa poslati i vama, pa poslati kolegama u centralnom grijanju, pa evo i kolegama u elektroprivredi ako misle da mogu oboriti ovo ja stojim na raspolaganju za s-ve. (ANA PEJIĆ – Izvolite pročitajte onda.)

Hvala vam. Dakle, na osnovu informacija da je planirano spaljivanje stotinu tona RDF-a u roku od 48 sati u Termoelektrani Tuzla te zbog uključivanja ekoloških aktivista i zabrinutosti građana neophodno je zauzeti strateški stručan i za-konski temeljen stav. Cilj je omogućiti odgovoran pristup ovoj temi bez ugrožavanja zdravlja stanovništva i okoliša ali i bez zatvaranja mogućnosti za buduće alternativne energetske izvore ako za to budu ispunjeni svi zakonom propisani i tehnički uslovi. RDF je u mnogim zemljama poznat kao sekundarni energent posebno u cementarama i termo-energetskim postrojenjima ali uz stroga ograničenja i nadzor.

Dakle, ovdje ću se malo referirati. Cementara Lukavac godinama koristi ovaj elegant. Količina RDF-a u ukupnoj mješavini goriva rijetko prelazi 5 do 10 procenata uz tačno definisane hemijske sastave i prethodnu termičku obradu. Obavezna oprema uključuje elektro filtere tzv. ESP za uklanjanje čestica prašine, sisteme za odsumporavanje dimnih gasova, Src za NOX dakle, selektivna katalitička redukcija. Evo vidim da tu ima i kolegica Amela ona ovu oblast jako dobro poznaje. Kontinuirane sisteme za monitoring emisija sa javno dostupnim podacima u realnom vremenu. Tehnologije su razvijene i testirane decenijama i njihovo korištenje je rezultat jasne zakonodavne osnove i nadzora. Izgradnja Termoelektrane Tuzla počela je 59-te godine, a posljednji blok je pušten 78-me godine i to blok 3 sa stotinu megavata, blok 4, 210 megavata, blok 5, 200 megavata i blok 6 do 230 megavata otprilike ukupna snaga od 715 do 740 megavata. Godišnja proizvodnja se kreće od 2,9 do 3,1 teravat sat. Dnevna potrošnja. Pazite. Dne-vna potrošnja uglja u postojećoj termoelektrani je otprilike 9 hiljada tona. Godišnja emisija SO₂. Dakle, govorimo o sumpornom dioksidu 50 hiljada tona. Zagađenje uprkos elektro filterima emisija PM čestica SO₂ i NOX i drugih jedinjenja ostaju značajna, ostaju značajna a naročito u zimskom periodu. I tu ću objasniti zašto u ovom zadatku. Povećanje stope respiratornih i kardio vaskularnih bolesti skraćeni očekivani životni vijek u okolini postrojenja su znanstveni učinci svega toga. Ključni problemi i pitanje RDF-a dakle, planirano sagorjevanje RDF-a predstavlja eksperimentalnu fa-zu bez poznatih dugoročnih uticaja na zrak. Dakle, emisija mikroplastike i teških metala vo-du. Infiltracija toksičnih spojeva u podzemne vode i rijeku Jalu. Zatim, zemljište. Akumulacija organskih zagađivača dioksina i Furana. Zatim, zdravlje ljudi koje se ne može svoditi na statistiku. Dakle, možemo svest dok se mi ne nađemo u toj situaciji. Zatim, nepostojanje, ne postoje objavljeni rezultati niti javne studija o konkretnoj tehnologiji koja bi bila korištena u Termoelektrani Tuzla za RDF, te grad Tuzla ne može dozvoliti praksu u kojoj se uči na zdravlju stanovništva. Zatim, 5: Zakonski okvir na nivou Federacije BiH i BiH postoje zakoni koji uređuju ovo pitanje dakle, Zakon o zaštiti okoliša Federacije Bosne i Hercegovine član 5., 15., 69., dakle, direktno o zaštiti ljudi kao prioritetnim zakonima. Zatim, Zakon o upravljanju otpadnom vodom Federacije BiH član 45. Dozvola za tretman otpada mora biti izdata uz javnu raspravu i studiju uticaja. Zrak: Zakon o zraku Federacije BiH član 20. Ustav Bosne i Hercegovine, Federacije Bosne i Hercegovine član 3. Aneksa 9. pravo na zdrav okoliš. Ali opet kažem industrijski razvoj i zdrav okoliš treba nekako optimizirati jer su dijametralno suprotni jedni od drugih.

E sad preporučeni zaključci Gradsko vijeća Grada Tuzla pod jedan:

Zabranjuje se sagorjevanje RDF-a na teritoriji grada Tuzla (ANA PEJIĆ – Samo malo Denise da vas pitam. Hoćete dostaviti to mejlom?) Hoću. A volio bi...(ANA PEJIĆ – Hoćete samo...?) Dostaviti ću i mejl. (ANA PEJIĆ – Okej. Okej. Zbog tog, zbog tog i pitam. Jeste.) Dostaviti ću i Sladi sad posle ovog. (ANA PEJIĆ – Može, može, može.)

Zabranjuju se sagorjevanje RDF-a na teritoriji grada Tuzla dok se ne ispune svi međunarodno priznati sigurnosti, zdravstveni i tehnički kriteriji a naročito dok ne budu poznati svi tehnički parametri RDF-a, ne budu dostavljena studija uticaja na okoliš i ne budu poznate sve vrste filtera i oprema za pročišćavanje.

Zatim drugi: Grad Tuzla zahtjeva od Elektroprivrede BiH i Termoelektrane Tuzla da hitno dostave sljedeće:

- Detaljan opis planirane tehnologije za sagorijevanje RDF-a.
- Tehnički list i sastav RDF-a.
- Specifikaciju filtera koji će se koristiti.
- Podatke o emisijama iz EU praksi koje se žele primjeniti.

- Zatim, Gradsko vijeće zauzima stav da spaljivanje RDF-a ne može biti eksperiment bez prethodno pribavljenih podataka o tehnologijama iz EU koje su razvijene, kontrolisane i dokazane da ne ostavljaju štetne posljedice po zdravlje ljudi i okoliša.

Pod četiri: Ako se bude razmatrala Pilot faza RDF-a ona mora uključivati ograničenje na najviše 5 do 10 postotaka RDF-a u mješavini s ugljem, zatim, upotrebu elektro filtera, sistema desumporizacije Src sistema za NOX i sistema CEMS sa dostupnim rezultatima mjerenja, te mjesečne izvještaje javnosti o efektima spaljivanja, te nezavisnoj monitoring od strane treće strane. Ovo sam nešto pogriješio. Izvinjavam se. Dakle, od treće strane. Npr. Zavod za javno zdravstvo Tuzlanskog kantona plus neka akademska institucija.

Pet: Gradsko vijeće poziva predstavnike Termoelektrane Tuzla, Elektroprivrede BiH, Federalnog ministarstva okoliša i Zavoda za javno zdravstvo da prisustvuju narednoj sjednici i prezentuju planove i odgovore na zabrinutost građana i vijećnika.

Šest: Grad Tuzla se obavezuje da će uključiti javnost, ekološke aktiviste i stručnu zajednicu za sve naredne korake i rasprave o ovoj temi.

Sedam: Grad Tuzla predlaže formiranje stručnog savjetodavnog tijela koje će činiti stručnjaci sa Mašinskog fakulteta Univerziteta u Tuzli posebno s odsjeka energetika i termofluidni inženjering. Stručnjaci sa Tehnološkog fakulteta Univerziteta u Tuzli posebno iz odsjeka Inženjerstvo zaštite okoline. Predstavnici Gradske uprave, te odgovorne osobe iz Termoelektrane Tuzla i Elektroprivrede Bosne i Hercegovine sa zadacima da se:

Zajednički razmotre sve tehničke ekološke i sigurnosne aspekte potencijalno korištenje RDF-a.

Predlože mjere ublažavanja rizika ako bi se sagorijevanja ikada odobrilo.

Redovno informisati Gradsko vijeće i javnost o nalazima i preporukama, te kritički i stručno provjeravati tvrdnje i navode koje dostavlja termoelektrana i Elektroprivreda Bosne i Hercegovine čime se osigurava neovisnost i transparentnost procesa, te.

Osam: Formiranjem stručnog tijela Grad Tuzla jasno stavlja interes javnog zdravlja i naučno-stručnog mišljenja ispred, ispred političkih i ekonomskih pritisaka. Time se uspostavlja model odgovorne uprave koja svoje odluke temelji na dokazima a ne na pretpostavkama.

I zaključak svega ovoga što sam nabrojio dakle:

Ovaj dokument ne odbacuje mogućnost korištenja alternativnih goriva u budućnosti. Međutim, u postojećim okolnostima i bez pouzdanih tehničkih zakonskih i zdravstvenih garancija odluka Gradskog vijeća mora biti vođena načelno predostrožnosti. Nećemo dozvoliti eksperimente na zdravlju građana.

Da stvar dovedem do kraja.

Dakle, uradio sam i jedan proračun, odnosno emisija i taloženja iz Termoelektrane Tuzla gdje sam za parametre usvojio:

Dnevna potrošnja uglja 9 hiljada tona po danu.

Satna potrošnja 375 tona po sa-tu.

Emisijske faktore sa pretpostavkama.

Dakle, čestice PM10, 15 kilograma po toni uglja.

Sumpor dioksid 4 i po posto sadržaja sumpora u u-glju.

NOX 5 kilograma po sa-tu.

Visina dimnjaka 135 metara.

Brzina izbacivanja plinova 15 metara po sekundi.

Temperatura dimnjaka 423 Kelvina.

Temperatura okoline dakle, za sve vremenske uslove 35 stepeni celzijusevih, nula stepeni selzijusevih i minus 15 stepeni celzijusevih.

Atmosferski pritisak jedna atmosferu, te uzeo sam u proračun i uticaj horizontalnog vjetra kao 5 metara u sekundi na datoj visini.

Dakle, u proračunu sam radio izračun emisije zagađivača. (ANA PEJIĆ – Molim vas samo da privodite kraju obzirom da ste ispucali 5 minuta diskusije vijećničke.) Minutu. Minutu. Završavam.

Dakle, masu sumpor dioksida dnevno. Dakle, sve u propočunu emisiju NOX.

Disperziju i koncentraciju dakle, rasipanje ovih podataka sam preuzeo sa Gausovom normalnom raspodjelom i koncentracijom jednog kilometra niz, niz vjetar i u principu dobio sam količine taložne mase dakle, i u principu koliko se ta masa za PM česticu taloži otprilike nekih 2 i po kilometra niz vjetar taj je, to je taloženje naj, naj izraženije.

Dakle, dostavit ću vama ali evo isto tako ovaj materijal možemo dostaviti i Centralnom grijanju Tuzla i ja bih iskreno volio da uz ove zaključke oni postave svoj osvrt da vidim dakle, da li oni imaju neke oprečne stavove ili neku drugu metodologiju koju bi oni koristili u cilju toga da opovrgnu sve ovo što sam ja danas iznjeo i rekao kao fakte.

Ja iza ovoga stojim stoji je li i moje obrazovanje, stoji evo poznavanje, ali svakako stojim iza toga da naučim nešto novo. Hvala.

ANA PEJIĆ

Zahvaljujem se. Poslovnička vijećnik Dejan Kovačević. Izvolite.

DEJAN KOVAČEVIĆ

Hvala predsjedavajuća. Evo pozivam se na Poslovnik o radu Gradskog vijeća Tuzla član 68. Ja, ja, ja razumijem zabrinutost ovaj, i evo kolega vijećnica i vijećnika i građana i građanki grada Tuzla al evo referiram se na početak sjednice na kolegu zamjenika predsjedavajuće gospodina Mensura Alića da skratimo malo.

Točka dnevnog reda je: Usvajanje izvještaja o poslovanju Javnog poduzeća Centralno grijanje, nije o termoelektrani i spaljivanje RDF-a. Ja razumijem zabrinutost svih nas zato. Ali evo možemo zakazat vanrednu sjednicu ili neku točku dnevnog reda po pitanju ovog.

Volio bih da se vratimo na točku dnevnog reda i da raspravljamo o Izvještaju centralnog grijanja. Hvala.

ANA PEJIĆ

Replika vijećnik Mirnes Ajanović, pa vijećnik Denis Bećirović. Izvolite. (MIRNES AJANOVIĆ – Možeš hajde.)

DENIS BEĆIROVIĆ

Može? Hvala. Replika kolegi Dejanu. Zašto sam se ovaj, osvrno na termoelektranu? Pa upravo termoelektrana je preduzeće koje je centralnom grijanju vrši isporuku toplotne energije. Dakle, centralno grijanje nema apsolutno nikakve svrhe bez termoelektrane. Dakle, to je sistem spojenih posuda i kao takav jedan je vezan za drugi, odnosno jedan bez drugog ne mogu.

ANA PEJIĆ

Replika vijećnik Mirnes Ajanović, pa vijećnik Mirza Malkočević, pa vijećnik Dejan Kovačević. Izvolite.

MIRNES AJANOVIĆ

Ja. Tačno je to. Ko kad bi rekli imam auto a nije bitno što nema motor. Ne može bez motora. Centralno ne može bez termoelektrane. (ANA PEJIĆ – Možete samo malo Mirnese? Možete samo Janjo pozvati vijećnike? Pozivam vijećnike da uđu u salu koji su tamo u drugoj sali pošto nemamo kvoruma u sali.) Na granici hajde. (ANA PEJIĆ – Nek uđu u salu, tamo su svakako.) Ja. Hajd samo malo još u vezi replike mom drugu Denisu. (Dejanu.) Dejanu sam završio. Ja. Denisu. Nisam očekivao. I evo do sad smo bili bukvalno na istom. Ovo je vrlo stručno, jasno prezentirano da to prođe. Spaljivanje. Da nas ubjede, da nam pokažu, da izmjere i da mi kažemo dee. Nek se ne ljuti moj drug Denis. Ja razumijem njega. Njegova znanja cijenim i podržavam, al ovo je Bosna i Hercegovina. Ovdje nema propisa Evropske unije, ovdje nema kontrole, ovdje nema ničega, a ima svačega šta god ko hoće. Mi možemo dobit kontigent nekog tog alternativnog u jednom dijelu dobar 99%. Pitam sve građane jer vjeruju i dalje da će biti dobar? Već će poturit sve i svašta. Ne-ma u Bosni toga nit hoće biti. Ja sam protiv ovih zaključaka svih pa i iz ovog razloga da ovo nije navodno tačka. Jest. Oduzet će previše vremena. Mi imamo zaključke Kolegija i ja sam predložio samo da mi ponovo reaktuliziramo zaključke Kolegija, a možemo mi narednu sjednicu ostaviti za ovu tačku. Vanrednu ako treba.

I još jedna stvar. Evolucija nas je naučila da se mi prilagođavamo svemu. Mi smo već kroz evoluciju se prilagodili spaljivanju uglja. Jer sad treba da se prilagođavamo spaljivanju svega i svačega u alternativnim gorivima i kako će to rezultirati ako je to eksperimentalno?

Samo još jedno. Šta smo mi uradili? Samo da vidite. Evo mi smo kao Kolegij usvojili, a ovo su informacije o RDF-u iako ne volim Svjetsku zdravstvenu organizaciju ovo je nji-hov stav Evropske agencije za okoliš Međunarodnih zdravstvenih institucija. Šta RDF ima? Dioksine i furane najtoksičnije poznate supstance stvorene spaljivanjem plastike i hlora. Uzrokuju rak, oštećenje jetre, hormonalne poremećaje, sterilitet, urođene defekte. I u malim količinama izazivaju hronične bolesti, akumuliraju se u masnom tkivu ljudi. Oni znači mršaviji možda se izvuku. Ima dalje: Teške metale olovo, kadmij, živu, arsen, neurološka oštećenja bubrega, mozga, pluća opasno posebno za djecu i trudnice. Mikro i ultra fine čestice povezane sa asmom, bronhitisom, srčanim udarima, moždanim udarima, prolaze kroz pluća direktno u krvotok, policiklički i aromatski ugljikovodonici. Dokazano kancerogeni. Opasni kad se udišu. Utiču na plodnost, DNK, imuni sistem, hlorovodni organski spojevi kiseline iritiraju disajne puteve, hronična plućna oboljenja svi su tu na udaru pogotovo Šićki, Bukinje. Denise ne sumnjam u tvoje znanje. Ne sumnjam da ovo negdje u nekoj uređenoj državi gdje je sve strogo kontrolisano može biti i okej u Bosni ne može. Jeste. Moramo reći vrlo opasno, jer Denis je vrlo stručan. U Bosni ovo ne može i ne smije proći. Kategorično ne bilo kakvom alternativnom, ubit će nas. Ubijaju nas pa ipak živimo. Hoće da nas prije dokrajče. Hvala.

ANA PEJIĆ

Poslovnička vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa evo ulazimo u nešto što, što nije bilo potrebno uopšte da, da ulazimo i vidlo se po tome koliko je vijećnika bilo prisutno na ovoj prezentaciji. Da su vijećnici ne-zainteresovani za ovo to se pokazalo jer smo bili na ivici ovaj, kvoruma. Zato mislim da je ovo do-bro što je Denis plasira ali ovo je za studente. Ovo je za fakulteta. Pola nas. Nije pola 90% nema pojma sad o čemu je, o čemu je pričano.

Trebamo se držati tačke dnevnog reda Izvještaj centralnog grijanja i na osnovu toga samo pomenuti ovo o čemu je Mirnes govorio i što smo se ju-tros dogovorili na Kolegiju da ide zaključak ponovo ovaj, onaj koji je predložen na prošlom Vijeću.

Ja vas molim kao vijećnike da odustanete od replika. Ima ovde replika puno. Ostat ćemo dugo vremena. Diskusije koji su se prijavili da skrate da budu kraće i da završimo ovu tačku dnevnog reda da ne pravimo sad pauzu jer morali bi praviti pauzu da bi se dogovorimo kako ćemo dalje i evo hvala vam lijepo.

ANA PEJIĆ

Zahvaljujem se. Replika vijećnik Mirza Malkočević, pa vijećnik Denis Bećirović. Izvolite.

MIRZA MALKOČEVIĆ

Evo predsjedniče mi ćemo brzo. Ovaj, ja moram da se zahvalim Denisu na ovako što je uradio cijelu evo možemo nazvati studiju i samo da se zahvalim i kolegi Mirnesu jel vidimo da ovo što su pratili ovo oversize da krenu na vrijeme da treniraju jer će bolje proći. Eto toliko. Hvala.

ANA PEJIĆ

Vijećnik Denis Bećirović, pa replika vijećnik Dejan Kovačević. Izvolite.

DENIS BEĆIROVIĆ

Hvala predsjedavajuća. Ne-ću ja dugo. Dakle, suma sumare jest Mirnese ja zaista sam pratio ono što se dešava van na-s i svakako sam protiv spaljivanja bilo čega što nije kontrolisano. Dakle, čisto ovo moram reći radi građana da ne bude da ne znam stvaram pred-uslove nekome za nešto. Ovo je ono kako bi trebalo biti. I u tom dokumentu i zaista stoji da ne-ma, da ne podržava Gradsko vijeće spaljivanje bilo čega dok se situacija ne dovede ko tamo gdje je to normalno. Tako da mene što se tiče evo mogu i povući ove zaključke onaj, nije, nije mi problem ali ostajem pri zaključcima dakle, za izradu glavnog projekta za izgradnju vrelovodne mreže u naselju Pla-ne. Izrada Elaborata o, za grijanje u gradu u slučaju da zastanu termo blokovi ali evo ovo čisto i kolegama na, na razmišljanje. Dakle, nisam za spaljivanje trenutno RDF-a na način na koji jeste tako da evo ako ikad a te-žimo ka tome da prepišemo te dobre prakse onda da vidimo šta nam to do-nosi. Tako da nikad ne bih volio čuti jednu stranu priče. Volio bih zaista da evo ako ćemo i nekad pričati o tome da to budu izvjestioci sa, sa druge strane a ne samo sa jedne. I ja ću odustati dalje onaj replika. Neću, neću se više javljati. Dakle, kategorično ne, ali evo puta kojim se može ići prema tome.

ANA PEJIĆ

Zahvaljujem se. Replika vijećnik Dejan Kovačević, pa vijećnik Mirnes...Ispravka krivog navoda vijećnik Mirnes Ajanović. Izvolite.

MIRNES AJANOVIĆ

Da, da se ne bi razumilo baš je ispravka krivog navoda. Denis je rekao da sve što su bili zaključci. Svi su oni okej dok se ovo ne uradi, dok se ne obezbjedi, dok ne bude Bosna sigurna dok ovo dok ono. Nekad za godinu za sto. Ali ako mi to danas usvojimo kažemo dok se ne obezbjedi oni će dobit u-laz. Evo Vijeće je reklo da bi to i moglo i zato sam reagovo u tom smislu uvažavajući dakle, stručnost. Si-guran sam da bi to bilo upotrebljeno. Rekli su evo dok se i onda bi oni rekli mi smo to obezbjedili. Čime ti dokazuješ da nismo. A kaže: Šta hoćete složili ste se bili dok se ne obezbjedi. U tom smislu bi zamolio da mi ne idemo u ove zaključke. Jesu dobri. Ostavimo to za jednu temu kad budemo sjeli, raspravljali, dogovarali ali da sad imamo kategorično ne Grad neće dozvoliti spaljivanje nikakvog alternativnog otpada i gotovo. Bez mogućnosti možda nekad. (ANA PEJIĆ – Bit će pauza.) Hvala. (vijećnik Denis Bećirović govori bez uključenog mikrofona op.a.) (ANA PEJIĆ – Za neki idući put. U redu.) (vijećnik Denis Bećirović govori bez uključenog mikrofona op.a.)

ANA PEJIĆ

U redu. Replika vijećnik Dejan Kovačević. Izvolite.

DEJAN KOVAČEVIĆ

Hvala predsjedavajuća. Treba dopredsjedavajući uvaženi gospodine Mirnes...ovaj, Mensur Aliću. Mensur, Mirnes, a gospodine Alić. (MENSUR ALIĆ – Ima još jedan Mensur.) H-va-la. Jer i ja budem Damjan, Denis, Danijel, Deni. Hvala. (ANA PEJIĆ – Damjan.) Ništa. Evo odustat ću ja od replike u smislu da sve pohvale kolegi Denisu na izloženom materijalu i zaključcima ovaj, a evo ostalo ću ostavit u sklopu diskusije vijećnika. Hvala.

ANA PEJIĆ

Zahvaljujem se. Diskusija vijećnik Nedžad Jusić. Izvolite. Vijećnika il Kluba? (MENSUR ALIĆ – Klub vijećnika.) Jesu. (MENSUR ALIĆ – Još su Klubovi.)

NEDŽAD JUSIĆ

Okej. Hvala predsjedavajuća neću ja dugo. Bez obzira ja ću glasati vezano za ovaj Izvještaj. Samo bi mož-da ovu priliku iskoristio. Vidio sam jutros da su valjda pri završetku radovi u Vikaljskoj vezano za grijanje, te ako slučajno ni-su završeni da se ubrzaju malo ti radovi jel stvarno već evo godinu dana se ti radovi rade, pruža se ovaj, grijanje i mislim da je krajnje vrijeme da se, da se završi, a ostalo sve pohvale, sve okej što se tiče toga. Hvala.

ANA PEJIĆ

Zahvaljujem se. Sljedeća za riječ javila se vijećnica Dragana Berberović Gagro. Izvolite. (MENSUR ALIĆ – I zaboravila da se javila.)

DRAGANA BERBEROVIĆ GAGRO

Ništa. Ja bih samo htjela da podržim izlaganje i prijedlog kolege Denisa Bećirevića. Otkako sam u ovome Vijeću primjetila sam da stvarno puno ovaj, ulaže u svoja izlaganja, da ih stručno obradi i kada bi formirala neki svoj tim za rad vjerovatno bi bio jedan od članova tog tima. Budimo...Mislim da nam je prednost što ga imamo i trebamo iskoristiti njegove ideje i podržati njegove zaključke.

ANA PEJIĆ

Zahvaljujem se. Replika vijećnik Mirnes Ajanović. Izvolite.

MIRNES AJANOVIĆ

Denise jesam te upozorio i rekao evo dokaz. Nećeš ti u Našu stranku nego Naša stranka, ne moja, nego stranka koja se zove njihova stranka Naša stranka oni guraju da se spali 100 tona otpada u Tuzli za dva dana. Njihova ministrica Nasiha Pozder forsira da nas poguše. I zato ova podrška Denisu sad. Upozorio sam te. Evo vidi. Odmah pokazalo se odmah kako će je upotrijebiti i zloupotrijebiti. Ispravno je sve rekao al za državu koja je uređena, sigurna. Kontrole, komisije, inspekcije, tužilaštva, sudovi rade, nema igranja. Ovi nas potrovali. Iskoristili bi ovo tvoje zna-nje i evo sad da pobiju tuzlake. Bez imalo pretjerivanja. Pročitao sam sad. Evo čuli ste šta je. Svjetska zdravstvena organizacija, Evropska organizacija o zaštiti zdravlja kaže šta je to. I ona kaže: Svaka čast Denisu. E to je dakle, razlog zašto Tuzla mora reći ne i onoj njihovoj, Našoj stranci i onoj Nasihi Pozder i proglasiti je personom onog rata u Tuzli jer hoće da potruje tuzlake. Ona gura i forsira da prođe dalje. Stranka koja se zove Naša stranka forsira spaljivanje stotina otpad, stotina tona otpada. Prvo 100 tona za dva dana a kasnije izgleda otpada iz cijele Evrope u Tuzli. Evo dokazalo se i pokazalo je se ko su i šta su.

ANA PEJIĆ

Replika vijećnika Dragana Berberović Gagro. Izvolite.

DRAGANA BERBEROVIĆ GAGRO

Dragi kolega Mirnese. Ja sam samo napomenula kada bi svoj tim formirala, ne stranački nego svoj tim, u poslu u biznisu, da bi vjerovatno voljela imati jednu osobu kao što je gospodin Denis Bećirović. A evo možete i vi i ja ako budem radila u filmskoj industriji vjerovatno možete dobiti onu glavnu ulogu jer odlično to radite.

ANA PEJIĆ

Nastavljamo dalje. (MIRNES AJANOVIĆ – Ispravka krivog navoda.) Ispravka krivog navoda vijećnik Mirnes Ajanović. Izvolite. (MENSUR ALIĆ – Mirnese odustani.) Izvolite.

MIRNES AJANOVIĆ

Ništa ja ne radim u filmskoj industriji ovo je realnost. To je vaša fikcija, gluma, izmišljanje. To što ste vi naučili u stranci koja se zove Naša stranka, vaša stranka to nećete primjenjivati ovdje. I da javnost zna zašto je ova reakcija koleginice ovakva. Ona je iz te sramota me reći Naše stranke jer ispade da je to Naša stranka. Iz te njihove stranke gdje

ministrica Nasiha Pozder da je na-log i saglasnost da se spali za 100 tona za dva dana u Tuzli tog alternativnog otpada eksperimentalno, probno. Kolegij zaustavlja ovog Gradskog vijeća. Zaustavlja to. Oni i dalje idu s tim. Kažu: Mi smo samo iz tehničkih razloga stali ali idemo s tim. Ministrica ni je povukla svoj nalog jel je išao...Evo pitam sekretara zahtjevi, dopis, Ministarstvu okoliša sa Kolegija? Sigurno da jeste. (ANA PEJIĆ – Jeste.) Nismo dobili odgovor. Ignorišu nas. Stranka koja se zove Naša stranka ministrica okoliša Nasiha Pozder nema namjeru slušati tuzlake žele spaljivati opa-san alternativni otpad u Tuzli. Pogušiti nas neće. Nećemo dozvoliti. Evo imaju i drugi ne samo mi koji će se suprotstaviti ako treba i pred termoelektranom. I tražiti odmah informaciju. Još jedan zaključak:

Da nam se od-mah u roku od kad? Dva dana dostavi informacija šta je s tim jel dalje namjeravaju ili su spalili već tih 100 tona?

Mo-ramo zna-ti da se suprotstavimo bukva-lno svo-m si-lom političkom koju imamo mi iz Gradskog vijeća pred termoelektranom. Pozvati i ove druge organizacije koje se javno suprotstavljaju. Me-diji koji se javno suprotstavljaju. Da zaustavimo trovanje dodatno tuzlaka od strane Naše stranke. Pardon. Njihove stranke.

ANA PEJIĆ

Poslovnička vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ma ja bi Mirnese ovaj, prekinuo ove dalje replike. Predlažem da mi strogo vodimo, da slušamo šta se dešava u narednom periodu, a mi smo tu da možemo hit-no reagovat. U roku 24 sata sazvat Vanrednu sjednicu Gradskog vijeća Tuzla i suprotstaviti se bilo čemu ono što, što je namjenjeno da se uradi u Tuzli. Evo toliko.

ANA PEJIĆ

Zahvaljujem se. Nastavljamo...U stvari imamo još...Nema više replika.

Nastavljamo sa diskusijama. Vijećnica Svjetlana Kakeš. Izvolite. (MENSUR ALIĆ-Kratko.)

SVJETLANA KAKEŠ

Hvala predsjedavajuća. (ANA PEJIĆ – Dočekala.) Kratko. Baš ću se truditi da budem kratka i koncizna. Razumijem zabrinutost koju su izrazili ovdje vijećnici (ANA PEJIĆ – Samo malo mikrofona. Malo bliže.) Aha. Jel upaljen? Jest. Razumijem i podržavam zabrinutost koja je ovdje iskazana vezano za ove aktivnosti u termoelektrani ali ja bi se u svojoj diskusiji vratila na Izvještaj da samo kratko prokomentarišem.

Što se tiče IZVJEŠTAJA O RADU I POSLOVANJU JAVNOG PREDUZEĆA CENTRALNO GRIJANJE. Skrenula bi pažnju da Izvještaj sadrži mnogo više nego što je to metodologijom propisano ali evo opet su se ukazale neke potrebe da, da sadrži još više podataka u diskusijama vijećnika tako da evo podržavamo i to i naravno da to treba komunicirati sa nadležnom službom koja, koja je utvrdila metodologiju izvještavanja i nemamo mi kao Klub ništa protiv da Izvještaji budu još, još detaljniji što se tiče izvještaja preduzeća.

Što se tiče Izvještaja Centralnog grijanja za prošlu godinu vidljiva je strateška orijentacija za unapređivanje poslovanja, a samim time i za unapređivanje kvaliteta pružanja

usluge grijanja. Vidjeli smo iz Izvještaja da, da su kao preduzeće osnovali vlastito odjeljenje građevinsko tako da su time ostvarili, jer više nemaju potrebu za vanjskim uslugama, ostvarili uštedu od skoro 900 hiljada maraka. Čak su ostvarili i prihod pružanjem usluga trećim licima.

Takođe se vidi da su bili veoma aktivni i kod apliciranja na projekte, na ostvarivanje sredstava iz drugih, drugih izvora. Podsjetila bih...To će se sjetiti vjerovatno vijećnici koji su tad bili u Vijeću da je 2002-ge urađena tehno-ekonomska analiza rekonstrukcije magistralnog vrelovoda a ubrzo zatim, urađena od strane ovog preduzeća, ubrzo za tim baš od strane preduzeća što govori o njihovim kapacitetima urađen je glavni projekat bez koga ne bi bilo moguće ni dobiti 10 miliona koje su ostvarili kao, koje grada i preduzeća ostvario za rekonstrukciju glavnog vrelovoda čime će se omogućiti priključenje dodatnih više od 10 hiljada korisnika. Podsjećam da ovo preduzeće...da u gradu postoji 200 kilometara vrelovoda da se svake godine rekonstruiše oko 2 kilometra tako i ove godine pored ovog projekta rekonstrukcije glavnog vrelovoda.

I kao što imamo i najbolje Javno komunalno preduzeće „Komunalac“ smatramo da isto tako imamo i najbolje preduzeće i najbolje grijanje i najjeftinije grijanje u Bosni i Hercegovini a moguće i šire. Ipak ovo preduzeće vodi računa i uspjeva da zadovolji potrebe preko 27 hiljada korisnika. Tu je oko čini mi se 1800 podstanica. I zaista smo imali u proteklom periodu minimalne zastoje što se tiče njihovog rada.

Ono što je uvijek svaki puta bila, bio neka preporaku i zaključak i radi kvaliteta usluga i proširenja usluga a i radi zaštite okoline preporuka je evo da se pokuša raditi na proširenju zona grijanja i na druge dijelove grada sa ciljem priključenja što većeg broja individualnih objekata. I eto. To je to.

ANA PEJIĆ

Zahvaljujem se. Sljedeći za riječ javio se vijećnik Dejan Kovačević. Izvolite Dejana. Izvolite.

DEJAN KOVAČEVIĆ

Hvala predsjedavajuća. Evo ja ću se samo malo osvrnut. Još jednom iskrene zahvale kolegi Denisu na iscrpnom izvješću, preporukama po pitanju spaljivanja otpada u termoelektrani.

Evo ja ću samo napomenuti da smo mi još na 6. sjednici pod tačkom osamnaest Razmatranje stanja zagađenosti zraka na području grada Tuzle inicijativu za provjeru funkcionalnosti filter dimnjacima Termoelektrane Tuzla jedan od zaključaka uputili da nam dostave izvješće o stanju filtera. Još uvijek to nismo dobili i o nivou zagađenosti zraka. Pa tako toliko o termoelektrani. Ali evo nadam se da će u nekom narednom periodu ili kroz vanrednu sjednicu ili kroz neku točku dnevnog reda redovnih sjednica raspravljati o ovom oz-biljnom problemu grada Tuzle.

ŠTO SE TIČE CENTRALNOG GRIJANJA ja mislim da ovaj, je Tuzla mogu sigurno reći jedini grad u Bosni i Hercegovini možda i u regiji gdje u po zime ovaj, držimo otvoren prozor na kipu u stanu tako da toliko o kvaliteti. Znači, još uvijek recimo u nekim Evropskim gradovima u Beču, Minhenu ovaj, temperatura zraka u sta-nu u dvanaestom mjesecu je 20 do 21 stepen. Kod nas bude ja mjerio dva...Evo u naselju Bulevar 24, dvadesetpet. U rano jutarnjim satima ono kad stegne minus zna bit bogami onaj, kaže: Zagušljivo otvori prozor jako grijanje. Znači sve pohvale. Naravno pohvale na ovoj realizaciji magistralnog parovoda. Po pitanju toga evo kroz neko vrijeme ovaj, mnogi su bi-li protiv poskupljenja cijene grijanja u gradu Tuzla. Neki opravdano neki ne opravdano. Evo svako ima svoje mišljenje. Ja sam glasao za ovaj, ali evo kroz neko vrijeme će se pokazati da ovaj, ta sredstva kroz poskupljenje će bit

ulagana u prave stvari u obnovu infrastrukture centralnog grijanja i evo znači, naravno treba proći i vrijeme da građani primjete ovaj, i da budu zadovoljni.

Naravno glas...Ovaj, Klub HDZ-a Bosne i Hercegovine ovdje u Gradskom vijeću Tuzli će podržati ovaj, Izvješće Centralnog grijanja d.d. Tuzla i nadam se da će evo u narednom periodu i narednih godina nastaviti ovim trendom razvijanja i infrastrukture i poboljšanjem usluga grijanja za građane grada Tuzle. Hvala.

ANA PEJIĆ

Zahvaljujem se.

Zaključujem diskusiju Klubova vijećnika.

Otvaram diskusiju vijećnika. Da li se neko javlja? (Nema.)

Zaključujem diskusiju vijećnika.

I dajem pauzu od 10 minuta zbog zaključaka da može Slađana pripremit.

(Pauza.)

Nastavljamo sa radom sjednice.

Te stavljam na izjašnjavanje Izvještaj o radu i poslovanju Centralno grijanje d.d. Tuzla za 2024. godinu. Molim vas za tišinu. Izvolite glasajte. Glasanje je okončano.

Konstatujem da je IZVJEŠTAJ O RADU I POSLOVANJU CENTRALNO GRIJANJE D.D. TUZLA ZA 2024. GODINU usvojen sa,

18 glasova za, 4 protiv i 4 suzdržana.

Zamoliti ću sekretara da pročita zaključke proistekle iz diskusija.

Jeste zato da glasamo u paketu o zaključcima? (Jesmo.) (MENSUR ALIĆ – U paketu.)
U redu.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla akteulizira zaključke Kolegija Gradskog vijeća usvojene na 8. redovnoj sjednici Kolegija Gradskog vijeća Tuzla, održanoj 23.6.2025. godine, povodom hitnog zahtjeva Komisije za ljudska prava i slobode za odlučivanje i poduzimanje mjera u vezi sa eksperimentalnim spaljivanjem 100 tona otpada u Termoelektrani Tuzla - zaštita prava građana na zdravlje, život i sigurnost. Usvojenim zaključcima Kolegij Gradskog vijeća je izrazio snažno protivljenje bilo kakvom obliku eksperimentalnog ili trajnog spaljivanja otpada u Termoelektrani Tuzla, imajući u vidu moguće štetne posljedice po zdravlje stanovništva i okoliš te naložio nadležnim gradskim službama da bez odlaganja poduzmu sve neophodne mjere s ciljem sprječavanja sličnih aktivnosti u budućnosti, te da u tom smislu upute zvanične dopise i zahtjeve prema nadležnim kantonalnim, entitetskim i državnim institucijama, uključujući inspeksijske i ekološke organe, s ciljem blagovremenog informisanja, nadzora i zaštite interesa građana. Kolegij Gradskog vijeća je takođe pozvao sve nadležne institucije da u okviru svojih zakonskih ovlaštenja izvrše nadzor nad djelovanjem Termoelektrane Tuzla te poduzmu odgovarajuće korake radi očuvanja okoliša i zdravlja građana.

Sljedeći zaključak:

- Gradsko vijeće Tuzla traži od menadžmenta Centralnog grijanja dd Tuzla uvođenje obaveze isporuke toplotne energije prije zvaničnog početka sezone grijanja u slučaju naglog zahlađenja, bez obračuna i naplate građanima, kako bi se spriječile negativne posljedice po

zdravlje građana, posebno djece, starijih osoba i pacijenata u zdravstvenim ustanovama. Ova praksa treba postati standardna mjera koja štiti građane u prelaznim periodima kada grijanje formalno još nije počelo, ali su uslovi za život i rad već otežani zbog hladnoće.

Sljedeći zaključak:

- Gradsko vijeće Tuzla traži od menadžmenta Centralnog grijanja dd Tuzla omogućavanje automatskog produženja sezone grijanja nakon njenog formalnog završetka, u slučajevima kada vremenske prilike (temperatura, vlažnost, dužina hladnih dana) to zahtijevaju, bez naplate. Gradske institucije moraju osigurati da ni u aprilu a ni kasnije nijedan objekat kolektivnog stanovanja, škola, vrtić ili bolnički odjel ne ostane bez grijanja zbog birokratskog kalendara.

Sljedeći zaključak:

- Gradsko vijeće Tuzla traži da se inicira zajednički sastanak između Grada Tuzle, Centralnog grijanja dd Tuzla i Termoelektrane Tuzla radi sveobuhvatne analize uzroka teškoća u dosadašnjoj isporuci toplotne energije, te uspostave jasnih protokola za sprečavanje sličnih problema u budućnosti. Sastanak mora rezultirati operativnim dogovorom sa definisanim rokovima, odgovornostima i očekivanim standardima stabilnosti isporuke.

Sljedeći zaključak:

- Gradsko vijeće Tuzla traži da se pokrene analiza i eventualna revizija ugovora o snabdijevanju toplotnom energijom, kako bi se:

- uspostavili mjerljivi tehnički i temperaturni standardi isporuke,
- definisale obaveze Centralnog grijanja dd Tuzla i Termoelektrane Tuzla prema krajnjim korisnicima,
- uključili jasni mehanizmi odgovornosti i mogućnosti intervencije Grada u slučaju sistemskih propusta.

Sljedeći zaključak:

- Gradsko vijeće Tuzla traži da se razmotre mogućnosti subvencionisanja računa za grijanje u zonama i zgradama gdje je dokumentovano postojalo trajno i značajno umanjeње kvaliteta isporuke, bez prejudiciranja krivice Centralnog grijanja Tuzla, već kao izraz socijalne osjetljivosti i podrške ugroženim domaćinstvima.

Sljedeći zaključak:

- Gradsko vijeće Tuzla traži od Centralnog grijanja dd Tuzla da redovno, javno i transparentno izvještava građane o zaprimljenim pritužbama, uzročno-posljedičnim analizama problema i poduzetim mjerama, kako bi se izgradilo povjerenje i otvoren dijalog sa zajednicom. Transparentnost je ključ za legitimitet a građani imaju pravo da znaju gdje, zašto i kada grijanje nije isporučeno.

Sljedeći zaključak:

- Gradsko vijeće Tuzla traži dostavljanje pisane informacije o tome koji su mediji ili manifestacije finansirani iz sredstava trošenih na promocije i sponzorstva.

Sljedeći:

- Gradsko vijeće Tuzla traži od Centralnog grijanja dd Tuzla donošenje pravilnika o načinu trošenja sredstava na promociju i sponzorstva sa jasnim kriterijima za dodjelu sredstava kao i javno objavljivanje dodjeljenih iznosa i korisnika.

Sljedeći zaključak:

- Gradsko vijeće Tuzla upućuje preporuku svim javnim preduzećima i javnim ustanovama čiji je osnivač ili suosnivač Grad Tuzla da ubuduće u svojim izvještajima o radu i poslovanju izbjegavaju upotrebu zbirnih i nepreciznih formulacija te da se svi rashodi koji nisu direktno vezani za osnovnu djelatnost obrazlažu posebno a sve u cilju osiguranja veće transparentnosti i odgovornog trošenja javnih sredstava.

Sljedeći zaključak:

- Gradsko vijeće Tuzla traži od menadžmenta Centralnog grijanja dd Tuzla izradu glavnog projekta za izgradnju vrelovodne mreže u naseljima koja su obuhvaćena zonama toplifikacije.

Sljedeći zaključak:

- Gradsko vijeće Tuzla traži od menadžmenta Centralnog grijanja dd Tuzla da u narednom periodu izradi studiju o modelu grijanja Grada u slučaju zastoja blokova Termoelektrane Tuzla.

ANA PEJIĆ

Poslovnička vijećnik Denis Bećirović. Izvolite. Izvolite Denise.

DENIS BEĆIROVIĆ

Hvala. Narednu tu, tu ne povlačim. Naredni, naredni zaključak povlačim.

ANA PEJIĆ

U redu. Izvolite Slađana. Samo mikrofona uključite.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se u roku od dva dana dostavi informacija o tome da li se odustalo od namjere spaljivanja 100 tona otpada odnosno o tome da li je eventualno već došlo do spaljivanja otpada u Termoelektrani Tuzla.

I sljedeći zaključak:

- Gradsko vijeće Tuzla traži od Centralnog grijanja dd Tuzla proširenje zona toplifikacije i izradu projektne dokumentacije za ostale dijelove grada u cilju priključenja što većeg broja individualnih objekata i smanjenja aero zagađenja. To je to.

ANA PEJIĆ

Stavljam na izjašnjavanje pročitane zaključke. Glasanje je okončano.

Konstatujem da su pročitani zaključci dobili potrebnu većinu sa, 22 glasa za, nije bilo protiv i 2 suzdržana.

Prelazimo na sljedeću tačku dnevnog reda:

RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2024. GODINU

Pod a) Javna ustanova Centar za socijalni rad Tuzla.

Predlagatelj je upravni odbor ustanove.

Obradivač: direktor ustanove a materijal su razmatrali: Komisija za ekonomske odnose, Komisija za poduzetništvo i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu Klubova vijećnika. Vijećnik Mirnes Ajanović, pa vijećnik Dejan Kovačević.

MIRNES AJANOVIĆ

Da evo CENTAR ZA SOCIJALNI RAD ja počeo od toga a odosmo u centralno grijanje i evo dva sata. Ono što ja imam informaciju što vi ne vidite šta ra-di Centar za socijalni rad malo ću onako pokušati da vam približim. Neću dugo. Kratko. Ukakvim okolnostima rade na terenu svakodnevno u prostorijama gotovo nekad u nemogućim uslovima a to se vdi i kroz ovaj Izvještaj.

Evo bilo je i značajan porast slučajeva koji se odnose na porodične sukobe, razvode, sporove oko starateljstva, sprečavanje viđanja djece od strane jednog roditelja obično, zanemarivanje, zlostavljanje djece i Centar se morao baviti svim tim kriznim situacijama. I psihosocijalnom podrškom i pravnom zaštitom i smještajem djece. Imamo dosta situacija gdje je to dosta traumatično. Nije jednostavno kada imate sukobljena dva bivša supružnika koji su bukvalno najgori mogući neprijatelji. U većini situacija je to tako. Nevjerovatno. Rijetko gdje da imate razvod braka i da kažu: „Joj pa ovo nije baš bilo tako strašno kako smo mislili.“ Većinom jeste. Nevjerovatno koliko ljudi koji su bili u zajednici kasnije postanu neprijatelji i mrže, spremni su na sve, podmetanje, ubijanja skoro u svakom smislu psihičkom a pa ne izbjegavaju neki ni to fizičko. I sve to prate predsjednici Centra za socijalni rad. Oni moraju biti uključeni u sve. Oni moraju biti u sudskim postupcima. Moraju i sa tim ljudima razgovarati i van sudskih postupaka u okviru prostora, odlaziti na lice mjesta. Zaista vrlo te-žak posao. Može ko od vas misliti to nešto hajd Centar socijalni rad, ma kakvi to je užasno. Pa dolazak i smještaj te djece. Pa smještaj djece koja prose. Pa i njih kako će obezbjediti. Pa onda se neki bune neki ne bune. A onda ako Centar da saglasnost da roditelj jedan dobije dijete ovaj drugi mrzi te predstavnike centra. Mogu čak i proći vrlo teško jer Centar se mora izjasniti kome se dijete otprilike treba dodijeliti. Sudija odlučuje ali Centar daje prijedlog. Dakle, oni su na prvoj liniji bitke sa svima onima koji su spremni na sve u tim situacijama kada ne mogu da razumiju da rade protiv sebe, protiv svog djeteta. Mnogi u zaštitu i cilju interesa djeteta ne daju da se vidi dijete ni sa svojim ocem ili majkom, nit sa nenom il djedom. Pozivaju se...Nema našta se pozivaju da bi onemogućili, evo jedan slučaj gotovo devet godina, osam, Centar gotovo stalno je uključen i s-ad se još raspravlja o njemu, još uvijek samo zbog toga što jedan roditelj ne da da nena vidi dijete iako je to zakonska obaveza. Pa kad se pita roditelj: Pa koliko bi ti to dao toj neni? Što bi ja njoj davala da viđa dijete. Neda svom djetetu ni jednom mjesечно, sat. E sad sve to oni moraju proć, a da bi to prošli moraju biti omogućeni dakle, kadrovski, materijalno, sistemski osnaženi, svakako. Vjerujte da treba psiho terapija posle nekih postupaka sudskih i svega i svačega kada vidite šta se sve i kako događa i kako postupaju jedni prema drugima, a pogotovo prema djeci, ili kako koriste djecu kao oružje da bi uništili onog drugog bračnog supružnika. Nevjerovatno šta se sve dešava. A to vi ne znate. Mi koji smo u tim procesnim radnjama u sudovima to su nam najmrži predmeti, al eto nekad dobijemo i tu obavezu pa moramo.

Prijedlog zaključaka: Sistemski ojačati timove za porodičnu zaštitu zbog sve izraženijeg porasta razvoda, konflikta oko starateljstva, zloupotrebe djece u roditeljskim sukobima, emocionalnih trauma kod maloljetnika. Neophodno je uspostaviti posebno pojačane multidisciplinarnе timove socijalni radnik, psiholog, pedagog, pravnik koji će imati kapacitete za pravovremenu i cjelovitu zaštitu interesa djeteta i ostalih.

Broj slučajeva porodičnih kriza raste eksponencijalno a odgovor sistema ne smije ostati statičan.

Uspostaviti obaveznu i kontinuiranu edukaciju stručnog osoblja Centra.

I njima je potrebna stručna stalna metodička obuka s posebnim fokusom na:

- zaštitu maloljetnika i prevenciju zloupotrebe djece u roditeljskim konfliktima,
- prepoznavanje i postupanje u slučajevima rodno zasnovanog nasilja,

- krizne situacije, intervencije, hitne mjere, koordinacija s drugim institucijama. Takva edukacija mora biti sistemska, akreditovana i usklađena s najnovijim stručnim i međunarodnim standardima.

Tri:

Uspostaviti krizni fond za hitne slučajeve smještaja i intervencije. U okolnostima kada je ugrožena sigurnost djeteta, starije osobe ili osobe s invaliditetom svaka minuta može biti presudna. Zato je potreban fond namjenski i krizni. Ovo ima sve dostaviti ću. Iz kojeg bi se mogli financirati te okolnosti hitnih intervencija - smještaj, medicinska podrška, transport, psihološka pomoć - bez čekanja na spor administrativni postupak.

Ne bih sada ovdje objašnjavao kakvih situacija ima i gladnih i ovakvih i onakvih. Sve se to traži od Centra pomoć.

Četiri:

Institucionalno ojačati međusektorsku saradnju sa pravosuđem, školama i zdravstvenim ustanovama.

Centar za socijalni rad mora imati aktivnu ulogu u svim fazama odlučivanja o sudbini djeteta, starateljstvu, lišavanju poslovne sposobnosti i zaštiti žrtava nasilja. To podrazumijeva:

- da se stručna mišljenja Centra tretiraju kao obavezni elementi odlučivanja u sudskim i upravnim postupcima,
- škole i zdravstvene ustanove pravovremeno dostavljaju informacije i sarađuju s Centrom u raznim intervencijama,
- sudovi i tužilaštva redovno uključuju Centre u postupke koji se odnose na maloljetne i ugrožene osobe.

Dakle uprkos svakodnevnom izlaganju teškim ljudskim sudbinama zaista je to teško. Vi preživljavate sve ono što se događa. Ne može niko to kad završi se taj sudski postupak ili postupak u Centru isključiti se i odo ja kući. Svi nose te probleme i rješavaju tuđe probleme, a imaju i svoje. Dakle, uposlenici Centra ostaju posvećeni i to zaslužuje naša priznanja. Dakle, ne-znate. Evo govorim iz iskustva. Nije jednostavno ni malo. To je vrlo težak posao, zahtjevan. Nosite te traume dugo predugo.

Dakle, u ime svih građana, a posebno onih najugroženijih koji trebaju pomoć Centra za socijalnu zaštitu a koji se često ne mogu ni čuti ni sami sebe zastupati evo dužni smo dati doprinos svakoj inicijativi koja će unaprijediti ovaj izuzetno važan segment sistema zaštite i dati podršku i pohvaliti aktivnosti Centra za socijalni rad od direktora do svih u tom Centru koji se svakodnevno bore sa svim i svačim što bi svako od vas želio izbjeći ali eto oni po službenoj dužnosti po poslu moraju se nositi sa svim tim problemima. Hvala im još jednom.

ANA PEJIĆ

Zahvaljujem se. Sljedeći za diskusiju javio se vijećnik Dejan Kovačević. Izvolite.

DEJAN KOVAČEVIĆ

Hvala predsjedavajuća. Evo pomno sam prošao kroz IZVJEŠĆE CENTRA ZA SOCIJALNI RAD. Neću se osvrtno na nadležnosti Centra koji su određeni Zakonom o socijalnoj zaštiti i drugim zakonima, ali ću se osvrnuti na neke njihove oblike i mjere socijalne zaštite koji su pružili u 2024-toj godini.

Prošlih sjednica smo razgovarali o najosjetljivijim grupama stanovnika, najosjetljivijom populacijom, to su djeca ovaj, evo i kroz ovaj, Javnu ustanovu „Naše dijete“. Ali evo ja ću se osvrnuti na rad Centra za socijalni rad koji je stva-rno, koji stvarno rade sa naj, naj, najugroženijom populacijom u našem društvu. Znači, oni su zaštitu i pomoć pružali djeci bez roditeljskog staranja. Ja ću se osvrnuti na djecu. Imao sam priliku usko da surađujem sa

uposlenicima Centra za socijalni rad i zna-m kako rade i koji napor ulažu. Ali evo samo da pokušamo javnosti približiti u stvari jednog od oblika njihovog djelovanja. Znači, kad neko spomene Centar za socijalni rad odma u javnom mnjenju smatra to je naknada za trudnice porodilje i za tuđu njegu i na tom se sve završava. Međutim, treba više promocije i marketinga Centra za socijalni rad jer oni rade sa odgojno zanemarenom vaspitno zapuštenom djecom djecu čiji je razvoj ometen u porodičnim prilikama, materijalno neosigurani i za rad nesposobnim licima, starim licima bez porodičnog staranja, u stvari sa osobama o kojima društvo ne vodi računa, koji su na margini i koji su odbačeni od svih. Jedina, jedino svjetlo na kraju tunela koji oni vide je Centar za socijalni rad i njihova pomoć.

Čitajući kroz Izvještaj vidio sam da stručni tim za zaštitu djece održao je 104 sastanka. Na stručnim timovima obrađeno je 1136 predmeta vezano za sva pitanja koja se tiču djece. 1136 predmeta. To je u prosjeku 95 mjesečno, 23 sedmično. Ukupan broj predmeta starateljstva u 2024. godini je 121. U 23-ćoj 84. Znači, povećan je za jednu trećinu. Mi, mnogi od nas ne razumiju socijalnog radnika, staratelja šta znači biti staratelj nekom od takve djece.

Centar za socijalni rad Tuzla teritorijalno po broju stanovnika je najopterećeniji Centar na području Tuzlanskog kantona. Kroz Izvještaje i sve ono što oni rade može se vidjeti i po broju smještenih punoljetnih i maloljetnih lica u ustanove socijalne zaštite. Po broju lica djece po starateljskom posrednom ili neposrednom onaj, aktivnošću jedan socijalni radnik zna bit staratelj i do 69, 70 malodobnih osoba. Ljudi to su brojevi ozbiljni koje društvo zanemaruje kojih ne-ma u medijima i koji se tek tako provlače kroz prste i ispod tepiha i niko o tome ne vodi računa. Broj smještene djece u prihvatilište za malodobnu djecu zbog nasilja, prosjačenja, skitnje, zanemarivanja, radne eksploatacije i slično. Znači, još uvijek razgovaram o djeci a ne o odraslim osobama. Broju obrada za razvode braka. Izmjene presuda kao i broju lica koja ostvaruju različite materijalne pomoći u skladu sa pozitivnim zakonskim propisima. Radnici ovog Centra se po službenoj dužnosti imenuju za staratelja malodobnoj djeci ali i odraslim licima u skladu sa Porodičnim zakonom Federacije Bosne i Hercegovine i isti ti radnici su dužni svake godine da podnose godišnje Izvještaje staratelja u skladu sa Porodičnim zakonom Federacije Bosne i Hercegovine za svaku osobu kojoj su staratelji. Sad zamislite vi jednog socijalnog radnika koji ima šezdesetero djece i da za svakog mora podnjet godišnje izvješće, koji je to samo administrativni posao, da ne ulazim u dubiozu u neke druge stvari.

Prema Porodičnom zakonu Federacije Bosne i Hercegovine u članu 180., 181. Radnici Centra za socijalni rad kao staratelji imaju naknadu koju treba da obezbijedi Federalno ministarstvo za rad i socijalnu politiku. Uposlenici Centra za socijalni rad Tuzla to nikad nisu ostvarili. Iz neformalnih razgovora s ovim ili onim da ne pominjem imena ovaj, ljudi su se trudili, slali dopise, razgovarali, vršili pritisak, lobirali al očigledno Federalna vlada i ovo ministarstvo nema sluha za ovakve stvari.

U rebalansu Budžeta evo onaj, koji smo danas usvojili primjetio sam da je evo odvojeno za...Centar za socijalni rad za bruto plaće odvojeno je 20 hiljada maraka. Znači, sa milion i dvjesto osamdeset na milion i tristo. Moje osobno mišljenje je da je ovo premalo poznavajući rad i metodu rada i sve ono što ti ljudi rade da jedan visoko obrazovani radnik, akademski radnik, socijalni radnik, pedagog, ima u prosjeku nekih 1300, 1350 do 1400 maraka ovo sa minulom ra-du da ima plaću a izložen je evo košto je kolega ovaj, Mirnes već napomenuo raznim pritiscima pa čak i prijetnjama po život u raznim parnicama. Mislim da je ovo stvarno onaj, neprihvatljivo i o tome treba stvarno razgovarati.

Samo ću iznjet neke podatke: Prema predviđenoj sistematizaciji radnih mjesta u Službi socijalne zaštite i starateljstva. To je znači samo jedan odjel, je na osnovu broja građana grada Tuzla znači, procentualno ide otprilike na nekih 115 hiljada ljudi koji žive u gradu Tuzla predviđeno je da pored rukovodioca službe bude uposleno 30 socijalnih radnika. Trenutno ih radi 14. Znači, ni pola. 7 psihologa. Ima ih 3. 7 pedagoga. Nema ih ni jedan. 2 pedagoga psihologa. Evo radi ih 2. Neću dalje ulaziti u ove ostale, u ostala strukovna zvanja gdje

je...Pardon. Gdje je potrebno prav-nika, referente za pravne poslove, administrativnih službenika i sl. Znači, ja-vnost evo i po-li-ti-ka ne razumiju u kakvoj su situaciji ti ljudi koji rade tamo. Znači, rade za dva-tri čovjeka. Jedan socijalni radnik radi za trojicu kolega i moli Boga da neko ne ode na bolovanje. A neću spominjati godišnje odmore. Znači, rade ljudi za dva-tri čovjeka na ovoliki broj stanovnika, na društvo, na, na, na društvo ovakvom kakvome jesu, za situaciju u društvu. Znači, ovo je, ovo je po-razno za nas i kao političare a kao i za društvo u kakvoj se ljudi onaj, u kakvom se ljudi situaciji nalaze. Neću dalje dužiti. Evo i na kraju ovaj, sve ovo govori o angažmanu što sam nabrojio i trudu i volji i radu i zalaganju svih uposlenih a sve zbog zaštite i prava naših građana. Sad zamislite jednog socijalnog radnika koji mora biti staratelj nekom ko je HIV pozitivan, koji mora zbrinut neko dijete koje je u skitnji i koje je puno vaški. (ANA PEJIĆ – Vodite računa samo o vremenu isteklo vam je.) Hvala. Evo brzo ću. Ovaj, puno vaški ili nekih drugih zaraznih bolesti gdje ga mora staviti u svoje auto ili evo u auto od Centra kojih ima dva pa kad koji stigne da ga vozi i da ga zbrine.

Evo nekih par hiljada maraka je onaj, čini mi se predviđeno za, za, za zbrinjavanje vozila Centra za socijalni rad. Pa jedno dubinsko pranje vozila je 200 maraka. Mogu ti završiti Senade. (ANA PEJIĆ – Molim vas privodite kraju diskusiju.) Hoću. Evo.

Shodno svemu gore navedenom. Evo ja ću na brzinu pročitati zaključke koje sam pripremio pa evo:

Gradsko vijeće Tuzla nalaže nadležnim službama Grada Tuzle, Ministarstva za rad, socijalnu politiku Tuzlanskog kantona i Ministarstva za rad i socijalnu politiku Federacije Bosne i Hercegovine (Polako.) (ANA PEJIĆ – Nema veze dostaviti će. Nastavite.) Dostaviti ću ja i mejlom, a mogu i pismeno kolegama. (ANA PEJIĆ – Samo vi nastavite Dejan.) Da predvidi i odvoji rebalansom svojih budžeta i, uz suradnju sa Centrom za socijalni rad Tuzla, uspostavi fondove za hitne i krizne slučajeve korisnika tipa porodičnog nasilja, hitni smještaj šticećenika, zdravstvenu pomoć i osiguranje.

Gradsko vijeće Tuzla nalaže nadležnim službama Grada Tuzla da razmotre mogućnost daju saglasnost te iz Budžeta Grada Tuzle odvoje finansijska sredstva za povećanje broja stručnih saradnika defektolog, socijalni pedagog, socijalni radnik i ostali kao i saradnika (vozač-domar i higijeničar i ostali), u skladu sa propisanim standardima i stvarnim potrebama korisnika Centra za socijalni rad Tuzla te putem finansiranja i sufinansiranja omogućiti kontinuirano stručno usavršavanje svih zaposlenih a prioritarno defektologa, socijalnih pedagoga i socijalnih radnika putem edukacija, seminara i stručnih radionica.

Gradsko vijeće Tuzla nalaže nadležnim službama Grada Tuzla da razmotre mogućnost i daju saglasnost te iz Budžeta Grada Tuzla odvoje dodatna finansijska sredstva za povećanje za osnovne i proširene djelatnosti Centra za socijalni rad Tuzla.

Gradsko vijeće Tuzla traži od ministarstva rada i socijalne politike Federacije Bosne i Hercegovine da sukladno članovima 180. i 181. Porodičnog zakona Federacije Bosne i Hercegovine, omogućiti adekvatnu naknadu za socijalne radnike-staratelje Centra za socijalni rad Tuzla.

Gradsko vijeće Tuzla nalaže nadležnim službama Grada Tuzla da razmotre mogućnost i daju suglasnost te iz Budžeta Grada Tuzla do kraja tekuće godine 2025. odvoje dodatna finansijska sredstva za povećanje plaća uposlenika Centra za socijalni rad Tuzla u iznosu od 10% od bruto plaće.

Gradsko vijeće Tuzla traži od Ministarstva zdravlja Tuzlanskog kantona, Zavoda za javno zdravstvo i Ministarstva za rad i socijalnu politiku Tuzlanskog kantona da, shodno važećim Zakonima, donese pravilnike, protokole i preporuke za adekvatnu dodatnu finansijsku naknadu (izraženu procentualno od bruto plaće) i mjere zaštite uposlenika Centra za socijalni rad koji su direktno izloženi i koji rade sa klijentima koje boluju od zaraznih bolesti tipa HIV-a, hepatitisa i ostalih, te duševnim bolesnicima i klijentima koji su u skitnji ili su beskućnici.

Gradsko vijeće Tuzla traži od nadležnih Ustanova, JZNU Dom zdravlja Mustafa Šehović Tuzla, Javne zdravstvene ustanove Univerzitetski klinički centar Tuzla, Ministarstva zdravlja Tuzlanskog kantona i Ministarstva za rad i socijalnu politiku Tuzlanskog kantona da obezbijede besplatnu psihosocijalnu podršku za uposlenike Centra za socijalni rad Tuzla te da nadležna Ministarstva osiguraju mehanizme za prevenciju „sagorijevanja na poslu“, time uključujući psihološku podršku i superviziju, prilagođeno radno vrijeme uposlenika i poboljšanje uvjeta rada uposlenika Centra za socijalni rad Tuzla.

I posljednje: Gradsko vijeće Tuzla traži od Ministarstva za rad i socijalnu politiku Tuzlanskog kantona da obezbijede dodatna finansijska sredstva za uvođenje nove usluge u sistem socijalne zaštite u smislu otvaranja prihvatne stanice ili prihvatilišta za odrasla lica pri Centru za socijalni rad Tuzla.

Ovom prilikom bih se još samo htio zahvaliti prije svega menadžmentu, direktorici i svim uposlenicima Centra za socijalni rad Tuzla na svojoj predanosti, požrtvovanosti i na svemu ono što rade za nas građane. Hvala.

ANA PEJIĆ

Zahvaljujem se. Sljedeći za diskusiju javio se vijećnik Senad Mehmedinović. Izvolite.

SENAD MEHMEDINOVIĆ

Ovako. Dakle, ispred nas je IZVJEŠTAJ O RADU I POSLOVANJU JAVNE USTANOVE CENTAR ZA SOCIJALNI RAD TUZLA. Naravno da kad pogledamo nadležnost Centra da radi sa najosjetljivijim kategorijama našeg stanovništva i dobro znam iz iskustva šta znači raditi sa marginaliziranim grupama i svaka pohvala u smislu onoga šta zaposlenici Centra za socijalni rad čine i izlaze u susret našim građanima.

Ono našta ću fokusirat svoje izlaganje, a tiče se ovog Izvještaja, a opet se to tiče onih zaključaka koje smo mi donjeli i očekivao sam u ovom periodu da će doći do nekog pomaka vezano za stručne saranike, a mislim da direktorica zna o čemu se radi ali ovdje ću kroz izlaganje da naglasim o značaju tog profila.

Ja ne mogu biti doktor nit doktor može biti ja. Kada svi budemo radili poslove zašto smo se školovali tada će bit dobro i insitucija i tada će biti dobro i našim građanima. I ja ne želim da se miješam u posao drugih, ali u ime struke neka se i drugi ne miješaju u posao koji ja radim.

Zašto ovo govorim? Nadležnost Centra je rad između ostalog rad sa odgojno zapuštenom i delikventnom djecom i omladinom, prevencija nasilja u porodici, rad na sprječavanju trgovine ljudima, rad na sprječavanju skitnje i prosjačenja. I vi sad kad uzmete profil zanimanja koji treba da se bavi sa ovom populacijom ljudi, to je profil zanimanja koji se naziva socijalni pedagozi. E sad za sve vijećnike koji sjede ovdje pošto čujemo mi termin defektolozi, pa čujemo i termin socijalni pedagozi da samo znate razliku da to nije isto. Zašto? Dakle, mi i-ma-mo ljekare koji su završili Medicinski fakultet, pa imamo interniste, imamo gastroenterologe, imamo druge profile zanimanja tako imamo i u sklopu defektologije koja se danas naziva edukacijsko rehabilitacijska nauka i imamo profil zanimanja koji se naziva socijalni pedagog i on is-ključivo ra-di sa osobama koja imaju određene nepoželjne oblike ponašanja. A ovdje čujemo da se spominju i defektolog dakle, to jest Defektološki fakultet al ima nešto što se naziva socijalni pedagog specijalni, pa kasnije i specijalni edukator rehabilitator koji se bavi skroz drugim licima a za koja ću reći u sklopu ovog Izvještaja ko su i šta su.

Kaže: Ponekad je Centar doveden u situaciju da ne može adekvatno odgovoriti socijalnim potrebama građana niti može na odgovarajući način preventivno djelovati u pravcu smanjenja socio patoloških pojava i pomoći porodici u provođenju njenih funkcija.

Ovo je odlično napisano i iz ovog se može vidit namjena zaista da ljudi koji su zaposleni daju maksimalne na-pore da rade sa ovom osjetljivom kategorijom stanovništva.

I dolazimo sad na ove podatke koji kažu: Da je zaposleno 14 socijalnih radnika, 3 psihologa, 2 pedagoga psihologa i 4 pravnika a imamo problem pazite pru-ža-nja usluga našim građanima. Znači, ne mogu ljudi da stignu. Pa ako ne mogu da ljudi da stignu, a Gradsko vijeće ja msilim da je partner javnim ustanovama i javnim preduzećima iako nekad znamo mi malo biti ali je to preventivno, ja vjerujem da ljudi to ne shvataju lično. Mi ovdje svi imamo dobru namjeru a to je da se poboljša kvaliteta života svih naših građana.

Zašto ovo govorim? Govorim zbog toga i to je prijedlog zaključka: Da nam menadžment Centra za socijalni rad dostavi informaciju koliko je neophodno sredstava na nivou jedne godine da se zaposli 5 socijalnih radnika, 2 psihologa, 2 pedagoga psihologa, 2 psihologa još 2 psihologa, još 2 pedagoga psihologa, socijalni pedagog i specijalni edukator rehabilitator.

Dalje: U toku 2024. godine Centar je poduzimao aktivnosti u cilju iznalaženja adekvatne pomoći i smještaja za djecu sa određenim poremećajima u ponašanju kao i na pružanju pomoći za djecu koja ispoljavaju određene oblike neprihvatljivog ponašanja a u stručnom timu nemamo osobe koje se bave s ovim pitanjem. Dobna granica. Pazite ovo je zabrinjavajući podatak. Dobna granica ove populacije je sve niža i sada Centar sve više radi sa djecom starosti od 10 do 14 godina i kaže da si-stem ne-ma adekvatan odgovor na ove probleme. Mo-ramo angažovat stručnjaka. Kad se angažuju stručnjaci oni po pravilu bi trebali da pronađu određeno rješenje za ovu problematiku.

Kada je riječ o osnovnim pravima lica sa invaliditetom ka-že da iz zakona proizilazi: Lična invalidnina, dodatak za njegu, ortopedski, nabavka ortopedskih i drugih pomagala i ve-oma bit-na stavka ovdje je prioritetno zapošljavanje za lica s invaliditetom. Ja sad ne znam. Ovdje piše u Službi socijalne zaštite ko bi trebao bit zaposlen. Ja ne-znam da li Centar za socijalni rad ima zaposlenog defektologa zato što kasnije ovdje ne vidim u timu da ima zaposlen defektolog?

Zašto to govorim? Kad je riječ o prioritetnom zapošljavanju da li je Centar za socijalni rad išta mogao da uradi po ovom pitanju na na-čin da se poštuje Zakon o profesionalnoj rehabilitaciji osposobljavanju i zapošljavanju lica s invaliditetom?

Ja sam to govorio u prošlom Sazivu. Mi imamo jednu magičnu instituciju na nivou federacije koji mnogi ne poznaju, pa i poslodavci koji bi trebali da znaju zato što mogu da imaju određene benefite prilikom zapošljavanja osoba s invaliditetom a to je Fond za profesionalnu rehabilitaciju i zapošljavanje osoba s invaliditetom ko-ji direktno fi-na-nsi-ra zapošljavanja osoba različite vrste i stepena invalidnosti. Ono što mnogi krše pa čak i možda neka javna preduzeća i javne ustanove da ne govorim na kantonalnom i na federalnom nivou jeste jedan član zakona koji govori o tzv. kvotnom zapošljavanju. Šta to znači? To znači da na određeni broj ljudi koji su zaposleni u javnom preduzeću ili ustanovi. Mislim da je 16. Na svakih 16 osoba bi trebala da se zapošljava jedna osoba s invaliditetom. Ako se ne-zapošljava onda ta ustanova, preduzeće privatno kako god mo-ra da uplaćuje 25 prosječne neto plate federacije u fond iz čega se kasnije finansiraju programi za populaciju osoba s invaliditetom.

Zašto ovo govorim? Ovo govorim upravo zbog ovog što piše prioritetno zapošljavanje i ne znam da li Centar za socijalni rad koji ne-ma ljudske resurse da li je moglo išta po ovom pitanju da radi u smislu savjetodavno da se pomogne osobama s invaliditetom da dobiju posao? Gledam na vrijeme predsjedavajuća tako da...Dobro.

Smještaj odraslih lica u ustanove socijalne zaštite i starateljstva nad odraslim licima smještenim u ustanovama socijalne zaštite. Ja kad sam pročitao ovdje jednu rečenicu kad nisam počeo plakat zato što je to istina i zato što to mene pogađa kao čovjeka.

Kaže: Veliki je broj članova porodice koji su otišli da rade u inostranstvo i na području grada Tuzle je ostao određeni broj starih lica koji zahtjevaju stalni nadzor i smještaj jer njihovi srodnici nisu tu. Dakle ovo je stva-rno jedna plemenita uloga Centra za socijalni rad i nije nepoznato da mladi odlaze, al mi je žalosno da mla-di odlaze, da ostavljaju svoje roditelje ili stare koji ne mogu ili nemaju gdje da žive.

I ovdje vidimo jedan prijedlog Centra za socijalni rad koji kaže: Da predlažu uvođenje nove usluge u sistem socijalne zaštite a to je prihvatna stanica ili prihvatilište. Ja sam isčitao zakon i vidio sam da u zakonu ima osnova da se pokrene jedna ova inicijativa, te s toga predlažem zaključak kao inicijativu a to je:

Da Gradsko vijeće Tuzla pokreće inicijativu za uspostavljanje nove usluge socijalne zaštite prihvatilište za odrasle u zagradi (osobama u stanju socijalne potrebe koje nemaju osigurano noćenje, smještaj, njegu ili podršku.)

I s tim u vezi zadužuje se Centar za socijalni rad da u roku od 60 evo recimo dana izradi prijedlog modela organizacije prihvatilišta. Jel može Slađana? Jel brzo? (ANA PEJIĆ – Može, može.) Anali-zu prostornih i kadrovskih kapaciteta analizu prostornih i kadrovskih kapaciteta, procjenu finansijskih sredstava i eventualne mogućnosti korištenja postojećih objekata u vlasništvu Grada. I evo obzirom da je vrijeme gotovo hvala ljepo.

ANA PEJIĆ

U redu. Zahvaljujem se. Sljedeći, sljedeći se za riječ javio vijećnik Zlatan Mehmedović. Izvolite Zlatane.

ZLATAN MEHMEDOVIĆ

Samo mikrofoni. (ANA PEJIĆ – Može? Aha.) Pa evo neću zaista dugo obzirom da su moji prethodnici detaljno jel ovaj, detektovali probleme s kojima se suočava Centar za socijalni rad u Tuzli.

Mi prije svega izražavamo punu podršku u radu Centra za socijalni rad i prihvatit ćemo je li podneseni Izvještaj o radu za protekli period. Posebno ističemo zahvalnost uposlenicima Centra na predanosti u svakodnevnom radu sa najranjivijim kategorijama društva jel starim i iznemoglim, osobama sa invaliditetom, samohranim roditeljima, korisnicima minimalne pomoći i žrtvama nasilja. I zaista kao što broj ljekara ne smije biti mali kad je u pitanju zdravstvena zaštita, tako ni broj radnika u Centru za socijalni rad ne smije biti mali kad je u pitanju socijalna zaštita stanovništva koja nije ništa manje bitna nego i zdravstvena zaštita. Dakle, ona nije nikakav trošak već investicija jel prije svega u prije svega i dostojanstva ali evo i sigurnost naših građana.

Svi naši zaključci koje smo mi mislili predložiti kao Klub sadržani su u zaključcima jel ovih mojih prethodnih izlagača. Kolega Dejan je takođe detektovao sve probleme sa kojima se susreće Centar za socijalni rad i svi naši zaključci jel ovaj, išli bi u tom pravcu. Podržat ćemo svakako zaključke koje su predložili kolege vijećnici jel sa akcentom da naravno da nadležna gradska tijela u saradnji s Centrom prije svega pripreme prijedlog za jačanje kadrovskih kapaciteta Centra, ali evo i to je svakako sadržano u ovim zaključcima prije. Hvala evo i puna podrška u radu svim uposlenicima.

ANA PEJIĆ

Zaključujem diskusiju Klubova vijećnika.

Otvaram diskusiju vijećnika. Vijećnica Svjetlana Kakeš, pa onda Nedžad Jusić evo.

SVJETLANA KAKEŠ

Hvala predsjedavajuća. Imajući u vidu. Imajući u vidu sa čime se sve susreću uposlenici Centra za socijalni rad i evo mislim da mi možemo samo bit djelimično svjesni. Većina nas ima kolega koji malo više i kolegica koji malo više s njima sarađuju, al većina nas može samo zamislit sa kakvim se sve problemima susreću u svom radu vidjeli smo iz ovih dosadašnjih diskusija. Znajući to nužno se nameće pitanje statusa službenih osoba uposlenika Centara za socijalni rad. Oni su prva linija odbrane i prva institucija gdje dolaze između ostalog i nasilnici i najčešće isfrustrirani ljudi. To su uposlenici koji u odnosu na policajce, tužioce, sudije i druge koji u smislu Krivičnog zakona federacije ne-maju status službene osobe. Poznato mi je da su Udruženja socijalnih radnika putem nadležnih ministarstava pokušale i pokušavaju inicirati izmjene Krivičnog zakona federacije kako bi se i uposlenici u ustanovama socijalne zaštite kako bi dobili status službene osobe.

Iako su slične inicijative evo kako sam i rekla već upućivane ka nadležnim ministarstvima ja predlažem da i naše Gradsko vijeće uputi inicijativu Federalnom ministarstvu rada i socijalne politike i Federalnom ministarstvu pravde za izmjenu i dopunu člana 2. stav (3) Krivičnog zakona Federacije Bosne i Hercegovine kojim se definira pojam „službene osobe“, te da se i osobe zaposlene u ustanovama socijalne zaštite obuhvate ovom definicijom. Trenutni zakonski okviri im ne pruža adekvatnu zaštitu iako često postaju mete napada, uvreda i fizičkih prijetnji tokom obavljanja svojih dužnosti a svi smo evo i ovdje se posvjedočili da obavljaju poslove od vitalnog značaja za našu zajednicu.

Dobijanjem statusa Službene osobe bi se osigurao da se svaki napad na socijalnog radnika kao službenu osobu tretira kao krivično djelo i kao takvo se procesuiru i sankcionira u skladu sa odredbama Krivičnog zakona, ali jednako tako ako socijalni radnik kao službena osoba počinu bilo kakvo krivično djelo obavljajući svoju djelatnost u sistemu socijalne zaštite podliježe procesuiranju i sankcijama u skladu sa odredbama ovog zakona. Ovim izmjenama bi se osigurao veći nivo zaštite za uposlenike i unaprijedili uvjeti u kojima oni rade u sistemu socijalne zaštite. U Hrvatskoj je ova izmjena zakona ja mislim zaživjela još početkom 2020. godine ali i svi znamo do čega, šta je dovelo do izmjene tih zakona i svi smo svjedoci nekoliko tragičnih slučajeva u Hrvatskoj koji su doveli do ovih izmjena. Mislim da mi ne trebamo čekat da se tako nešto desi da bi zaštitili uposlenike u sistemu socijalne zaštite. Pored toga znam da su u drugim evo u Hrvatskoj npr. uvedene mjere fizičke i tehničke zaštite za sve Centre za socijalni rad, ali evo to možda da ostavimo na razmatranje za, za drugi, neki drugi dio.

Socijalnih radnika nedostaje i to smo čuli i to smo vidjeli i iz Izvještaja a evo da bi donekle prevazišli...Naravno podržavam i ove prijedloge koji su kolege rekli ali da bi donekle prevazišli ovako stanje ključ je i radna prevencija ne samo na liječenju posljedica i zaista je pohvalno što su uposlenici Centra za socijalni rad pored s-vih ovolikih poslova i obaveza i opterećenosti našli vremena i volje da idu i u škole i da rade na prevenciji poremećaja u ponašanju baš sa ovom kategorijom koja je kako je ovdje naglašeno sada u ovom periodu i najkritičnija.

Možda bi trebalo razmisliti i o zapošljavanju socijalnih radnika u školama, u sistemu obrazovanja ali evo i to možemo ostaviti za neki, za neko drugo, neku drugu temu kad budemo obrađivali ovo.

Iz Izvještaja takođe vidimo što su i kolege već napomenule da su im jako male plate. Prosječna plata je oko hiljadu i po maraka a većina zaposlenih, njih preko 70% ima visoku

stručnu spremu. To, ta činjenica i činjenica o težini i odgovornosti je i otežavajući faktor za prijem novih uposlenika jer imamo situaciju da se i kad se raspiše javni oglas sve manje ili gotovo nikako zainteresovanih ne javlja za ove pozicije.

Koliko vidim u rebalnsu Budžeta sredstva namjenjena za plate uposlenika nisu smanjena i nadam se da će makar ovih 5 i po posto koji su ostali nakon izmjene ovih, ovog Zakona o doprinosima da će se moći iskoristiti makar za ovaj procenat sad trenutno za povećanje plata uposlenika, a svakako podržavam i ove druge prijedloge. Hvala.

ANA PEJIĆ

Zahvaljujem se. Sljedeći za riječ javio se vijećnik Nedžad Jusić. Izvolite. (MIRZA MALKOČEVIĆ – Ima replika.) Replika vijećnik Mirza Malkočević. Izvolite.

MIRZA MALKOČEVIĆ

Evo ovako. Ja se zahvaljujem prvo kolegici. Ovaj, mi smo evo sad upravo razgovarali o statusu službenog lica što je ovako super sve ovaj, objasnila i ja mislim da je samo trebamo možda zajedno da formiramo i da pošaljemo urgenciju, jer mislim da je Ministarstvo za socijalni rad već dalo pozitivno mišljenje i da je proslijeđeno Ministarstvu za pra-vdu, tako da možda bi bilo samo dobro da pošaljemo urgenciju ispred Gradskog vijeća. Eto toliko. Hvala.

ANA PEJIĆ

U redu. Sljedeći za riječ se javio vijećnik Nedžad Jusić.

NEDŽAD JUSIĆ

Okej. Hvala predsjedavajuća. A ne znam, bio sam prvo razmišljao dal uopšte da se javim poslje Dejana i, i kolege, kolega koji su govorili ovaj, mislim da su dosta toga rekli al ja ću samo pokušati što kraće da se...Zbog toga sam i kao vijećnik. Nisam stjeo kao Klub jel ću imat manje vremena.

Ovaj, samo da se osvrnem na poglavlje: Prosjačenje, trgovina ljudima, nasilje u porodici. Vidim da je napravljen određen pomak kad je u pitanju smanjenje prosjačenja na području grada Tuzle i ovdje je vrlo važno napomenuti i u jednu ruku je žalosno između ostalog što je i u 2024. godini u prosjačenju zatečeno tridestoro djece od toga 9 dječaka i 21 djevojčica. To je stvarno žalosno na kraj krajeva da vidimo djecu na ulicama da prosijače, al s druge strane je do-bro što samo troje djece su iz grada Tuzla što znači da adekvatno rade s-vi na suzbijanju prosjačenja u gradu Tuzla. To je i posljedica toga jel se sve veći i veći broj te djece obrazuju u školskim klupama na području grada Tuzle i mislim taj model da bi se trebalo primjenjivati i u drugim gradovima i pazite ipak troje djece i to je puno i tro-je trebamo dovest da nemamo niti i jedno dijete iz Tuzle da prosijače, al ukoliko se vratimo unazad određeni par godina možemo vidjeti, možemo vidjeti da je to bilo mnogo, mnogo više.

Takođe bi ovu priliku...Poslao apel građanima grada Tuzle. Nemojte davati novac pogotovo djeci koja prosijače to je samo motivacija da oni sve više i više budu na ulicama i da prose.

S druge strane pozivam grada-ne grada Tuzle ukoliko uoče maloljetnu osobu, djecu samu na ulici da prosijače da pozovu policiju i prijave to policiji, da policija to evidentira i siguran sam u tome da ćemo doći do toga da skroz smanjimo prosjačenje u gradu Tuzla.

Takođe ovom prilikom bi pozvao i Ministarstvo unutrašnjih poslova. Pogotovo evo dolazi nam sad ljetna sezona. Sve više i više turista je na Panonici i na Trgu slobode i vi-dimo

da nam dolaze neke osobe koji ni-su iz Tuzle i van Tuzle i djeca i nekad postaju malo, ne malo malo i više dosadni po stolovima od stola do stola traže određenu pomoć. Nije problem ako je gladan, žedan. Nije to problem. Ali s druge strane mislim da je to ipak nešto drugo vodi i zbog toga da pojačaju malo kontrole pogotovo u večernjim satima kako bi smanjili prosjačenje u gradu Tuzla.

Sve ostalo, sve pohvale Centru za socijalni rad, menadžmentu, svi-ma. Na kraj krajeva evo kolege su govorile stvarno što se tiče ovaj, osoba kao socijalni radnici koji rade rade izvrsno svoj posao i ja takođe još jednom iako su svi rekli na tome, trebamo raditi i na tome da povećamo broj socijalnih radnika. Ja ako se ne-varam na jednom od Izvještaja. Misure vi se možda bolje od mene sjećate? Zaključak je bio da sva-ke godine naj-manje 2 socijalna radnika se pri-me, a da se ona budu finansirana iz Budžeta Grada Tuzle. Mo-žda ukoliko se slažete ili da ponovimo taj zaključak, da ponovimo taj zaključak kako bi na kraj krajeva bili što efikasniji? Hvala. (MIRNES AJANOVIĆ – Replika.)

ANA PEJIĆ

U redu. Replika vijećnik Mirnes Ajanović. Izvolite.

MIRNES AJANOVIĆ

Puna podrška Nedžadu pogotovo što on ovo govori. Nije ovo bezazleno ovo što ukazuje da davanjem tog novca pospješuje se prosjačenje a prosjačenje vam je po Krivičnom zakonu Federacije BiH član 210. (a) stav 2. zatvorska kazna do 10 godina. Krivično djelo tretira se trgovina ljudima. Prisilno prosjačenje. To dijete ako danas ne donese pare bude prebijeno. Dakle, mi davanjem učestvujemo, saučestvujemo u izvršenju krivičnog djela. Organizovani kriminal. Zato Nedžad dobro kaže iz Tuzle je troje djece a 30 iz ostalih. Vidjeli su prazan prostor, Centar odradi svoj dio na području Tuzle, hajmo mi sad ubacit ove druge. To je organizovani kriminal. Nije to glad, neimaština. Ti ljudi žive dobro. Ti ljudi žive od trgovine djecom. Evo još pogledajte stav 2. Vrlo jasno definisano. Nije malo. 10 go-di-na zatvora za to je teško krivično djelo. Više nego droga. I u Tuzli je bilo jedno vrijeme stalo. I po saobraćajnicama prosjačenje zadnjih dana je postalo masovno. Na svakoj saobraćajnici imate osobu koja ide između auta i traži novac. Vrlo je opasno. Stradat će neko. Neko će biti zgažen. Neko će otići u zatvor što je udario nekoga na saobraćajnici jer vozač je kriv uvijek.

Dakle, ovo treba biti poseban zaključak:

Zahtjev tražimo hitno poduzimanje mjera od Ministarstva unutrašnjih poslova i Policijske uprave Tuzla na sprječavanju prosjačenja na području grada Tuzla, a posebno na saobraćajnicama evo ovako može staviti gdje je do-da-tno ugrožena sigurnost tih li-ca, a i naravno sigurnost samih vozača i njihova pravna sigurnost da ne završe u zatvoru.

Vi ne vidite čovjeka koji se kreće između vozila, al vozač je uvijek kriv pogotovo tu gdje se radi u blizini semafora ili slično.

Tako da evo taj zaključak.

I hvala još jedanput Nedžadu koji na ovaj način ukazuje na najveći problem koji u gradu Tuzla postaje sve izraženiji a imamo Centar koji se izborio protiv toga i dolazi sve sa strane. Hvala vam. Hvala.

ANA PEJIĆ

Zahvaljujem se. Sljedeći za riječ javio se vijećnik Samir Mulaosmanović. Izvolite.

SAMIR MULAOSMANOVIĆ – vijećnik SDP –Socijaldemokratske partije Bosne i Hercegovine

Hvala puno. Pozdravljam sve prisutne. Nisam htio da repliciram kolegi Ajanoviću ali vi u ovom gradu više ne možete popit ni kafu rahat kolko je prosjačenje ufatilo maha tako da slažem se sa svim znači, i tu definitivno nešto treba mijenjati.

Vrlo kratko ću. Vrlo kratko ću se osvrnut samo na, na, na par stvari. Zadnjih pet-šest dana sam dva puta prisustvovao sastanku sa direktoricom i žao mi je što nije izašla pred svima da kaže ono što je nama rekla onaj, jako je mu-čno bilo za slušati. Što reče jedan kolega nasikirali smo se. A i ovaj Izvještaj kad čitate na otprilike dvanaestoj stranici već vam treba leksaurin. Svašta, o svemu smo pričali. I o prosjačenju i o prostituciji i ovom problemu od za djecu od 10 do 14 godina koja u suštini nigdje ne pripadaju u sistemu nit mogu ovaj, u zatvor, nit mogu na psihijatriju. Strašno je bilo za slušati ovaj, jako neugodno. Tako da žao mi je samo što, što nismo to sve svi ovdje čuli iz njenih usta. Bilo bi za sve nas to dobro.

Pričali smo i o ovim mjerama koje su navedene ovdje. Šta je njima bitno? Evo spominjali smo i status službenog lica. Pričali smo i o platama. O nedostatku ljudi. Radnici Centra za socijalni rad rade dostupni su 24/7 365 dana. To je strašno. Dosta smo raspravljali Komisija za ekonomske odnose. Znači, raspravljali smo o tom finansijskom dijelu i s toga bi zamolio i sekretara da nam pročita zaključke sa te Komisije kako bi uveli ih u zapisnik.

Puna podrška Centru za socijalni rad uz nadu da ćete dobiti što veći broj zaposlenih kako bi moglo se rješavati a da se inače vaš posao ako je ikako moguće i smanji. Hvala.

ANA PEJIĆ

Zahvaljujem se. Sljedeći za riječ javio se vijećnik Ervin Alibegović. Izvolite.

ERVIN ALIBEGOVIĆ – vijećnik Demokratske fronte - DF

Hvala vam predsjedavajuća. Iskoristit ću priliku evo da pri kraju sjednice da vas sve pozdravim zahvalim vam se što poklanjate pažnju ovako bitnoj tački dnevnog reda.

Situacija nije ružičasta i mene evo pomalo zapanjuje i ovo iznenađenje pojedinih vijećnika koji kostatuju da su to čuli prije dan, dva ili pet. Ne mogu prije nego što započnem sa ovom diskusijom da ne odam priznanje uposlenicima Centra za socijalni rad i ne mogu da ne iskažem stav koji smo mi kao Klub vijećnika Demokratske fronte i izgradili prije ove sjednice, izgradili i rekli da je apsolutno jačanje kadrovskih i materijalno tehničkih kapaciteta Centra za socijalni rad prioritet našeg grada. A evo zbog čega. Činjenica o kojim mi govorimo da je evidentirano tridesetoro djece demantirana evo i na ovoj sjednici Gradskog vijeća već puka anketa tipa opažanja pokazuje da to nije broj taj od trideset. Ali kako će neko evidentirati ukoliko ima manje od 50% uposlenika za, za obavljanje djelatnosti za koju je i zadužen.

Nego zamolio bih pored svih ovih kategorija zapošljavanja o kojima je govorio kolega Mehmedinović, o svemu onome o čemu je govorio moj uvaženi prijatelj Dejan Kovačević i dodam da bi trebalo izvršiti i prijem određenog broja zdravstvenih profesionalaca u Centru za socijalni rad koji bi odmah mogli prepoznati određena stanja i oboljenja i raditi na njihovom liječenju a u dodatnom dijelu raditi i na prevenciji.

Htio bih pri tome da i formiram dio zaključaka. Obzirom da je ovdje predlagano da se liječenje, odnosno pružanje usluga centra Zavoda za socijalnu i psihološku podršku univerzitetskog centra bude besplatno. Odmah da kažem da ono jeste besplatno. Zavod za socijalni rad i psihosocijalnu podršku Univerzitetskog kliničkog centra ima 4 osnovne djelatnosti od naučno istraživačkog rada, pružanja psihološke i socijalne potpore bolesnima,

pružanje psiholoških i socijalne podrške uposlenicima ali ima i ambulantu dakle, u kojoj pruža besplatne usluge psihološke i socijalne podrške svim građanima Tuzlanskog kantona.

Drugo: Edukacijsko rehabilitacijski fakultet na kojim radi uvaženi kolega profesor Mehmedinović bi trebao da napravi specijalni sporazum sa Centrom za socijalni rad pa predlažem da i to uđe u zaključak gdje bi se pružala određena međusobna saradnja, razmjena znanja iskustava i prezentacija postignutih rezultata, pa vas molim da to bude i dio zaključaka. Naravno...(Slađana Krajina govori bez uključenog mikrofona op.a.) (ANA PEJIĆ – Možete ponoviti zaključak samo ako nije problem?) Ja mogu ponoviti što god hoćete. (ANA PEJIĆ – Možete samo ponoviti da može Slađana zapisati?) Dakle, situacija, si...(SLAĐANA KRAJINA – Gradsko vijeće sugerije menadžmentu Edukacijsko-rehabilitacijskog fakulteta jel tako?) Jeste i Centru za socijalni rad grada Tuzla da sklope međusobni sporazum o saradnji sa ciljem razmjene znanja i iskustava u cilju što efikasnije pomoći korisnicima Centra za socijalni rad.

Takođe u zaključku predlažem prijem i dijela zdravstvenih profesionalaca u Centar za socijalni rad kako bi adekvatno radili na prevenciji zaraznih i masovnih nezaraznih oboljenja te vršili stalnu komunikaciju sa zdravstvenim ustanovama unutar Tuzlanskog kantona. Hvala.

Ja mislim da su sad zaključci otprilike jasni i još kratka jedna opaska. Molio bi da se zvanje ljekar koje se često koristi u ovoj kući zamjeni sa zvanjem doktor medicine, ljekar i doktor medicine nisu ista dakle, kategorija pa vas molim da upotrebljavate ispravan naziv. Hvala svima. (MENSUR ALIĆ – Samo da zapamtimo.)

ANA PEJIĆ

Zahvaljujem se.

Da li se još neko jav...? (ERVIN ALIBEGOVIĆ – Pamti se to od 63-će pa eto kad izmjene zakon...)

Da li se još neko javlja za diskusiju vijećnika?

S obzirom da nema više prijavljenih dajem riječ direktorici Centra za socijalni rad gospođi Lejli Sadiković. Izvolite Lejla.

LEJLA SADIKOVIĆ – direktorica Centra za socijalni rad Tuzla

Poštovana predsjedavajuća, poštovani vijećnici, svi prisutni ja ću samo ukratko da se fokusiram na nekoliko opažanja koji su izneseni u toku same diskusije s obzirom da su na osnovu toga koncipirani zaključci. Znamo svi problematika koliko je kompleksna i koliko se ona usložnjava iz dana u dan mislim jednostavno to je odraz cjelokupne situacije u društvu.

Ovaj dio koji je naveo kolega Senad meni se čini da negdje otprilike 3 godine se mi borimo da socijalni pedagozi uđu uopće u sistem socijalne zaštite nije do nas vjerujte jer oni su nama zaista potrebni. Mi imamo sporazum ovaj, sa fakultetom Edukacijsko-rehabilitacijskim i dolaze studenti na praksu međutim, ne možemo koristiti kapacitete u onom obimu u kome bi trebalo. Mi smo pokrenuli jednu inicijativu na nivou Federalnog ministarstva za rad i socijalnu politiku da se standardi koji su poprilično zastarjeli, a znate vi o kome se radi i koji su to dijelovi jednostavno dopune zanimanjima koja su nama sad potrebna.

Pedagog psiholog je zanimanje dakle, koje na Univerzitetu u Tuzli postoji i imate jedan određeni broj kolega koji su završili dakle, taj fakultet mi po standardima ne možemo da ih zaposlimo jer ne predviđa se uopšte ta-kvo zanimanje u Centru. Jednako je i sa socijalnim pedagozima. Meni je drago što postoji ponovno jedan takav zaključak. Mi smo u izradi svojih akata, ja sam dobila vaše ovaj, vijećničko pitanje predložili da to bude i socijalni pedagog umjesto socijologa kao što je to bilo do sada i naravno malo se sve to usporilo jer smo morali mjenjati pravila, odnosno Statut ustanove zbog u međuvremenu izvršene kontrole od strane Federalne porezne uprave.

Kad je u pitanju Fond za zaštitu i profesionalnu rehabilitaciju invalida mi imamo zaista ugovor sa njima i jako dobru saradnju. Radili smo i na neki način edukacije tih osoba u onom segmentu koliko su oni zainteresovani zaista ovaj, da se zapošljavaju u Centru i prvi smo koji se prijavljuju na takvu vrstu javnih poziva ukoliko postoji opcija. Dakle, imamo direktnu saradnju sa direktorom tamo u fondu. Što se nas tiče kao Ustanove imamo ispunjeno sve po pitanju broja invalidnih lica koja su zaposlena s obzirom na taj procenat tako da se nadam da će u dogledno vrijeme bit javnih poziva na koje ćemo aplicirati. Moram napomenuti da nisu baš osobe zainteresovane da rade.

Kada govorimo o drugom kadru koji nama treba teško ćemo mi zdravstvenu struku zaposlit u Centar s ovim primanjima. Znate. Vrlo malo lica se generalno javlja na, na te konkurse. Mi dobivamo sredstva svake godine od osnivača dvoje al dvoje ode na ovaj, ili porođajno odsustvo malo duže to traje ili u penziju pa se nekako otprilike vrtimo ovaj, na istom broju. Ono što mi je drago čuti jeste da smo poprilično posvetili ovaj, dobar dio sjednice ovoj problematici ali zaista ovaj, uključeni smo u toliko veliki broj popisa direktno i indirektno i više mislim da i svi oni kapaciteti koje bi bilo kakva Ustanova socijalne zaštite u Bosni i Hercegovini imala teško bi mogla odgovoriti ovim problemima.

Moram napomenuti kada su u pitanju zaključci vezani za prihvatilište za odrasle. Mi smo taj projekat uredili prije 7 godina. Nismo nadležni a nije ni Grad da formira jednu takvu Ustanovu dakle, Zakon o socijalnoj zaštiti na nivou kantona je tačno precizirao da osnivač može biti i kanton. U tom pravcu smo reagovali prema našem resornom ministarstvu. Aplicirali smo na jedan projekat zajedno s njima ne možemo bit mi kao pojedinci i mislim da je već prva faza tog projekta odobrena. Ne mogu pričati o tome jer se sve dešava u Ministarstvu za rad i socijalnu politiku i postoje indicije da bi to trebala da bude u stvari jedan nadograđeni dio Ustanove na području grada Tuzla. Nama zaista to treba to je prvih 72 sata da izvršimo apservaciju tih osoba za koje dobijemo dojavu da se nalaze na području grada dok vidimo zaista da li oni žele da se smjeste. Ponekad i te dojave, sve te informacije na društvenim mrežama, svi ti pozivi i nisu baš tačni. Ja bih evo s ovog mjesta zamolila ovaj, da uvijek kada imate neke apele za pomoć slobodno nas kontaktirajte. Nisu rijetke situacije da pomažemo ljudima koji su već u potpunosti socijalno zbrinuti dakle, ustanove socijalne koriste...djeca su im u brizi znači, od rođenja smješteni su u domove a mi pružamo podršku i jako puno ljudi određene donacije ostavlja na mjesta gdje te osobe uopće ne žive. Dakle, evo kad je u pitanju prihvatilište za odrasle to su aktivnosti koje smo poduzeli.

Kad je u pitanju ovaj dio koji se tiče djece. Gledam u vas Senade zbog ove ideje. Zaista socijalni pedagozi su nam neophodni. Vrlo malo ih ima u školama. Ne možemo baš preventivno djelovati i onda dobijemo dijete koje nije ni za zdravstveni ni za socijalni sektor. Jedna od naših preporuka upravo jeste da se realizuju zaključak Vlade Tuzlanskog kantona od 18. 03. gdje je pri Javnoj ustanovi odgojni centar, dakle nekada disciplinski centar u skladu sa njihovim mogućnostima jednostavno ovaj, dat nalog da treba da se formira jedan poseban odjel za tu djecu koji pored poremećaja u ponašanju nažalost su u prostituciji i vrlo često ovaj, su to djeca koja su konzumenti opijata, odnosno narkotičkih sredstava. Zaista imala sam potrebu ovo je vrlo kratko. Ja se izvinjavam ovaj, na vremenu. Vrlo je opsežna ovako problematika tako da mislim i nadam se da, da jednostavno taj naš obim poslova će bit što manji, a da se počnemo baviti nekim malo ljepšim stvarima.

Ovdje nismo spomenuli hraniteljstvo. Tu smo prvi u Bosni i Hercegovini po broju djece. Nismo spomenuli usvojenje. Nismo spomenuli ni projekte, ali evo uspjeli smo barem prošle godine negdje otprilike 10% našeg Budžeta da putem projekata obezbjedimo i da barem koliko koliko poboljšamo uslove rada s obzirom da, da se plaće u cjelosti ovaj, finansiraju iz sredstava osnivača. Hvala vam za punu podršku. Hvala vam za, za sve ove zaključke. Svi su konstruktivni i evo ovdje ispred svih uposlenika zaista apelujem barem kada je u pitanju ovaj

njihov status i službene osobe ali i u ovom materijalnom dijelu da nam budete puna podrška. Eto. Hvala.

ANA PEJIĆ

Zahvaljujem se direktorici Centra za socijalni rad gospođi Lejli Sadiković.

A sada stavljam na izjašnjavanje Izvještaj o radu Javne ustanove Centar za socijalni rad Tuzla za 2024. godinu. (ERVIN ALIBEGOVIĆ – Poslovnička molim vas.) Poslovnička vijećnik Ervin Alibegović. Izvolite.

ERVIN ALIBEGOVIĆ

Obzirom da je formiranje...Hvala vam prvo što ste mi dali mogućnost da poslovnički reagujem u skladu sa Poslovnikom o radu Gradskog vijeća, ali ne mogu da ostanem ne dorečen. Dakle, obzirom da ide formiranje zaključaka. Potpisivanje specijalnog sporazuma sa Edukacijsko rehbalitacijskim fakultetom nije isto što i obavljanje prakse ili staža u određenoj Ustanovi.

Dakle, jasno ostajem pri zaključku da se to uvažavajući još jednom sve ono što uposlenici Centra za socijalni rad rade dakle, uvažavajući angažman direktorice Centra za socijalni dakle, ostajem pri prijedlogu ovog zaključka da se potpiše specijalni sporazum, jer da po-stoji ne-bi bi-lo ovakve diskusije na Vijeću i vjerujem da bi za takav sporazum kolega Mehmedinović znao. Hvala.

ANA PEJIĆ

Ostaje vaš zaključak ne sikirajte se za to. (ERVIN ALIBEGOVIĆ – Hvala vam.)

Stavljam na izjašnjavanje Izvještaj o radu Javne ustanove Centar za socijalni rad Tuzla za 2024. godinu. Glasanje je okončano.

Konstatujem da JE IZVJEŠTAJ O RADU JAVNE USTANOVE CENTAR ZA SOCIJALNI RAD TUZLA ZA 2024. GODINU usvojen sa,
23 glasa za, nije bilo protiv i nije bilo suzdržanih.

Da li ste zato da zaključke u paketu glasamo? (Može.) U redu. Izvolite Slađana pročitajte zaključke.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla smatra da je neophodno sistemski ojačati timove za porodičnu zaštitu. Zbog sve izraženijeg porasta razvoda, konflikata oko starateljstva, zloupotreba djece u roditeljskim sukobima i emocionalnih trauma kod maloljetnika, neophodno je uspostaviti, posebno pojačane, multidisciplinarnе timove (socijalni radnik, psiholog, pedagog, pravnik) koji će imati kapacitete za pravovremenu i cjelovitu zaštitu interesa djeteta. Broj slučajeva porodičnih kriza raste eksponencijalno a odgovor sistema ne smije ostati statičan.

-Gradsko vijeće Tuzla smatra da je neophodno uspostaviti obaveznu i kontinuiranu edukaciju stručnog osoblja Centra za socijalni rad Tuzla.

- Gradsko vijeće Tuzla smatra da je neophodna stalna stručno-metodička obuka osoblja Centra za socijalni rad s posebnim fokusom na:

- zaštitu maloljetnika i prevenciju zloupotrebe djece u roditeljskim konfliktima,

- prepoznavanje i postupanje u slučajevima rodno zasnovanog nasilja,
- krizne intervencije, hitne mjere i koordinaciju s drugim institucijama.

Takva edukacija mora biti sistemska, akreditovana i usklađena s najnovijim stručnim i međunarodnim standardima.

- Gradsko vijeće Tuzla smatra da je neophodno uspostaviti krizni fond za hitne slučajeve smještaja i intervencije. U okolnostima kada je ugrožena sigurnost djeteta, starije osobe ili osobe s invaliditetom, svaka minuta može biti presudna. Zato je potrebno formirati namjenski krizni fond iz kojeg bi se mogle finansirati hitne intervencije - smještaj, medicinska podrška, transport, psihološka pomoć - bez čekanja na spor administrativni postupak.

- Gradsko vijeće Tuzla smatra da je neophodno institucionalno ojačati međusektorsku saradnju sa pravosuđem, školama i zdravstvenim ustanovama.

Centar za socijalni rad mora imati aktivnu ulogu u svim fazama odlučivanja o sudbini djeteta, starateljstvu, lišenju poslovne sposobnosti i zaštiti žrtava nasilja. To podrazumijeva sljedeće:

- da se stručna mišljenja Centra tretiraju kao obavezni elementi odlučivanja u sudskim i upravnim postupcima,

- da škole i zdravstvene ustanove pravovremeno dostavljaju informacije i sarađuju s Centrom u ranim intervencijama,

- da sudovi i tužilaštva redovno uključuju Centre u postupke koji se odnose na maloljetne i ugrožene osobe.

- Gradsko vijeće Tuzla traži od resornih Službi Grada Tuzle, Ministarstva za rad i socijalnu politiku Tuzlanskog kantona i Ministarstva za rad i socijalnu politiku Federacije Bosne i Hercegovine da predvidi i odvoji sredstva rebalansom svojih budžeta i, uz saradnju sa Centrom za socijalni rad Tuzla, uspostavi fondove za hitne i krizne slučajeve korisnika tipa (porodično nasilje, hitni smještaj šticećenika, zdravstvena pomoć i osiguranje i dr.).

- Gradsko vijeće Tuzla traži od gradonačelnika i resornih Službi da se razmotri mogućnost da se iz Budžeta Grada Tuzle izdvoje finansijska sredstva za povećanje broja stručnih radnika (defektolog, socijalni pedagog, socijalni radnik itd.) kao i saradnika (vozač-domar i higijeničar), u skladu sa propisanim standardima i stvarnim potrebama korisnika Centra za socijalni rad Tuzla te da se putem finansiranja i sufinansiranja omogući kontinuirano stručno usavršavanje svih zaposlenih a prioriteto defektologa, socijalnih pedagoga i socijalnih radnika putem edukacija, seminara i stručnih radionica. Molim? (vijećnik Senad Mehmedinović govori bez uključenog mikrofona op.a.) Znači, prioriteto defektologa edukatora rehabilitator. Umjesto da brišemo skroz defektologa ili da ostane? (vijećnik Senad Mehmedinović govori bez uključenog mikrofona op.a.) Znači, a prioriteto edukatora (ANA PEJIĆ – Haj molim vas samo za malo tišine da nastavimo.) a prioriteto edukatora rehabilitatora (defektologa odgovarajućeg usmjerenja), socijalnih pedagoga i socijalnih radnika putem edukacija, seminara i stručnih radionica.

- Gradsko vijeće Tuzla traži od resornih Službi da razmotre mogućnost da se iz Budžeta Grada Tuzle izdvoje dodatna finansijska sredstva za povećanje za osnovne i proširene djelatnosti Centra za socijalni rad Tuzla.

- Gradsko vijeće Tuzla traži od Federalnog ministarstva rada i socijalne politike da, u skladu sa članovima 180. i 181. Porodičnog zakona Federacije Bosne i Hercegovine, omogući adekvatnu naknadu za socijalne radnike-staratelje Centra za socijalni rad Tuzla.

- Gradsko vijeće Tuzla nalaže nadležnim službama Grada Tuzle da razmotre mogućnost da se iz Budžeta Grada Tuzle do kraja tekuće 2025. godine odvoje dodatna finansijska sredstva za povećanje plaća uposlenika Centra za socijalni rad Tuzla u iznosu od 10% bruto plaće.

- Gradsko vijeće Tuzla traži od Ministarstva zdravstva Tuzlanskog kantona, Zavoda za javno zdravstvo Tuzlanskog kantona i Ministarstva za rad, socijalnu politiku i povratak

Tuzlanskog kantona da, shodno važećim Zakonima, donesu pravilnike, protokole i preporuke za adekvatnu dodatnu finansijsku naknadu (izraženu procentualno od bruto plaće) i mjere zaštite uposlenika Centra za socijalni rad koji su direktno izloženi i koji rade sa osobama koje boluju od zaraznih bolesti (HIV, hepatitis, itd.), duševnim bolesnicima i osobama koje su u skitnji ili su beskućnici.

- Gradsko vijeće Tuzla traži od nadležnih Ustanova, Javne zdravstveno nastavne ustanove Dom zdravlja „Dr. Mustafa Šehović“ Tuzla, UKC Tuzla, Ministarstva zdravstva Tuzlanskog kantona i Ministarstva za rad, socijalnu politiku i povratak Tuzlanskog kantona da obezbijede besplatnu psihosocijalnu podršku za uposlenike Centra za socijalni rad Tuzla te da nadležna Ministarstva osiguraju mehanizme za prevenciju „sagorijevanja na poslu“, time uključujući psihološku podršku i superviziju, prilagođeno radno vrijeme uposlenika i poboljšanje uvjeta rada uposlenika Centra za socijalni rad Tuzla.

- Gradsko vijeće Tuzla traži od Ministarstva za rad, socijalnu politiku i povratak Tuzlanskog kantona da obezbijede dodatna finansijska sredstva za uvođenje nove usluge u sistem socijalne zaštite u smislu otvaranja prihvatne stanice ili prihvatilišta za odrasla lica pri Centru za socijalni rad Tuzla.

- Gradsko vijeće Tuzla traži od menadžmenta Javne ustanove Centar za socijalni rad informaciju o tome koliko je potrebno sredstava na godišnjem nivou da se zaposli još 5 socijalnih radnika, 2 psihologa, 2 pedagoga psihologa, socijalni pedagog i specijalni edukator rehabilitator.

- Gradsko vijeće Tuzla urgira na realizaciji ranije usvojenih zaključaka kojim je traženo da se svake godine zaposle dva socijalna radnika u Centru za socijalni rad Tuzla.

- Gradsko vijeće Tuzla pokreće inicijativu za uspostavu nove usluge socijalne zaštite, prihvatilište za odrasle (osobe u stanju socijalne potrebe koje nemaju osigurano noćenje, smještaj, njegu ili podršku) i s tim u vezi se zadužuje Javna ustanova Centar za socijalni rad Tuzla da u roku od 60 dana izradi prijedlog modela organizacije prihvatilišta, analizu prostornih i kadrovskih kapaciteta, procjenu potrebnih finansijskih sredstava i eventualnu mogućnost korištenja postojećih objekata u vlasništvu Grada Tuzle.

- **Gradsko vijeće** Tuzla upućuje inicijativu Federalnom ministarstvu rada i socijalne politike i Federalnom ministarstvu pravde za izmjenu i dopunu člana 2. stav (3) Krivičnog zakona Federacije Bosne i Hercegovine, kojim se definira pojam „službene osobe“, te da se i osobe zaposlene u ustanovama socijalne zaštite obuhvate ovom definicijom. (vijećnik Mirza Malkočević govori bez uključenog mikrofona op.a.) Svjetlana? Pa ovo je vijećnica predložila zaključak mislim samo ako ona odustane. (ANA PEJIĆ – Pa dobro nek ostane zaključak. Ako jest nek se izjasni. Ja.) Trenutni zakonski okvir im ne pruža adekvatnu zaštitu iako često postaju mete napada, uvreda i fizičkih prijetnji tokom obavljanja svojih dužnosti a obavljaju poslove od vitalnog značaja za zajednicu.

- Gradsko vijeće Tuzla traži od Ministarstva unutrašnjih poslova Tuzlanskog kantona i Policijske uprave Tuzla da pojačaju kontrole na području grada Tuzle u cilju sprečavanja prosjačenja, naročito kada su u pitanju maloljetnici, posebno na saobraćajnicama gdje je dodatno ugrožena sigurnost, kako osoba koje prose, tako i samih vozača.

- Gradsko vijeće Tuzla prihvata zaključak Komisije za ekonomske odnose te...(MIRNES AJANOVIĆ – Mogul riječ?)

ANA PEJIĆ

Izvolite vijećnik Mirnes Ajanović.

MIRNES AJANOVIĆ

Samo ovaj dio oko prosjačenja. A posebno jer se radi o izvršenju krivičnih djela stavite.

SLADANA KRAJINA – sekretar Gradskog vijeća Tuzla

U cilju sprečavanja prosjačenja...

MIRNES AJANOVIĆ

A posebno jer se radi o izvršenju krivičnih djela iz člana 210a. stav (2) i 219. stav (2) Krivičnog zakona FBiH. Nek ima i taj dio. Hvala.

SLADANA KRAJINA – sekretar Gradskog vijeća Tuzla

Dajte mi samo ponovo članove molim vas. Krivičnih djela iz člana (MIRNES AJANOVIĆ - 210a. stav (2) i 219. stav (2) KZ FBiH. Okej.) naročito kada su u pitanju maloljetnici, posebno na saobraćajnicama gdje je dodatno ugrožena sigurnost, kako osoba koje prose, tako i samih vozača.

- Gradsko vijeće Tuzla prihvata zaključak Komisije za ekonomske odnose te predlaže Gradonačelniku, Službi za ekonomski razvoj, poduzetništvo i poljoprivredu i Službi za budžet i finansije da, u skladu sa Zahtjevom Javne ustanove Centar za socijalni rad Tuzla, broj 08-11-sl. DM od 20.5.2025. godine i Dopunom zahtjeva broj 06-11-sl.-1DM od 28.5.2025. godine, osiguraju dodatna sredstva iz Budžeta Grada Tuzle za 2025. godinu u iznosu od 20.000,00 konvertibilnih maraka za usklađivanje plata radnika Javne ustanove Centar za socijalni rad Tuzla (tj. povećanje u iznosu od 10%) a koje je neophodno s obzirom na porast cijena i troškova života.

- Gradsko vijeće Tuzla sugerise menadžmentu Edukacijsko-rehabilitacijskog fakulteta i menadžmentu Centra za socijalni rad Tuzla da slope međusobni sporazum o saradnji sa ciljem razmjene znanja i iskustava u cilju što efikasnije pomoći korisnicima Centra.

- Gradsko vijeće Tuzla upućuje preporuku za prijem i dijela zdravstvenih profesionalaca u Centar za socijalni rad Tuzla koji bi adekvatno radili na prevenciji zaraznih i masovnih nezazarnih oboljenja te vršili stalnu komunikaciju sa zdravstvenim ustanovama unutar Tuzlanskog kantona.

I pretpostavljam da je zaoključak.

- Gradsko vijeće Tuzla u potpunosti podržava zaključke i mjere date u Izvještaju o radu Centra za socijalni rad.

ANA PEJIĆ

Vijećnik Dejan Kovačević jeste se vi javili nešto? (Jesam. Samo ako može jedna ispravka?) Izvolite. Možete uključiti mikrofon?

DEJAN KOVAČEVIĆ

Ide otprilike na sredini tih zaključaka gdje glasi:

- Gradsko vijeće Tuzla traži od nadležnih ustanova Dom zdravlja, UKC i ministarstva pa samo da obezbijede umjesto riječi besplatnu psihosocijalnu podršku. Ona je svakako besplatna. Da obezbijede kontinuiranu psihosocijalnu podršku. Samo umjesto besplatnu kontinuiranu.

ANA PEJIĆ

U redu. Stavljam na izjašnjavanje pročitane zaključke. Glasanje je okončano. Konstatujem da su pročitani zaključci usvojeni sa, 23 glasa za, nije bilo protiv i nije bilo suzdržanih.

Prelazimo na sljedeću tačku dnevnog reda:

RAZMATRANJE INFORMACIJE O REALIZACIJI INTEGRISANE STRATEGIJE RAZVOJA GRADA TUZLE DO 2026. GODINE, REVIDIRANA STRATEGIJA RAZVOJA GRADA TUZLE 2019. – 2021. GODINE, INFORMATIVNI PERIOD 2024. GODINA

Predlagač: gradonačelnik Grada Tuzla.

Obradivač: Stručna služba za poslove gradonačelnika.

Materijal su razmatrali: Komisija za ekonomske odnose, Komisija za saradnju sa jedinicama lokalne uprave i samouprave i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaji izvještaj Komisija? (Nema.)

Otvaram raspravu Klubova vijećnika. Vijećnik Mirnes Ajanović. Izvolite. (MENSUR ALIĆ – Kratko.)

MIRNES AJANOVIĆ

Formalni nesusštinski pregled strateških ciljeva i ova strategija nema baš konkretne pokazatelje analize učinka i jasnog odgovora da li ostvaruje promjene života u gradu Tuzla. Ovo je birokratski izvještaj. Dobro šta ćemo to je isto tako politika. Služi kao...Ma evo ja ću kraće ovo što reče Mensur.

Strateški...Idem konkretno. Strateški cilj održiv ekonomski razvoj konkurentnost privrede. Nema konkretnih podataka o efektima poduzetih mjera. Ne treba pisat ništa pa ćemo stavit generalno da oni ovo pročitaju pa nek vide ako šta treba iz ovog da izvuku. Da ne pišete. Da. I ove ostale diskusije. Tako da nemojte ništa pratiti. Ako treba poslat ću ovo?

Dakle, pod jedan:

Nema konkretnih podataka o efektima poduzetih mjera. Nedostaje analiza broja novootvorenih radnih mjesta, rasta izvoza, investicije ili podrške o poduzetništvu. Ne znamo da li su poduzetničke mjere da li te mjere funkcionišu.

Prijedlog: Formirati registre, te rezultate mjera ekonomskog razvoja sindikatorima po godinama.

Dva: Poslovne zone su neaktivirane. Nisu sve naravno. A sistemska podrška sektor izostaje „Kreka sjever“ i druge zone nisu infrastrukturno završene. Ovo što Mensur stalno forsira i insistira i gura. Evo dodatna dakle, potpora.

Nema oslobađanja od komunalnih naknada za investitore ni mehanizama za poticaj zelene industrije.

Prijedlog: Pojednostaviti procedure i omogućiti direktnu podršku mikro i malim preduzećima i ostalim svima naravno.

Tri: ne postoji sistemska politika povlačenja EU sredstava. Nema ni podataka ni tima koji se bavi EU projektima. Ostali gradovi u BiH imaju značajno bolje povlačenje sredstava iz IPA, Interreg, Erasmus itd. projekata.

Prijedlog: Osnovati kancelariju. Već ima ovaj TRAG za međunarodne projekte i saradnju sa dijasporom na način da radi malo više, efikasnije, prepisuje od ostalih i pita kako rade itd.

Strateški razvoj cilj dva: Povezanost infrastruktura i zaštita okoliša. Rubna naselje ostaju bez osnovne infrastrukture. Evo dobio sam jedan prijedlog. Sad ako kažem tu onda će reći a što ne i ostalim? Pa ne mogu nažalost. Možemo mi dobiti kaže kako igralište gdje djeca mogu izaći? Ljudi traže da se mogu igrati da ne moraju ići svugdje. Da ih možemo gledati da ih vidimo.

Mnoge mjesne zajednice nemaju asfalt, vodovod, kanalizaciju adekvatnu, javni prevoz. Evo sad se to malo poboljšava ali govorim o strategiji. I tri četiri godine kad prođe pitanje je šta će biti kasnije. Dok se govori o strategiji i o ravnomjernom razvoju.

Prijedlog: Donijeti plan hitnih kapitalnih ulaganja u najugroženije mjesne zajednice.

Nacrt prostornog plana. Evo TK-a direktno ugrožava razvoj grada. U planu se ponovo predviđa izgradnja gasnog skladišta plina, litijuma uprkos odlukama Vijeća sedamneste, od sedme, šesneste i dvajspete godine. Vijeće mora usloviti saglasnost na prostorni plan brisanje tih odredbi i uvođenje mikro sanacija kao novog pravnog instituta. O ovome ćemo kasnije o tome.

Urbanistički razvoj ne prati ekološke i bezbjedonosne standarde. Nema sistemskog mapiranja klizišta, pos-rudarskih radova, zona od zagađenja što stvara pravne sigurnosti i blokira legalizaciju objekata.

A ovo sad što ovdje radim to ću kroz ovu zadnju tačku kad bude prostorni plan dati neke određene i konkretne prijedloge a ovdje neću se uvlačiti u to da ne bi dvaput ponavljao.

Prijedlog: Usvojiti tehnički i pravni model mikrosanacije terena i omogućiti građanima ulaganje u stabilizaciju vlastitih domova.

Ona će biti malo tačka obimnija sljedeća kad budemo govorili o prostornom planu.

Strateški cilj i ljudski resursi, kvalitet života i socijalna uključenost:

Evo Centar za socijalni rad radi u izuzetno teškim uslovima. Upravo smo raspravljali o tome. Nedostaje osoblje. Nema kriznog fonda. Broj korisnika raste. Porodične traume, maloljetnički problemi, siromaštvo postaju svakodnevnica.

Prijedlog: Jačati kapacitete Centra. Osigurati stalnu edukaciju. Zapošljavanje stručnog kadra. Tamo se poklopile tačke dnevnog reda.

Pod dva: Nasilje, mentalno zdravlje i prava djeca ostaju neadresirani, ne postoje mobilni timovi, nedostaje krizni smještaj, porodično nasilje, poremećaj mentalnog zdravlja, eksplodiraju.

Prijedlog: Uspostaviti fond za krizne intervencije, povezati sistem socijalne zaštite sa školama, policijom i zdravstvom.

Sve smo mi ovo sad prošli kroz ove rasprave i zaključke ali ovo je sad strategija. Jeste. Samo kratko.

Tri: Nema jasne evaluacije ni jednog pokazatelja socijalne politike koliko je korisnika primilo pomoć, koliko djece iz rizika je obuhvaćeno, koliko (nerazgovjetno izgovorena riječ op.a.) je izašlo iz statusa socijalne potrebe. Odgovora nema.

Prijedlog: Uvesti sistem redovne analize efikasnosti i mjera po modelu evaluacije EU projekata.

Četiri: Strateški cilj. Dobro upravljanje i javna administracija.

Ne koristi strategija alat upravljanja. Informacija ne nudi podatke o stepenu realizacije po mjerama, ne postoji dinamika implementacije i analiza odstupanja.

Prijedlog: Obavezati sve Gradske službe na kvartalno izvještavanje o realizaciji svojih strateških zadataka makar ukratko. Ne opterećavati previše službenike.

Dva: Učešće građana je formalno a ne suštinsko. Ne postoji savjetodavno djelo za strategiju. Građani nemaju informaciju šta strategija provodi.

Osnovati dakle, prijedlog: Savjet za praćenje strategije. Uključiti i mjesne zajednice, civilni sektor. Imamo sad povjerenike mogu oni direktno djelovati.

Tri: Nedostatak inter-sektorske koordinacije. Strategija mora bit operativni dokument koji obezbjeđuje aktivnosti svih sektora ne-izolovan birokratski spi-sak.

Prijedlog: Uspostavit funkcionalnu koordinaciju između javnih preduzeća, gradskih službi i vanjskih aktera. I za-k-lju-čno: Strategije razvoja Grada do 2026. godine.

Kako je predstavljeno kroz ovu informaciju nije adekvatno u funkciji razvoja. Nema sistemsku evaluaciju ni jasnu političku volju da postane obavezuju-ća nego je samo eto onako napisano.

Traži se izrada stvarnog evaluacijskog izvještaja po mjerljivim indikatorima. Javna prezentacija rezultata po mjesnim zajednicama. Korektivne mjere za sve strateške ciljeve u skladu sa nalazima i zahtjevima Gradskog vijeća. Strategija bez provedbe i bez odgovornosti nije strategija već deklaracija a građanima treba konkretna promjena a ne dokument bez života. Et krat-ko. Pa ne trebaju zaključci. Ovo je ono generalno uopšteno. (SLAĐANA KRAJINA – Zaključak da se traži od gradonačelnika i od Stručne službe da razmotri sve prijedloge.) Jeste. To je to. Hvala.

ANA PEJIĆ

Zahvaljujem se. Sljedeća za riječ javila se vijećnica Svjetlana Kakeš. Izvolite.

SVJETLANA KAKEŠ

Hvala evo ja u ime Kluba ali i u osvrtu na prethodnu diskusiju više sam shvatila diskusiju vijećnika Ajanovića kao kritku postojeće strategije i većina ovih, ovih konstatacija i stoji mislim kad imamo u vidu da je i postojeća strategija rađena 2012-te od tad se mnogo promjenilo u metodologiji.

Ova informacija o realizaciji revidirane strategije, jer je strategija dijelom revidirana 2018. godine je urađena u skladu sa metodologijom koju je propisala, propisalo Federalno ministarstvo Zakonom o razvojnom planiranju i Uredbom o izradi stateških dokumenata.

Ne-ću ja. Skratit ću. Puno sam više planirala ali ću skratit. Samo bih ja ovaj, konstatovala da je evidentno ostvaren napredak u toku prošle godine u unapređenju skoro svih ovih parametara i lokalne infrastrukture i izgradnje saobraćajnica, projekata vodosnabdjevanja, socijalnih projekata, kulture i ostalo. S tim što trebamo imati u vidu da su neki od projekata započeti u 2023-ćoj a nisu još završ...odnosno 24-toj nisu još završeni tako da nisu ni ušli u ovu statistiku koja je ovdje prezentirana.

Najvažniji preduslov za realizaciju strateškog plana il bilo kojeg plana rada je donošenje realizacija Budžeta, a imajući u vidu da smo u prošloj godini imali rekordan Budžet onda možemo samo uputi pohvale i gradonačelniku i Gradskoj upavi na ostvarenom rezultatu.

E sad, s obzirom pogotovo imajući u vidu ove sve sugestije koje je dao kolega vijećnik Ajanović s obzirom da aktuelna strategija razvoja ističe naredne godine. Pretpostavljam da će i ove sugestije koje smo čuli bit korisne u pripremi aktivnosti za izradu nove strategije i ja se nadam i pretpostavljam da je Grad već poduzeo aktivnosti jer za izradu dobre i kvalitetne strategije treba otprilike do godinu dana tako da se nadam da su te aktivnosti već počele.

U skladu sa Zakonom o razvojnom planiranju i EU preporukama strategije se trebaju donosit za sedmogodišnji period pa vjerovatno će i naša naredna strategija bit za period 27-ma-33-ća kako bi ispoštovali taj princip i očekujemo da će i ovo Vijeće biti u prilici da zajedno sa svim građanima, privrednim subjektima, akademskom zajednicom, nevladinim organizacijama i drugim subjektima učestvuje u kreiranju nove strategije za novi sedmogodišnji period.

Predlažem da prihvatimo Informaciju uz preporuku gradonačelniku i nadležnim Gradskim službama da se koliko je to moguće u skladu sa mogućnostima ubrza početak izrade nove Strategije razvoja za period, za naredni sedmogodišnji period i da se taj postupak provede uz poštovanje principa i integracije i participacije i što većeg broja zainteresovanih aktera koji mogu dati doprinos u izradi strategije. Hva-la.

ANA PEJIĆ

Zahvaljujem se. Dal se još neko javlja ispred Klubova vijećnika?
Zaključujem diskusiju Klubova vijećnika.
Otvaram diskusiju vijećnika. (MENSUR ALIĆ – Nema niko.)
Zaključujem diskusiju vijećnika.

Te konstatujem da je GRADSKO VIJEĆE TUZLA PRIMILO K ZNANJU INFORMACIJU O REALIZACIJI INTEGRISANE STRATEGIJE RAZVOJA GRADA TUZLE DO 2026. GODINE, REVIDIRANA STRATEGIJA RAZVOJA GRADA TUZLE 2019. – 2021. GODINE, INFORMATIVNI PERIOD 2024. GODINA.

Sada dajem pauzu od 10 minuta. (SLAĐANA KRAJINA – Pa zaključak samo. Samo zaključak da glasamo.) U stvari evo i zak... Hajd da završimo zaključak pa onda. Izvolite.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od gradonačelnika i od Stručne službe za poslove gradonačelnika da razmotre i analiziraju sve primjedbe, prijedloge i sugestije vijećnika date tokom rasprave o Informaciji o realizaciji integrisane Strategije razvoja grada Tuzle do 2026. godine, revidirana Strategija razvoja grada Tuzle 2019. - 2021. godine, informativni period 2024. godina.

ANA PEJIĆ

Stavljam na izjašnjavanje pročitani zaključak. Glasanje je okončano
Konstatujem da su pročitani zaključci usvojeni sa,
20 glasova za, nije bilo protiv i nije bilo suzdržanih.

I dajem pauzu od 10 minuta.

(Pauza.)

Pozivam vijećnike da uđu u salu kako bismo nastavili sa radom.

Rasprava o nacrtu prostorno..Možel samo malo tišine nastavljamo sa radom.

RASPRAVA O NACRTU PROSTORNOG PLANA ZA PODRUČJE TUZLANSKOG KANTONA ZA PERIOD 2025-2045 GODINA

Obrađivač je Ministarstvo prostornog uređenja i zaštite okolice Tuzlanskog kantona.
Materijal su razmatrali: Komisija za prostorno uređenje i zaštite okoline i Klubovi vijećnika.

Da li ima potrebe za uvodnim izlaganjem? (Nema.)
Da li ima potrebe da se pročitaju izvještaji Komisija?

Otvaram raspravu Klubova vijećnika. Vijećnik Mirnes Ajanović. Izvolite.

MIRNES AJANOVIĆ

Ovo ja, sad malo duža moja diskusija prilično. (MENSUR ALIĆ – Nemoj dugo molim te.) Kaže: Nemoj dugo. Ja. Ono kad bi rasparsačili bilo bi jedno pola sata al nećemo bit će vrlo kratko.

Ovo je situacija gdje mi u ovom prostornom planu imamo agresiju na Tuzlu Tuzlanskog kantona. Hajd što imamo Milorada Dodika što on hoće litij da ovdje proda i Republiku Srpsku bilo kome pa da sebi ostvari interese. Šta ima interes Tuzlanski kantona? I oni isto ko Milorad Dodik ka-žu citiram: Područje zapadne Majevice kao perspektivno područje za istraživanje i eksploataciju litijuma, bora, magnezijuma. Pa nisu normalni. Šta je ovoj Skupštini? Vladi? Hajd razumijem onaj ministar obrazovanja što svašta nešto zna napraviti pa i još nešto što ću kasnije reć. Neću sad. Al ovo nije normalno.

A onda drugo. Već smo pisali i u najkraćem dakle, ja sam napravio ovdje jedan tekst ili dio koji se može postaviti, predstaviti kao evo uz zaključke dopunski materijal gdje smo mi, prepričao sam ono što smo mi kao Vijeće zauzeli u vezi ovog litija a mogu se i staviti pošto već imamo i o ovoj strategiji predlažem i u zaključku da bude stav Službe za prostorno uređenje i zaštitu okoline od 25.06. I oni su isto kritikovali. Dali su komentare u vezi ovoga. I ovo što su dali vrlo je korektno. Dali su još neke prijedloge, zaključke. Oni su stavili u priloge zaključke Vijeća, Deklaraciju o litiju o Majevici. Dakle, već su pripremili i hvala Službi. Vrlo korektno je ovo uradila. Vrlo bi-tno, savjesno i oni su za nas napravili već ovaj dio posla koji ja predlažem. Dakle, ne-ću više o tome šta znači eksploatacija litija. Mi smo to kao Grad donjeli zaključke. Ovdje imaju prijedlozi. Sekretar je ovlašten da može procijeniti šta može od toga ići. Neću da vas preopterećujem s tim.

Kratko još: Skladištenje plina. Takođe mi smo donjeli sve svoje odluke u vezi samog ovog skladištenja plina. I evo i Služba konstatuje da prema okvirnoj energetske Strategiji Bosne i Hercegovine do 2035. godine na području Tuzlanskog kantona u planskom periodu predviđena je izgradnja podzemnog skladištenja plina Tetima. Isto kanton. Stvarno je ovo nenormalno ponašanje. Ovo je atak na Tuzlu i od strane Federalnog nivoa, ovamo Republike Srpske Milorada Dodika. Sad kanton, vlada, skupština atakuje na grad. Hoće da nam poture i plin, hoće da još litij, hoće još samo da još vlada kaže de vi još spaljujte na otpad i nas pustite niz vodu. E neće. Dakle, imaju i ovi prijedlozi i imaju zaključci koji su objedinjeni u vezi...Imam još jednu tačku pa ću prije ovoga.

Predlažem da idemo sa prijedlogom u prostornon planu na mikro sanaciju klizišta. Mi imamo recimo sad Kulu koja je cijela pod klizištem. Tu mora se cijela padina uraditi. To je puno, puno i previše para. Prijedlog da...Jer imaju ljudi koji hoće. Da svoj dio lokacije saniraju ne oni lično, nego plate, a da to radi Grad pod nadzorom, izabere lice i sve ostalo i time žele da imaju svoju imovinu i sigurnu jer sutra može sve krenuti. O čemu se radi? Dakle, mogao bi se uslovno rećeno zabiti k-lin u određeno područje klizišta i samim time bi došlo do stabilizacije ne samo tog objekta nego i većine objekata okolo. Možda i cijele padine a opet uz odluku Gradske uprave, nadležnih svih koji su nadležni zato. Al ovo je prijedlog da idemo ka mogućnosti toga. Dakle, mikro sanacije područja koja su definisana kao klizišta kako bi građani mogli sa-mi kad je već neko dao milion maraka za kuću može dati još određena sredstva da ta kuća bude sigurna. Čekajući da to nekad imamo mi pare kao Grad da uradimo može rezultirati da padina klizne cijela. A možda to zaklinjenje jednog objekta može zaustaviti klizanje cijele padine. Tako da evo hajde možemo koristiti i te prijedloge. Građani.

Ovdje je više zaključaka. Evo gledam šesti, pa sedmi, osmi, deveti, nema deset et. Dakle:

Gradsko vijeće Tuzla ostaje dosljedno odbrani Grada od svakog oblika planske, energetske i rudarske agresije koja bi dovela u pitanje zdravlje, sigurnost, dostojanstvo i pravnu sigurnost građana.

Ja ove zaključke ne-ću čitati nego ostavljam da to svakako pošto ih mora pročitati i sekretar da sekretar pročita tako da sam evo skratio u potpunosti sve. Hvala. (MENSUR ALIĆ – Hvala ljepo Mirnese.)

ANA PEJIĆ

U redu.

Da li se još neko javlja za diskusiju? Vijećnik Admir Hasanbašić. Izvolite.

ADMIR HASANBAŠIĆ

E hvala predsjedavajuća. Vrlo kratko. Slažem se sa diskusijom kolege Mirnesa Ajanovića. Ja ću samo reći da ovaj dokument tj. Nacrt Prostornog plana za područje TK-a za period 2025-ta 45-ta godina je ja-ko, jako bitna i ovom Nacrtu treba posvetiti posebnu pažnju, jer kroz razgovor sa stručnim osobama dobio sam informaciju da ima i dosta nekih nelogičnosti između ovih grafičkih i tekstualnih dijelova ovog dokumenta.

Pa evo ja bih samo iskoristio priliku kao vijećnik da pozovem vas kolege, kolegice, građane, predstavnike udruženja da se ja-ve, odnosno da prisustvuju javnoj raspravi koja će se održati 21.07. u 10 sati u sali Gradskog vijeća znači ovdje u zgradi Grafičara. I druga javna rasprava bit će u Privrednoj komori Tuzlanskog kantona koja će biti organizovana 23. 07. 2025. godine u 14 sati. E toliko. Hvala.

ANA PEJIĆ

Zahvaljujem se. Sljedeći za riječ se javio vijećnik Denis Bećirović. Izvolite.

DENIS BEĆIROVIĆ

E hvala predsjedavajuća. Evo stoje kritike i svakako da ćemo braniti interese Grada Tuzla bez obzira, bez obzira na, na, sve ostalo.

Ono što bi ja htio prokomentarisati dakle, ovdje na strani 150. Studijskom dokumentacijom također je potrebno razmotriti i mogućnost odlaganja šljake i pepela na nekom drugom lokalitetu degradiranom zemljištu nastalom usljed površinske eksploatacije uglja koje se nalazi unutar granica eksploatacionih polja izuzev lokaliteta površinskog kopa Šićki Brod koji je ovim planskim dokumentom planiran kao rekreaciona zona Šićki Brod ukupne površine 296,45 hektara. Dakle, pozdravljam ovakav jedan, ovakav jedan pristup obzirom da smo svjedoci godinama i bio sam jedan od učesnika skupa sa mojim komšijama iz Plana, Šićkog Broda, Husina i evo i Lukavca i jednim dijelom i njih dakle, dok se nismo izborili da površinski kop Šićki Brod postane jel bar u dokumentu kao rekreaciona, rekreaciona zona. Dakle, jako dugo se na tom lokalitetu planirala odlagati šljaka i uništiti jedan takav, jedan takav sistem. Zatim, zona rekreacije i sporta Šićki Brod Bistarac, gradovi Tuzla i Lukavac. Dobra namjera treba pozdraviti i treba na njoj insistirati dakle, jednostavno zaštititi ovaj, zaštititi ovaj lokalitet od devastacije.

Eh ovdje bi, ću tražiti jel izmjenu, odnosno jednu korekciju. Kaže: Postoje također i tehnogeno formirana jezera u područjima površinske eksploatacije uglja nastale spontanom popunjavanjem vodom za, završnih kratera površinskih kopova pa sad navode Bistarac, Šićki Brod, Brnare, Potočari, itd. koji nemaju značajniji karakter u smislu izvora vodosnabdijevanja.

Ja bih ovdje Šićki Brod obzirom da je on značajnije popunjen i značajno veći od ovih nabrojanih izuzeo jer ne znamo šta u ovom periodu dakle, 25-ta 45-ta može da se desi. Dakle, za Tuzlu izvoriste dole na Šićkom Brodu može biti jedno od, jedno od značajnijih i mislim da bi to trebali, trebali izmjeniti. I evo jedna još opaska. Šićki Brod, Brod uvijek ide sa velikim slovom obzirom da u ovom slučaju brod nije prevozno, prevozno sredstvo.

Evo što se mene tiče ja sam prikupio neke i podatke i iznjeo sam to na onoj sjednici Vijeća vezano za litij. Moj stav za, za rudarenje litijuma u svrhu proizvodnje litijum karbonata je poznat. Živim ovdje. Odrastao sam ovdje. Mislim da tome trebamo stat, stat u kraj. Hvala.

ANA PEJIĆ

Zahvaljujem se. Sljedeći za riječ javio se vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Evo ja ću minutu samo uzeti vremena. Znači, bio sam u Službi za prostorno i ono što sam predložio upravo ovaj, kad su u pitanju poslovne zone sve je ispoštovano od Službe, sve sam pogledao samo želim da se zahvalim na razumijevanju. Hvala ljepo.

ANA PEJIĆ

Zahvaljujem se. Sljedeća za riječ javila se vijećnica Svjetlana Kakeš. Izvolite.

SVJETLANA KAKEŠ

Manje od minute. (Dobro.) Ovaj, ja bih samo ovaj, predložila nisam priznajem ovaj, pomno pratila Mirnesovu diskusiju pa ukoliko nije napomenuo predložila da s-ve primjedbe koje su ovaj, predložene od Službe za prostorno uređenje, jer su to ipak radili stručnjaci (ANA PEJIĆ- Iće komentar.) (Slađana krajina govori bez uključenog mikrofona opa.) da budu kao sastavni dio. Dobro. I pridružila bi se diskusiji Admirovoj, s tim što bih predložila možda da Grad Tuzla i nadležne Službe i oni pored toga što su Kantonalna ministarstva pozvala sve da učestvuju u javnoj raspravi ukažu na važnost ovog dokumenta i da i oni javno pozovu putem web stranice i sredstava informisanja sve građane, privrednike, poduzetnike i ostale da se uključe u javnu raspravu i da navedu ove datume i stave link na prostorni plan. Et. (MENSUR ALIĆ – Hvala ljepo.)

ANA PEJIĆ

Zahvaljujem se.

Dal se još neko javlja ispred Klubova?

Zaključujem diskusiju Klubova vijećnika.

Otvaram diskusiju vijećnika. (MENSUR ALIĆ – Nema niko.)

Zaključujem diskusiju vijećnika.

Te konstatujem da je GRADSKO VIJEĆE TUZLA VODILO RASPRAVU O NACRTU PROSTORNOG PLANA ZA PODRUČJE TUZLANSKOG KANTONA ZA PERIOD 2025-2045 GODINA.

Slađana jel vam treba vremena za zaključke?
Hoćemo u paketu glasat za zak...? (Može. Da.) U redu.

SLAĐANA KRAJINA – sekretar Gradskog vijeća Tuzla

Na osnovu diskusije, svih prethodno usvojenih odluka, rezolucija i zvaničnih stavova Gradskog vijeća Tuzla, a u vezi sa Nacrtom Prostornog plana Tuzlanskog kantona za period 2025–2045, donosi se sveobuhvatni i objedinjeni zaključci:

1. Gradsko vijeće Tuzla reafirmira sve prethodno usvojene zaključke, rezolucije i odluke, kojima se:

- nedvosmisleno i trajno zabranjuje izgradnja bilo kakvog skladišta prirodnog gasa, podzemnog ili nadzemnog, na području grada Tuzla, uključujući lokaciju Tetima i sve druge rudarske i postindustrijske zone;

- kategorički odbacuje svaku mogućnost istraživanja, eksploatacije, koncesioniranja ili planiranja eksploatacije litijuma i drugih strateških sirovina na području Tuzle, s obzirom na ozbiljne posljedice po zdravlje ljudi, okoliš i imovinsku sigurnost građana;

- zahtijeva striktno poštivanje svih važećih lokalnih razvojno-ekoloških dokumenata, uključujući:

- Strategiju zaštite okoliša Grada Tuzla,
- Plan prilagođavanja klimatskim promjenama,
- Plan upravljanja otpadom,

kao i sve druge akte koji predstavljaju izraz suverenog prava lokalne zajednice da štiti svoj prostor, stanovništvo i resurse od nametnutih štetnih intervencija viših nivoa vlasti.

2. Gradsko vijeće Tuzla podsjeća da je na 8. sjednici, održanoj 13. juna 2025. godine, jednoglasno usvojena tačka dnevnog reda: „Tuzla neće biti gasni logor - Osuda i odbacivanje namjere izgradnje državnog gasnog skladišta“, kojom je na jasan, konačan i pravno obavezujući način odbačena svaka mogućnost izgradnje bilo kakvog skladišta prirodnog gasa na teritoriji grada Tuzla, bilo podzemnog, bilo nadzemnog. U ovoj odluci je bez ikakve rezerve poručeno: *„Neće biti skladišta plina u Tuzli! Neće biti gasnog logora! Neće biti podzemnih eksplozivnih rezervoara pod naseljenim područjem!“* Ova odluka se temelji na ranije donesenim zaključcima Gradskog vijeća iz 2007. i 2016. godine, kada su također jednoglasno odbačeni svi pokušaji uspostavljanja skladišta gasa u Tuzli. S obzirom na kontinuitet jasno izražene volje lokalne zajednice, ova odluka ima karakter trajne zabrane i predstavlja pravno i političko obavezujući akt za sve nivoe vlasti, lokalne, kantonalne, entitetske i državne. Svaki pokušaj njenog zaobilaženja predstavlja narušavanje autonomije lokalne samouprave, demokratske volje građana i ozbiljan udar na sigurnost urbanog prostora Tuzle.

3. Gradsko vijeće Tuzla zahtijeva hitno, bezuslovno i potpuno brisanje ili izmjenu sadržaja Nacrta Prostornog plana Tuzlanskog kantona, na stranici 186, u kojem se grad Tuzla neosnovano i protivno zvaničnim odlukama lokalne samouprave navodi kao potencijalna lokacija za buduću eksploataciju litijuma. Takva formulacija je neprihvatljiva, pravno neutemeljena i politički štetna, jer zaobilazi jasno izraženu volju građana i prethodno usvojene zaključke Gradskog vijeća Tuzla kojima se kategorično zabranjuje svaka eksploatacija litijuma na teritoriji grada. Zbog toga, u Nacrt Prostornog plana Tuzlanskog kantona mora se unijeti sljedeća eksplicitna i nedvosmislena formulacija: *„Na području Grada Tuzla nije dozvoljena eksploatacija litijuma ni u kojem obliku.“* Ova formulacija ne smije biti relativizovana ni zamijenjena izrazima poput „mogućnost istraživanja“, „preliminarni potencijal“, „privredni razvoj“ i slično, jer bi to predstavljalo prikrivenu pravnu osnovu za otvaranje litijumskih projekata koji su već jasno i formalno odbačeni. Gradsko vijeće Tuzla neće prihvatiti nijedan planski dokument koji ne sadrži ovu zabranu u punom i obavezujućem obliku.

4. Gradsko vijeće Tuzla najoštrije upozorava da su litijumski projekti u brojnim državama svijeta već dokazano doveli do ozbiljnih i dugotrajnih posljedica, uključujući:

- zagađenje podzemnih voda i tala toksičnim hemikalijama koje se koriste u procesima ekstrakcije,
- nepovratno uništavanje plodnog poljoprivrednog zemljišta i biodiverziteta,
- prisilno iseljavanje lokalnog stanovništva i narušavanje životnih uslova čitavih zajednica,
- povećanje broja hroničnih i malignih oboljenja kod populacije u blizini eksploatacionih zona.

S obzirom na to da je Tuzla već izložena višedecenijskoj rudarskoj i industrijskoj degradaciji tla, zraka i vodnih resursa, svako dodatno opterećenje kroz eksploataciju litijuma predstavlja direktnu prijetnju javnom zdravlju, sigurnosti, imovinskoj stabilnosti i prostornom opstanku grada. Zbog toga, svako planiranje, predviđanje ili ostavljanje prostora za eksploataciju litijuma bez izričite i prethodne saglasnosti građana i Gradskog vijeća Tuzla predstavlja:

- ekološku agresiju nad teritorijom lokalne zajednice,
- narušavanje principa samouprave zajamčenog Ustavom i zakonima,
- institucionalni napad na pravo građana da odlučuju o svojoj životnoj sredini.

Gradsko vijeće Tuzla se protivi ne samo eksploataciji, već i svakom pokušaju nametanja istraživanja bez konsultacija sa zajednicom.

5. Gradsko vijeće Tuzla konstatuje da su u Nacrtu Prostornog plana Tuzlanskog kantona sadržani brojni elementi koji su u očiglednoj i nedopustivoj suprotnosti sa prethodno usvojenim zvaničnim odlukama Gradskog vijeća Tuzla, čime se ugrožava pravna sigurnost, narušava dignitet lokalne samouprave i stvara prostor za nelegitimno nametanje štetnih rješenja građanima. Posebno se ukazuje na sljedeće neprihvatljive sadržaje u Nacrtu:

- ponovno navođenje Tuzle kao potencijalne lokacije za izgradnju podzemnog skladišta prirodnog gasa (Tetima) iako su takvi prijedlozi već ranije izričito i jednoglasno odbijeni od strane Gradskog vijeća i građana;

- otvaranje mogućnosti za buduću eksploataciju litijuma na području Grada Tuzla, što je u direktnoj suprotnosti sa zvaničnim stavovima i usvojenim zaključcima protiv rudarenja litijuma;

- neprecizno, neažurno ili nedovoljno stručno mapiranje klizišta, nestabilnog zemljišta i post-rudarskih zona, što za posljedicu ima stvaranje pravne i urbanističke blokade za veliki broj građana, kojima se zbog ovakvih planerskih propusta onemogućava legalizacija stambenih objekata i ulaganja u imovinu.

Gradsko vijeće Tuzla smatra da ovakvi elementi predstavljaju ozbiljno povlačenje ingerencija sa lokalne na kantonalnu i entitetsku razinu bez saglasnosti zajednice te upozorava da se svi ovakvi sadržaji moraju uskladiti sa zvaničnim aktima Gradskog vijeća, u suprotnom, bit će smatrani pravno i politički ništavnim.

6. Gradsko vijeće Tuzla zahtijeva da se u Prostorni plan Tuzlanskog kantona eksplicitno ugradi institut mikro-sanacije kao posebna i planski prepoznata kategorija uređenja prostora, namijenjena rješavanju statusa naselja i objekata u zonama koje su neopravdano označene kao rizične ili nelagelizabilne. Mikro-sanacija se mora predvidjeti kao zakonski i planski mehanizam za područja u kojima:

- ne postoje aktivna klizišta niti su zabilježeni recentni pokreti tla,
- nije planirana niti moguća bilo kakva daljnja rudarska aktivnost, a eksploatacija je završena ili faktički napuštena,

- građani posjeduju spremnost i kapacitete da sopstvenim sredstvima finansiraju sanacione radove, pod uslovom da su isti izvedeni pod stručnim nadzorom nadležnih općinskih ili gradskih službi i licenciranih stručnjaka.

Uvođenje ove kategorije predstavlja:

- pravno i tehnički održivo rješenje za hiljade građana koji su decenijama onemogućeni da legalizuju vlastite objekte,

- rasterećenje urbanističkog i sudskog sistema od postupaka za legalizaciju i upis imovine,

- jačanje principa participativnog prostornog planiranja u kojem zajednica učestvuje u rješenju problema a ne bude pasivni talac formalnih zabrana.

Gradsko vijeće Tuzla poziva Skupštinu Tuzlanskog kantona da hitno uvrsti mikro-sanaciju kao legitimni instrument unutar planske dokumentacije te poziva i ostale lokalne zajednice da prepoznaju ovu praksu kao dio odgovorne i društveno korisne prostorne politike.

7. U cilju sistemskog rješenja problema dugogodišnje blokade legalizacije objekata, naročito u zonama koje su bez stvarnih geotehničkih prepreka, Gradsko vijeće Tuzla predlaže uvođenje sljedećih mjera u Prostorni plan Tuzlanskog kantona i prateće strateške dokumente:

- uspostavljanje fleksibilnijeg pristupa legalizaciji objekata u područjima koja su fizički stabilna, građevinski održiva i infrastrukturno pristupačna, bez obzira na to da li se formalno vode kao „post-rudarske“ ili „potencijalno klizišne zone“ - ukoliko stručna procjena potvrdi njihovu upotrebljivost;

- omogućavanje izdavanja dozvola, izrade tehničke dokumentacije i provođenja stručnog nadzora putem nadležnih gradskih/općinskih službi, uz podršku ovlaštenih inženjerskih i urbanističkih tijela, kako bi se stvorili uslovi za retroaktivno ili redovno ozakonjenje objekata;

- formiranje posebnog fonda na nivou lokalnih zajednica, u saradnji s kantonalnim i federalnim organima, za sufinansiranje mikro-sanacionih zahvata, koji bi omogućili građanima da legalno i sigurno investiraju u stabilizaciju tla i obnovu imovine.

Ovim mjerama bi se istovremeno:

- omogućila pravna sigurnost i zaštita imovinskih prava građana,

- smanjio broj sudskih i upravnih sporova oko legalizacije,

- aktivirali prostori koji su trenutno urbanistički zapušteni, ali tehnički iskoristivi,

- unaprijedila kvaliteta stanovanja i životna sigurnost u marginalizovanim zonama.

Gradsko vijeće Tuzla poziva da se ove preporuke ne tretiraju kao sugestije već kao obavezujuće smjernice za planske dokumente jer su izraz stvarnih potreba građana koje su decenijama zanemarivane.

8. Gradsko vijeće Tuzla zaključuje da neće dati saglasnost na Prostorni plan Tuzlanskog kantona u dijelu koji se odnosi na teritoriju grada Tuzla, ukoliko se u Nacrt ne unesu sljedeće obavezne i minimalne izmjene koje predstavljaju uslov za njegovo razmatranje i usvajanje:

- unošenje izričite i nedvosmislene zabrane izgradnje bilo kakvog skladišta prirodnog gasa na teritoriji grada Tuzle, uključujući podzemna i nadzemna postrojenja, bez mogućnosti ostavljanja prostora za „buduću procjenu“ ili „strateško razmatranje“;

- unošenje izričite zabrane istraživanja i eksploatacije litijuma u bilo kojem obliku na cijelom prostoru grada Tuzla, bez izuzetaka i bez terminoloških zamjena koje bi omogućile naknadno zaobilaženje ove zabrane;

- formalno i normativno uvođenje mikro-sanacije kao pravnog i planskog dokumenta za područja gdje građani, uz stručni nadzor, mogu osigurati stabilizaciju tla i sticanje uslova za legalizaciju, u skladu s principima održivog prostornog upravljanja;

- precizno, tehnički utemeljeno i ažurno označavanje svih zona koje su historijski bile podložne rudarskoj eksploataciji, uz jasno razgraničenje između:

- područja gdje rudarska aktivnost i dalje traje,

- područja koja su formalno zatvorena i stabilizovana,

- i zona koje su neopravdano i neutemeljeno blokirane.

Ukoliko Skupština Tuzlanskog kantona i nosioci izrade Prostornog plana Tuzlanskog kantona ne postupe u skladu sa ovim zahtjevima, Gradsko vijeće Tuzla će smatrati da se krše temeljni

principi autonomije lokalne zajednice, načelo zaštite okoliša i ustavom zagarantovano pravo građana da odlučuju o prostornom razvoju svog grada.

9. Gradsko vijeće Tuzla nalaže da se ovi zaključci, zajedno sa svim relevantnim zvaničnim aktima, zapisnicima diskusija, obrazloženjima i ranije usvojenim rezolucijama Gradskog vijeća Tuzla, odmah dostave na razmatranje i obavezujuće postupanje sljedećim institucijama:

- Skupštini Tuzlanskog kantona, kao najvišem zakonodavnom tijelu nadležnom za donošenje Prostornog plana;

- Vladi Tuzlanskog kantona i Ministarstvu prostornog uređenja i zaštite okolice Tuzlanskog kantona, kao izvršnim i stručnim organima odgovornim za sadržaj plana i njegovu implementaciju;

- nosiocima izrade Prostornog plana Tuzlanskog kantona, koji su dužni uvažiti sve formalno usvojene stavove jedinica lokalne samouprave u čijim se granicama Plan provodi;

- Vijeću ministara Bosne i Hercegovine i Parlamentarnoj skupštini Bosne i Hercegovine radi informisanja i sprječavanja državne intervencije na štetu lokalne zajednice;

- Ministarstvu okoliša i turizma Federacije Bosne i Hercegovine kao nadležnom organu za procjenu okolišnih posljedica prostornog zahvata;

- Parlamentu Federacije Bosne i Hercegovine s ciljem zaštite ustavnih prava jedinica lokalne samouprave i principa zakonitosti;

- Gradonačelniku Tuzle i nadležnim gradskim službama radi dalje operativne provedbe i institucionalne zaštite interesa građana Tuzle.

10. Prostorni plan nije puki tehnički dokument, on je strateški akt koji određuje život, zdravlje, sigurnost i budućnost građana. Nijedna njegova tačka, nijedna šrafura, nijedna formulacija ne može biti usvojena ako je u suprotnosti sa:

- voljom građana,
- pravima i interesima zajednice,
- ranije donesenim odlukama Gradskog vijeća Tuzla,
- i osnovnim načelima održivog, pravednog i demokratski odlučenog prostornog razvoja.

11. Gradsko vijeće Tuzla ostaje dosljedno u odbrani grada od svakog oblika planske, energetske ili rudarske agresije koja bi dovela u pitanje zdravlje, sigurnost, dostojanstvo i pravnu sigurnost građana.

12. Gradsko vijeće Tuzla prihvata komentar na Nacrt Prostornog plana za područje Tuzlanskog kantona, koji je pripremila Služba za prostorno uređenje i zaštitu okoline i isti, kao mišljenje Gradskog vijeća Tuzla, uz gore navedene zaključke, dostavlja Ministarstvu prostornog uređenja Tuzlanskog kantona.

ANA PEJIĆ

Molim vas da se izjasnite o pročitanim zaključcima. Glasanje je okončano
Konstatujem da su pročitani zaključci usvojeni sa,
20 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

RAZMATRANJE IZVJEŠTAJA KOMISIJE ZA IZBOR I IMENOVANJA

Slađana hoćete da ja čitam ako...? Ako hoćete mogu i ja? Ako hoćeš da ja pročitam?

SLADANA KRAJINA – sekretar Gradskog vijeća Tuzla

Ne mora. Evo onaj, znači:

- Gradsko vijeće Tuzla je razmatralo izvještaj Komisije za izbor i imenovanja sa sjednice održane 3. jula 2025. godine i prijedlog su sljedeći zaključci:

- Gradsko vijeće...Hoćete zajedno sve? Sve se radi o ispravkama onih grešaka prilikom predlaganja. (ANA PEJIĆ – Zajedno sve u paketu.)

- Gradsko vijeće Tuzla je razmatralo i prihvata prijedlog Komisije za izbor i imenovanja za ispravku tehničke greške, načinjene od strane Demokratske fronte - DF, prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle te se vrši izmjena Rješenja o izboru predsjednika i članova Savjeta Mjesne zajednice Gornja Tuzla, broj: 01/04-A-8445-2025 od 27. maja 2025. godine, na način da se u tački I Rješenja izmjeni redni broj 4. tako da isti umjesto "Seid Hadžibeganović" glasi "Sejid Hadžibeganović".

2. Gradsko vijeće Tuzla je razmatralo i prihvata prijedlog Komisije za izbor i imenovanja za ispravku tehničke greške, načinjene od strane Kluba vijećnika SDP – Socijaldemokratske partije Bosni i Hercegovine, prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle te se vrši izmjena Rješenja o izboru predsjednika i članova Savjeta Mjesne zajednice Husino, broj: 01/04-A-8449-2025 od 27. maja 2025. godine, na način da se u tački I Rješenja izmjeni redni broj 2. tako da isti umjesto "Davor Marijanović" glasi "Davor Marjanović".

3. Gradsko vijeće Tuzla je razmatralo i prihvata prijedlog Komisije za izbor i imenovanja za ispravku tehničke greške, načinjene od strane Demokratske fronte - DF, prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle te se vrši:

- izmjena Rješenja o izboru predsjednika i članova Savjeta Mjesne zajednice Par Selo, broj: 01/04-A-8465-2025 od 27. maja 2025. godine, na način da se u tački I Rješenja izmjeni redni broj 6. tako da isti umjesto "Biljana Marković Andrić" glasi "Biljana Andrić"; i

- izmjena Rješenja o izboru predsjednika i članova Savjeta Mjesne zajednice Dobrnja, broj: 01/04-A-8433-2025 od 27. maja 2025. godine, na način da se u tački I Rješenja izmjeni redni broj 4. tako da isti umjesto "Zehrudin Bečić" glasi "Zehrudin Bečić". To je to.

ANA PEJIĆ

Molim vas da se izjasnite o pročitanim zaključcima. Glasanje je okončano.

Konstatujem da su pročitani zaključci usvojeni sa,

20 glasova za, nije bilo protiv i nije bilo suzdržanih.

POD TEKUĆIM PITANJIMA

Imamo pod

a) Obavještenje „Tržnice-Pijace“ d.o.o. za usluge i trgovinu Tuzla, o razlozima prolongiranja izrade izvještaja o radu i poslovanju za 2024. godinu, pod

b) Obavještenje Službe za budžet i finansije o razlozima prolongiranja izrade:

-izvještaja o izvršenju Budžeta Grada Tuzle za period 1.1. do 30.6.2025. godine

-izvještaja o korištenju sredstava Tekuće rezerve za period 1.1. do 30.6.2025. godine te pod

c) Obavještenje Javnog komunalnog preduzeća Vodovod i kanalizacija Tuzla o razlozima prolongiranja izrade izvještaja o radu i poslovanju za 2024. godinu.

Obradivači su:

Tržnice-Pijace“ d.o.o. Tuzla (pod a)

Služba za budžet i finansije (pod b) i

Javno komunalnom preduzeće Vodovod i kanalizacija Tuzla (pod c).

S obzirom...Evo otvaram raspravu vijećnika. Da li se neko javlja?

Zatvaram raspravu vijećnika.

Te konstatujem da je GRADSKO VIJEĆE TUZLA PRIMILO K ZNANJU PROČITANA OBAVJEŠTENJA.

Zahvaljujem se vijećnicima, predlagačima i obrađivačima materijala, Stručnoj službi Gradskog vijeća i zaključujem 9. redovnu sjednicu Gradskog vijeća Tuzla. Vidimo se 29. avgusta.

(S obzirom da je dnevni red iscrpljen i 9. redovna sjednica Gradskog vijeća Tuzla zaključena ista je završena u 19:23 sati.)

STENOGRAM SAČINILI:

Selma Suljkanović

Jasminka Delalić

P R E D S J E D A V A J U Ć I

Ana Pejić, BA prava